古史甄 隋唐制度淵源略論稿 中 中 國古代社會史 國 古代社會研究 微

歴史・地種類

唐代政治史述論稿

陳寅恪著

陳寅恪著 蒙文通著

上海者店

郭沫若著

侯

外廬著

古蒙文通編

甄

微

本書據商務印書館1933年版影印

何功倉 於春 院埠補益多洽歲之間稿凡三易於是文通將有命陵之游踐師門五年之約南充張方老世丈曰且 餘 凡十二篇約六萬言卽以教於成都大學再教於成都師範大學稿又易三教於四川大學及敬業學 己卯春間蒙嘗以所述孔子古文說質之本師井研廖先廖先不以爲謬因命曰「古言五帝疆域四 也。 華夏立國開化之遠迴非東西各民族所能及凡我國人皆足以自榮而 百千年五行之運以子承母土則生金故少昊為黃帝之子詳考論之可破舊說 丁 年終未遑撰集丙寅夏間: 秋撰爲此篇本爲究論史乘而多襲注疏圖緯之成計間及諸子殆囿於結習而使然也稿旣脫。 卯歲首稍暇遂發憤撰集謀以酬廖師之命者應葉丈之責捜討旣終疑文猬集爱原本途古迄 殊祖孫父子之間數十百年之內日關日蹙不應懸殊若是蓋緯說帝各爲代各傳十數世各數。 皇之間無以爲答支吾數語慚悚無似蓋學殖荒落根底未充一遇通人輒瞠目無對固其宜 適麥趨踢羅江葉秉老 世丈葉丈博物能文淹貫史乘訊蒙於乙部 自勉也」蒙唯諾受命已十 一系相承之謬以見 曾用

自

稍留試爲我寫定之則又淹遲成都三閱月而四定稿又畢經學抉原天問本事初稿亦次第錄出約。

四 而 萬 文通年來言學大意備於是矣稿稍成而羣盜阻兵烽火突起欲行不得東望江表憤懟何如士貴 言。 經學抉原 一篇猶是舊作導言之旨蓋以天問本事一篇以見楚人一派之學三篇循環相通。

外要不忘平生之言吾行已先不信**倘何冀人之信吾言而況此非毀堯舜譏短湯武狂悖之論**哉則

草定此篇之意不可以不敍也。

年

兩 相

敍 日晚近言學約有二派一主六經皆史一主託古改制二派根本既殊故於古史之衡斷自別: **詆諆嘲嚷若冰炭之不可同刑言今古學者且復以是爲判然苟今古學之義不明則古史** 数十

IE 未 易理今世之言今古學者固自與古不同在昔兩漢言學嚴守師法各有義類統歸於同道則交

午旁通於異家則不相雜越篤信謹守說不厭詳而晚近言學則異是劉(逢祿)宋(翔鳳)襲(自珍)

魏(源)崔(適)康(有爲)之流肆爲險怪之辯不探師法之源徒譏訕康成詆訐子駿卽以是爲今文。

可惠(士奇)金(鍔)陳(奐)鄒(漢勛)其陳說禮數亦何嘗不徵之先秦以易後鄭途徑豈出龔魏下。 至 王若胃偽7 孔書傳而曲信皇甫士安究不明兩家之說爲同爲異斯謂之能訕鄭則可謂之今文則不

鄭則 世 末流 當 成、 彼 言今古學之大本已乖又何論於改制託古六經皆史之談蓋此二說者文無徵於古義或爽於正。 毀范寧於其旨義之爲一爲二乃未之詳察至若劉賈馬鄭之或變或合更莫探其原委謂之能阿毀范寧於其旨義之爲一爲二乃未之詳察至若劉賈馬鄭之或變或合更莫探其原委謂之能阿 於今文家法之學是前代之今文惟一近代之今文有二魚目混珠朱奪於紫其敝也久矣今文之 則 可詎何關於古文今文古文之界別且不明徒各據緯候蒼雅爲根實以訕鄭阿鄭爲門戶則今。 如是而古文之訛惑亦莫不然徒詆讖緯矜蒼雅人自以爲能宗鄭而實鮮究其條貫。 不自命爲今文此乃張毖緯以駭俗董伏韓楊之術豈其若斯若張惠言陳壽祺之遞論則無有 交口 難備。 贊康

南 義 問 倘 . 北 有歸。 可依之以斷義惟一捨此末世之浮辭守先師之遺訓考其家法推其條例以致其密說雖 異趣今文學亦 如北學言史要不遠於譙周(古史考)南學言史終未越乎皇甫(帝王世紀)古文學旣 齊魯殊致適海 適岱言各有宗觸類而 通然後於漢師之學古史之事。 庶可 略知

方 ,軌然此穧局乎孔氏一家之言班馬以來之說未可以上窮古史之變也古史奇聞諸子爲詳故訓。 、時見比輯驗之則此 百家雜說自成統系若或鄰於事情而六藝所陳動多違忤反不

迁 搜其散: (**佚**譔其奇) 說自足見儒家言外若別有信史可稽經史截分爲二途猶涇淸渭濁之不可。

免於

讖

駁文

自

序

混。

枚 方古史甄微初 稿之成則於託古改制之說雖欲不信而不得更後讀楚詞天問見其持 說乃又

不同王逸序章 言一 屈原見楚有先王之廟及公卿祠堂圖畫天地山川神靈琦瑋僑佹及古聖賢怪物

既大異於六經復不同於諸子**乃恍然於古史甄徹所述多本韓非之意同符汲家之書**別是北 行事因書其壁呵而問之」是天問所陳皆楚人相傳之史山海經雅與符會諒同本於楚人之舊傳。 方三

晉所 傳。 而儒家六經所陳究皆魯人之說耳蓋魯人宿敦禮義故說湯武俱爲聖智晉人宿崇 功 利。故

說舜 禹皆同篡竊楚人宿 好鬼神故稱虞夏極其靈怪三方所稱述之史說不同蓋即 原 於其 思 想之

海經三者稱道古事各判其即本於三系民族傳說之史固各不同耶晉之乘楚之構杌魯不修之春 異。 古史甄微備言太古民族顯有三系之分其分布之地域不同其生活與文化亦異六經汲冢書山

其文寥落不可知其義則彰然可識也況天問所述託始女媧而莊子稱赫胥豨韋周易繫辭 始 自

北 羲。 之傳無之郯子稱道少昊大戴禮 而 子思 稱東 扈韓非五蠹始自遂人有巢而 記 呂氏· 春秋述五帝皆不之及兩家所說蓋本 商君 稱昊英所陳不同非苟 m 已。山 之荀 經 頗 稱 卿 李 帝 斯 俊。 者 īfii

是三方言首出之王既殊言難世之王又各異也余舊撰經學導言推論三晉之學史學實其正宗。

ZŢ.

文家 則六 改 經天間所陳翻不免於理想虛構則六經皆史之談顯非諦說託古改制之論亦未必然誠以今 ¥制之言以 經之所陳作自孔氏然終 無以解於 左國之書以左書多符六 經安得 日 ぶ 袓 孔子。

左書 於晉楚人之說也。 而 非 祖 孔子。 此改制之說所 則孔子所 改制 而左 由難通而推本於鄒魯晉楚三方傳說之殊理或爾 國 能 偶 同之者何耶儻東方之舊傳實然故左 也且 孔 同 改制所· 符。 而 別 本。 異

依 於 春秋公羊說者謂隱公改元卽爲王魯之證然天子改元卽事天 八地諸侯改二 完。 即 事社 稷。 家斷

其 義。 左氏紀恵公之元國語晉依獻公文公紀元春秋述其事安在隱公元年卽爲春 秋當 新王之義。

素 王 一之說既搖即改制之說難立至 劉知幾之惑經疑古更足徵經史之分途晚近六經皆史之談。

旣

經

暗 於 史尤病於史似於劉氏所 惑所 疑蓋已了無疑 狙。 而 於孔子所傳微言 大義。 更若存: 岩亡此·

皆 話。 史 託古改制 兩 說之所不易明而追尋今古之家法求晉楚之師說或有當也: 一然天問 山 經。 沙神

語多靈怪。 民神糅 雜其可據以說 南人之史耶蓋山經之作五篇之文最 **光**。 海內外大荒皆屬後

在 後 篇言之神怪 者。 在 山經皆為 <mark>樸略之人亦猶世</mark> 傅 關羽事多 異聞乃非陳壽 所 宜 知 也。 知 天 問

山 經 所 述自爲楚之史文九歌所歐雲中君少司命之類乃楚之神鬼耳。 而 天問所陳 雅 不涉 於九歌。

九 所頌復不涉及天問則楚人神之與史其辨本明持此以驗三方傳說之殊儻未爲失推此以尋。

則 見晉楚之史不與鄒魯同科三系之說明而古史大略或可求也請姑就孟子書 證之孟子之書盡

所 人 所信令以孟子 斥 責者 翻 若可 書證孟子書品 信。 試列陳之(一)萬章 見儒家三 言外顯有異家之史存於其 問 ·日「人有言伊尹以割· 間孟 烹要湯有諸」孟子曰、 子所 稱述 者若 可疑。 否不然。 而孟 子

伊 ,尹耕於有莘之野而樂堯舜之道焉湯三使往聘之故就湯而說之以伐夏救民」孟子所陳、 與萬

章所問 各異而韓非難言「湯至聖也伊尹至智也夫以至智說至聖然且七十說而不受身執鼎俎

爲 庖 幸。 **呢近習親湯乃僅知** 其賢而用之」 則韓: 非之說足證萬章之非誣固別一 說也。

若天問說伊

尹之事。 文自不同共。 其日 「成陽東巡有莘爱極、 何乞彼 小臣吉妃是得水濱之木得彼小 子夫何惡之。

媵 有莘之婦。 說既荒 唐異於孟 子韓非 所 論。 呂氏· 春 秋本 味篇 有侁氏女子採桑得嬰兒於空桑

獻之 鄰、 其君察其所以然曰其母 十里而顧其邑 盡爲水身因化爲空桑故命曰伊尹伊尹長而賢湯聞使人請之有侁氏。 居伊水之上孕夢有神告之曰白出水而東走母 顧明日視 白出

有 洗氏不 東走 可伊尹亦欲歸湯於是請娶婦爲婚有侁氏喜以伊尹爲媵送女湯得伊尹設朝而。 見之記 說

其

可謂 子之言可疑 獻諸繆公」韓非說林「公孫技自刖而尊百里」 莊子「奚飯牛而牛肥繆公忘其賤與之政」此又 記趙良說「百里奚荆之鄙人也自寓於秦客被褐食牛」呂氏春秋愼人「公孫枝以五羊皮買之而 亦 以 要秦穆公信乎孟子曰否不然好事者爲之也百里奚知虞公之不可諫而去之秦年已七十矣」史 韓非之說有徵而孟子之說可疑也(二)「萬章問或日百里奚自鬻於秦養牲者五羊之皮食牛以 彭氏之子曰伊尹天下之賤人也君欲見之亦令召問焉彼受賜多矣」則孟子之說惟墨翟與合豈 議 **湯以至味」此又一說也呂覽所言卽述天問之事又連及鼎俎庖宰並爲一說蓋後起之書兼備** 、進亂亦進聖之任者墨子亦言「成湯舉伊尹於庖廚」則割烹之說反若可信以孟子證孟 。鄒魯所傳自相同而與晉楚之說各異耶孟子言「伊尹五就**湯五就桀」則非耕於莘野之人也治** 矣是伊尹要湯之事惟一而孟子韓非天問三家之說不同墨子「湯將往見伊尹命彭氏之子御。 至德」凡孔孟之稱美文王者至矣然韓非內儲言「文王資費仲而遊於紂之旁合之間紂而 也皆足證萬章所問不虛孟子曰「百里奚舉於市」是亦說自獨食牛事以孟子之言足證孟。 (也) (三) 孟子以文王爲以德行仁者王孔子亦贊文王「三分天下有其二以服事殷。 蓝子。 則

亂其心」、喻老言紂索玉版事謂周惡賢者之得志也淮南道應訓言「文王爲玉門樂靈臺相女童。 紂之失」此又一說也與孔孟之言迥別天問則曰「 伯昌號衰 秉鞭作牧何徹彼岐社。

以待 之國」正緯書所謂· 赤雀街丹書降周之岐社而文王制命稱王此又一說也而屈子亦深以周之代 命有般

叉曰 殷爲疑孟子曰「取之而燕民不悅則毋取古之人有行之者文王是也」旣言「文王由方百里起」 「禓以七十里文王以百里」則文王之受封可知復言「文王之囿方七十里民猶以爲

則 太王文王翦商之志不尤顯耶以孟子書證孟子書亦足見韓非所言文王之積慮處心鄰於實而

作。 孔孟 與曰盍歸乎來吾聞西伯善養老者」此一說也而離騷則云「呂望之鼓刀兮遭周文而得舉」 所言為疎斯皆文飾之迹有所不能全泯者也(四)孟子曰「太公避紂居東海之濱聞文王

天問 日 「師望在肆昌何識鼓刀揚聲后何喜」此又一說也齊世家謂「太公以釣魚奸周西伯」

春秋 「太公望東夷之士也欲定一世而無其主聞文王賢故釣於渭以觀之」韓非喩老說「文

心皆與孟子不合。尙書大傳言「散宜生閎夭南宮括三子者學於太公太公見三子知爲賢人途與。 史記

范睢說秦王曰「呂尙之遇文王也身爲漁父而釣於渭濱耳」

此又一說

王舉

太公於渭濱」

八

師 夷 孟子曰「伯夷聖之淸者也。」孔子曰「伯夷叔齊餓於首陽之下。」此鄰魯之言也韓 無 說被裼帶索築乎北海之洲」異乎韓非北方之傳而合於孟子同爲東方之說若莊子則云 合也(五)孟子曰「傅說舉於版築之間」而韓非言「傅說轉覽」與孟子之說不同墨子「傅 子韓非天問三家之說又各不同范睢魏人故與韓非合伏生與孟子同爲東方儒家之說又能自相 亦曰 三子見文王於羑里」史記言「呂尙處士隱海濱周西伯拘羑里散宜生閎夭素知而召呂尙呂尙 以 在 爲無形傅說得之以相武丁奄有天下乘車維騎箕尾而比於列星」 私念此鹿肉食之必美鹿知其意不復來二子途餓而死」此又天問楚人荒唐之說與三晉鄒 義不食周粟此亦周之草木也於是餓死」列士傳言「二人遂不食薇天遣白鹿乳之得數日。 「驚女采薇鹿何祜」說者引古史考列士傳釋之古史考言「夷齊采薇而食野有婦 夷奄孤竹而君之以夾煽王**燼商可復也」則夷齊**豈肥**遯**自甘耆耶此三晉之說又不同也天。 將 吾聞西伯賢又善養老盍往焉」 史公之說即本之大傳與孟子同又足見太公之事 軍 葬於首陽之下。」而汲冢書言「伯夷·叔齊·去隱於首陽山或告伯夷叔· 斯南方之說又自殊 齊日。 胤子 非則 ·在鄭父 人謂之 他(六) 一一大道 二。而孟 曰 伯

魯义不同也(七)孟子曰「舜生於諸馮遷於負夏卒於鳴條東夷之人也」淮南子以「舜征三

此又以舜非死於征三苗意與孟子合則鄒魯所傳自相同而與淮南檀弓等異家之說殊也(八) 古道死蒼梧」則舜以征三苗不死於東而死於南也異於孟子而魯語展禽謂「舜勤衆事而野死」。

咸邱蒙問語云盛德之士君不得而臣父不得而子舜南面而立堯帥諸侯北面而朝之瞽瞍亦北

人之語也堯老而舜攝也」然呂氏春秋說「堯傳天下於舜禮之諸侯妻以二女臣以十子身請北 面 而 朝之舜見瞽瞍其容有蹙孔子曰於斯時也天下殆哉岌岌乎孟子曰否此非君子之言齊東野

不得而子君問不得而臣也」則咸邱蒙所持以問固孟子而外異家所述之史文也(九)孟子曰 面朝之」韓非子忠孝稱記曰「舜見瞽瞍其容造焉孔子曰當是時也危哉天下岌岌有道者父問

堯崩三年之喪畢舜避堯之子於南河之南。」而汲冢古文云「昔堯德衰爲舜所囚又云舜囚堯

復偃塞丹朱蓋囚堯偃朱二城是南河之南處也」與孟子不合韓非子難三 則曰 「夫堯之賢六王

舉禹避舜之子於陽城」韓非忠孝則曰「舜偏堯禹偪舜**湯放桀武王伐紂」管子曰「舜禪夏禹**。 之冠也舜一從而 成包而堯無天下矣」亦與孟子不合而與汲冢古文合孟子曰「舜崩三年之喪

_ o

禹舉益於陰方之中授之政九州成」墨子所言乃能與孟子合者亦以同爲東魯之說故又自相同 也(十)「萬章日象日以殺舜爲專立爲天子則放之何也孟子曰封之也或曰放焉」而韓非忠。 與 重 南 人無擇因自投清冷之淵舜以天下讓石戶之農石戶之農夫負婦戴攜子以入於海」是道家者流、 箕山之陰」韓 日予無所用天下為又讓天下於子州支父子州支父曰我未暇治天下也舜以天下讓北人無擇北 於洞庭之野。」則征三苗道死蒼梧時也亦與孟子不同孟子曰 八韓非同日 方之說既異於韓魏之傳復異於鄒鲁之說也汲冢古文言益干啓位啓殺之與韓非合汲派魏書。 盐 |在啓也已而啓以友黨攻益而奪之天下」又與孟子不合若莊子則曰「堯讓天下於許由許由 為三晉北方之說故能自相同耶墨子尙賢云「古者堯舉舜於服澤之陽授之政天下平。 非子外儲則日「 禹愛益而任天下於益已而以啓人爲吏及老而傳天下於益。 「禹崩三年之喪畢益避禹之子於

孝說 + 一)孟 「瞽瞍爲舜父而舜放之象爲舜弟而殺之妻帝二女而取天下」孟子韓非說象事义各不同。 子口 一太甲 饰 過自怨自艾三年以聽伊尹之訓己也復歸於亳」而汲家古文言一太

甲潛出自桐殺伊尹」 韓非說疑又稱記曰「堯有丹朱而舜有商均啓有五觀商有太甲武王有管

白

序

同。 蔡。 五 王之所誅者皆父兄子弟之親也」 德衰。 則謂太甲之事與五觀管蔡同也是孟 小子孟子日子 否、不 然也」加 一子韓 非說 太甲又不

禹 (+=) 問 伯成 子高 英章問· 日及吾在位子解諸侯而 人有言至 一於四而 m耕何子高P 不 傳於賢 曰昔堯舉天下而傳 mi 傳 於 之他 人舜亦猶然今君之 新 序 礩 士

所懷者私也貪爭之端自此始德自此衰刑自此繁也」淮南子說「有扈氏爲義而亡」 高誘注 謂

有忌氏以堯舜舉賢而禹獨與子故伐啓」則萬章所問又上合於伯成子高與有扈氏之義。 而

於孟 子之說也(十三)萬章 白二 殺三古於三危殛鮫於羽山」此謂誅 有罪 心史記云 一流

於 幽 陂 心晉語 以 變 北 狄放驩受於崇山以 日季日舜之刑· 變南蠻遷三古於三危以 脏。 說「堯不聽舉 變 西 戎。 極敏 兵而誅共工於幽州之都。 於羽 Ш 以 變東 夷。

此謂

共工

巽

以 成 化 五. 也 殎 韓非子 誅鮌

於羽 山之 郊。 則誅討有罪者三晉之說也左氏文十八年傳「季文子曰舜臣堯流四凶 **应族投**諸四

教民 成化 禦鮑 者魯人之說而 態。 鲁語 展禽以「鮌障洪水而殛 史記 用之也若天問 死。 則 日 與舜勤 「永遏在 衆事而野死稷勤百穀而 羽 山。 夫何三年不施J又日**「** 山 死、 鴟龜 并舉。 **哎**銜。 则 災

化為黃熊巫何活焉」則誣怪之說問不足論是伯鮌之事惟一而楚人與鄒魯三晉所道

鮌

何

聽

焉。

孔子。 相 韓非三晉之說離騷天問楚人之說又自差殊然荒唐悠謬置之可 所 治黃帝調歷言黃帝至元鳳三年六千餘歲又疑帝王錄舜禹年歲不合人年」壽王又言伯益為天 又各異也(十四)孟子曰「由堯舜至於湯五百有餘歲由湯至於文王五百有餘歲由文王至於 存 十七歲至於元封七年。」此當即寶長安單安國治終始言「黃帝以來三千六百二十九歲」之說 子 堯舜之道於三千歲之前」與孟子殊而汲冢古文言「夏年多殷」與韓非合律歷志言「張壽王 九世有紂」此鄒魯之說也而韓非說「虞夏二千餘歲殷周七百餘歲而不能定儒墨之眞乃欲審 十七玉殷三十一王」即本之三朝記 於其間韓非汲家之書皆與孟 代禹同於韓非竹書此又三晉之說也神農作太初歷而律歷志言「前歷上元太初四千六百 H 反足證北方三晉之學鄰於事實韓非難一言「歷山之農者侵畔舜往耕焉期年甽畝正河濱。 [本黃帝調歷爲晉人之說神農太初爲楚人之說可知由此見卽孟子之書顯有矛盾不同之史。 五百有餘歲」又曰「由周而來七百有餘歲也」此魯世家劉歆班固之所本馬遷班固又言「夏 子異而自 少間「禹崩 相同惟墨子展禽等魯人之說能與孟子合 一十有七世有桀成湯崩二十二世有武丁武丁別 也以孟子書證孟子書或 而異 、於日季、 陈又自

占 史 甄

之 非 舜官 漁 脊 华 也。 班 III 舜往 舜往 為之者 漁 焉。 期 所以 年而讓長東 lu 也。 舜 夷之陶 其信. 者器苦為至 仁乎或 問 舜往 儒 者 陶焉。 日。 方 期年 是時 也堯安在立 ·而器牢仲昂 其 尼 人 数 日 日 堯為 耕 漁 天子。 與 陶。

然則 仲尼之聖堯奈何聖人明察在上位將使天下無姦 心心一种 漁 不爭。 陶器 不凝。 舜又何德 而 化舜

過。 救 败 已三過舜有盡壽有 也則是堯有失 心賢舜 盡天下 則 去堯之明察聖堯則去舜之德化。 過無已 者。 以· 有 盡逐 無已。 所止 不可 者寡 矣。 兩得 是不 也且 舜教 特三 一晉所 敗期 傳之史 年

與 鄒 == 年 魯 不 同韓非 11 進 而 撃儒 者之傳假孔 子之說已開 惑 經 疑古之端 也。 仲 尼 祖 述堯舜憲章文武。

丽 + 過 述 由余之言曰 「昔者堯有天」 下。 飯 於士 ££0 飲 於 八土鍋。 其 地前 至 交 趾。 北至 幽 都。 東 西 至 日 月

於宮以 之所 出入者莫不賓服堯禪天下虞舜 爲食器諸侯以爲益侈國不服者十三舜禪天下 受之作爲食器斬山 而傳之於禹禹 木而財之削鋸修 作爲祭器墨漆 其迹流漆墨其 其 外 之 全 和 之 而 朱晝

其内。 緩帛! 爲 芮c 格席 颇 緣 **驚酌有采**点 顺 樽 俎 有 飾。 此彌侈 矣而國之不服 《者三十三言 夏后 氏沒般. 人受

作 為 大 路 而 建 九 流。 食器 雕 琢。 觴 酌 刻 鏤。 四 壁 堊 墀。 茵 席 雕 文此 彌侈 矣。 而 國之 不 服 者 Ŧī.

是韓 非以堯舜禹湯胥不得爲恭 **儉之主周監二代郁郁其文而武王征四方。** (凡憝國· 九十有九 國。

下讓 公東 許 征 能盈 由。 許 族十有七國由韓非視之將周之益侈而國之不服者彌多耶韓非外儲說「 由 必不受也是則堯有讓許由之名而實不 失天下也」是唐成之禪讓 其名。 而舜 堯以其天 禹之

攘 毎其 實 也。 説林· 上言 「湯已伐桀而恐天下言己爲貪 心因乃讓天下於務 光而 恐務光之受之也。

於 乃 湯 他 人 徙於不齊再徙於魯三徙於南巢然後湯即天子位」 說務光曰湯殺君 而欲傳惡聲於子故讓天下於子務光因自投於河」 是湯之讓務光也爲僞實已伐桀而 殷祝言「桀三致國 **17**5

伯 僞 爲 夷 扣 禪 馬之諫 譲之迹以 不 飾之姦劫弑臣言 售。 恥 周 而 逃之而武王反以天下讓伯 「古有伯夷叔齊者。 武王 夷者 何 譲以天下 那孟子言 而弗受餓死首陽之陵」夫 伯 夷不立於惡人之朝。

不 **夷惡人言」則其求仁得仁餓於首陽之下武王周公正伯夷之所謂之惡人耶足知三晉史文比**

之人。人 於 鄒魯六藝非徒節末之殊。 類 自 7有史以· 來古今一揆上古不爲治季世不爲淫。 而實根本之異其君則湯武堯舜其臣則伊 韓 非所 論。 周 迥別 周禹 稷。 於孟子屈 固 無殊於五 原所 聞。 一霸六國 三方

史 也。 説 耳 異。 本孟 f 書可 人傳說各異莫可考其出於周秦何派者亦可 推 而 見之北・ 人所 傳近真。 亦 本孟子 書可 推而 見之此較問 推而得之試再於孟子求之。 明之證 也。 知 斯旨

11 序 训

於同

事而

後

以

義

輅 瞍 不 章 知 日 其已下故焚廩浚井舜入而卽 「父母使舜完廩捐階瞽瞍焚廩使浚井出從而揜之」 出警 · 瞍不知其已出從而蓋其井」 趙岐註謂 此一 捐階舜卽旋從階下。 說也史記說 使

舜 E |塗廩瞽 **瞍從下縱** 火焚廩。 舜乃以 兩笠 自扞 而下去又使舜穿井舜穿井爲匿空旁出。 · 舜既深入。

輅 滌廩二女曰鵲汝衣裳鳥工往得飛去又使浚井二女曰去汝裳衣龍工往自旁而出」 瞍 F 土實: 井舜從匿古 交 出 去。 此又一 說也沈約註竹書 梁武帝作 通 史及宋章 書符 瑞志、 並云 使

舜 称 經云 「二女靈達能以烏工龍裳救井廩之難」列女傳(索隱引)「二女教舜烏工 上廩」此 郭璞 注山

叉 說 此也三說雖 見於漢人然旣 知 晚周三方立說之殊則足見漢 人三說之各有所本史公所 取 顯

究。 則 北 方三 凡 後 世 晉之言劉郭則 儒 者所 述 異 聞。 南 皆 方楚人 :略可推 神 怪之說。 見所 本百家 而趙氏 雜說雖繁未嘗 則 爲 東 方鄒魯儒 不可 者之說 分 析以 究之使各就 可明 也。 再 推 條 此 理。蓋 例 以

在戦 國 以前三方傳 說本自分明述文者各守所聞? 不相淆亂自呂不韋使賓客人人著所 聞。 集論 以

為出 成糅合今古兩學以意取含而兩漢師 氏 春秋糅合衆 說號爲雜家太史公淮南子韓嬰劉 法在告粲若列眉者是後遂不可理也令以孟子之說爲 向繼之而先秦舊史統 系乃不可 理蓋亦 猾

鄭康

宗以上合六經而鄒魯之言史者英之能異也以韓非爲宗以上合汲冢紀年而三晉之言史者莫之。

孟 能 異 氏 也。 所 注是 經典釋文莊子敍錄! 也言多詭誕或似山 謂「莊子書凡諸巧雜十分有三漢書藝文志莊子五 海經或類占夢書故注 者以 意 取 去」今莊子 書非完計 十二篇。 帙。 不能 卽 司馬彪、 考見

方之言古史者亦莫之能異 共 所 述古事何 如而據陸氏司 也此論明則三方之史不同定可 所言則莊書雅與山 海經 相合則以屈 知之也儻亦如本師廖先以周官統古 原莊子爲宗以上合山 海經。 則南

余舊 學以王制統今學之意乎余作經學抉原深信齊魯學外而古文爲三晉之學則經。 讀 西漢之文以爲劉向、 匡衡董仲舒此出於魯人六經者也鄒陽枚乘王襃此 出於楚人詞 術 亦以 地域 赋者 而分。

也。 化為本此又三方文章之不同也自鄧析李悝吳起商鞅申不害韓非之徒幷是北人太史公曰 八缸。他錯八 買山、 陳 論 政 事此 出 於三 晉縱橫法 公家者也。 西漢 文章之變略盡於是而 亦以 此三系文

晉多權 莊。 إثنر 胍 家 變之士夫言從橫強秦者大抵皆三晉之人也」 如 屈宋拜是南 人。 則辭 赋道家固南方之學 也六經儒墨者 則從橫法家固三晉 流周東 北方之學也道家如老 方鄒鲁之學 也。 此 叉三

想學術之不同也三方文物之各殊在在可見固非言史一端而已余之撰經學抉原專推明六

方

思

ſ١

序

t

所任。 藝之歸惟魯學得其正又成天問本事亦可以窺楚學之大凡也茲重訂古史甄徽則晉人言學 亦 庶 乎可以推徵三篇循 環相 通而文通句 年來言學 大意、 備於是· 也然經學抉原所 據 者 制 也古 旨趣

之異同交午而衡其得失如持孟子之說以視荀**卿**。 史甄微所論者事也此皆學問之粗 迹制與事既明則將進而究於義以闡道術之精微考三方思。 而東 方之儒北方之儒持論迥異持朱玉大小言 想

三有巨 賦以 视 二子有公孫 **荀卿雲蠶各赋而晉** 龍而堅力 白 楚詞 别 盈 離之辯例是以推義類深廣校其長短則莊 人思想之別亦灼然可 知有東方之墨秦之墨南方之墨而 **社老沈疴若**? 在膏肓 The second 荀韓 分為

陳有同廢疾思孟深粹墨守無 間必讀而辨之而後知東 方文化中之東方文化斯於學爲最美則

此

lil.

| 區之談制與史者瑣末支雛問無**當於高明之旨也。**

所

八

古史甄微

	D.		_	_						
ř i	九	八	七	六	五	四	\equiv	_		
户 ·		八 處臭禪讓	1 上古文化	へ 海岱民族	五 河洛民族	口	一 上古開化	一 歷年世系	一 三皇五帝	
		七五	······································	五二	·····四 五					

十二 三代文化……-]四〇 十 般之興替……………………………………………… |○三 周之興替…………………………………………………………………………一一八

古史甄微

一三皇五帝

無關 也。 天皇有地皇有泰皇泰皇最貴」 者豢一豢一佐曰五帝」是五帝本神祇而赤熛怒白招矩等則其帝之名也鄭玄以「太一者 師古已言之也郊祀志有「梁巫晉巫秦巫荆巫晉巫祠五帝」亳人謬忌奏祠泰一方曰 谷永言「夫周秦之末三五之隆」師古曰「三謂三皇五謂五帝」則三皇五帝之說起自晚周漢 者天子三年一用太牢祠三一天一地一泰一。是天地之神又並北辰之神而三秦博士言「古者有 之神名」宋均謂是「北極神之別名」是北辰之神一而五帝之神佐之武帝時人有上書言「古 世或據春秋後語欲易秦皇爲人皇而不知秦皇之說出自秦一人皇之名又出自秦皇耳鄭玄注 於人事也方皇帝說之起初皇則一而帝五及鄭注中候又列少昊於五帝則又皇三而帝六弼 「德合北辰者稱皇德合五帝佐星者稱帝」尤為三五之說本於天神之顯證帝之與皇問 則三皇之說本於三一五帝固神祇三皇亦本 神祇初謂神、 天 不謂人 北辰 神貴

子呂氏 附 會 而 春秋 彌 離 乃言三皇以陸德明之言考之則莊子書亦多有非漆園作 本 也撮周秦書之不涉疑爲者而論之孟子而上皆惟言三王自荀卿以來始言五帝莊 者 雜 出出其 間。則 戰國之初惟

說三王及於中葉乃言五帝及於秦世乃言三皇在前世皆言忠敬文三統子丑寅三正謂 Ŧ. 者 三面

復自不容有五運說五而復之義以問之言五帝當自騶衍氏之後也。

已言 有帝 西周之說可知也又與三統之說不幷容是不特皇之說原始爲一而非三卽帝之說在上世亦爲一於義何居昔者周公宗祀文王於明堂以配上帝亦帝一而配一則天有五帝古之王者有五帝皆非於義何居。 許 維 書中自昔稱上 + 號謂配天耳故曰稽古同天以稱帝爲同天是帝爲天之專名而假之以尊王者耳尚書大傳言。 有三 肆類於上 祀。帝 帝。 乃稱 帝蓋背謂昊天上帝也堯舜帝乙之稱帝則皆殁而臣子尊之史氏述之然後王者。 審帝 王入 本天名在 唐郊猶以丹朱爲尸」是舜自稱王不稱帝於時天子尙 先王 一者配 天 稱 帝在後也昊天上帝惟 一而古之王者備 無帝 號。 而堯典 五帝。

而 非 五 也自騶子言五德之運蓋 五帝之說因之而與五運之說與三統之說不並行。 則五帝之說與

三王之說不兩立也郊祀志言「自齊威宣時關子之徒論著終始五德之運及秦帝而齊人奏之故

始皇采用之。」又言「秦始皇帝既即位或曰黃帝得土德夏得木德殷得金德周得火德今秦變周。

德之次從所不勝故虞土夏木殷金周火」文選注亦引之此卽齊人說之所本騶子幷黃帝夏殷周 水德之時」此卽始皇之所采用知卽齊人之所奏騶子之說也淮南齊俗訓高誘注引 鄒子 日 五

以言五運知騶子據三王以言五運當是以五運之說易三統故曰五帝三王之說不並容先五帝而

以夏商周三王屬於其後外三王而言五帝者後起之訛說也據三王以言五運不數顓頊帝俈堯舜。

此自 皆有立天下之號之說命歷序五帝各傳十數世之說也外三王而言五帝非騶子之說騶子之說五 虎通五帝無有天下之號之說大戴禮五帝皆同姓之說也列顓頊帝皓於五帝此白虎通五帝

運據三王則五運之說自騶子而五帝之說且不必自騶子知孟子以前言三王自不宜言五帝又審

鰨 子五 運之說起而五帝之說與秦襄公作西時祠白帝少昊秦宣公作密時祠青帝秦靈公作上

畤、 祭黃帝作下時祭炎帝逮秦之亡而五帝之祠 未具備五時自高帝見秦 人五帝說之以漸 Mi 起 也。

方秦嗣未具五時之時而晉之巫嗣五帝荀卿爲趙之儒者言五帝周官亦言五帝吾故曰周官三晉

三皇五帝

之霄 也是亦一證也東方之人言王者五德終始而 西方則謂既以王者配上帝王者五而復則上帝

亦五其 神天有五帝上世之王者亦五帝巫之五帝史之五帝乃次第起也李斯言 「古者五帝地方

項承之舊蓋有以共 千 里」是於時 五帝已皆爲古天子也月令呂不韋作秦人之學於時求 工 當黑帝者以居水火之間。 非序 而 絀之旣承以 顓 預。則 Ť 帝 於五 ____ 姓 而 胪 不能備。 再 崩 火也勾芒蓐 則 认 颛

收之屬實顓頊之六官於是亦爲祠享之神呂氏騶子所述各不同其所自來者本各異東西固殊途

也。 陳 爲太昊之虛魯爲少昊之虛衞爲顓頊之虛晉爲夏虛而呂氏則西少昊北顓頊若山爲太昊之虛。 海 經 则 义

顓 頊 之國在南京 西軒轅東少昊是巫與史之說既異楚與秦之文又別 7也孫子行 軍篇 凡此 29 軍之

利。 黄 (帝之所) 以 勝 四 帝 也」蔣子萬機論 「黄帝 初立不好戰伐而四 帝各 以方色稱 號交共謀之。

此 以黄帝 與四 帝並 時有五帝此五帝說之最早者與齊秦之說各不同別爲吳楚之說五帝說於見

本 以漸 子三皇說始見莊子。豈三五皆南方之說騶子取之而別爲之釋乃漸徧於東方北方耶秦之五 起。 mi Ŀ |兼三皇騶衍之說下據三王則晉人之言五帝其即 雜 取 齊 秦之說以立 義 耶。荀 子成

相言 「文武之道同伏戲」而非相言 「五帝之外無傳人非無賢人也久故也」伏戲之爲傳 人知

不在五帝之外是荀武五帝亦上兼三皇典秦人五畤月合同也大略言「誥誓不及五帝盟詛不及

外秦晉北方之說自爲同也帝固一 三王」非相言「五帝之中無傳政非無善政也久故也禹湯有傳政」 獨貴之神今乃有五則不能不有尤貴者焉周官 是荀別禹湯三王於五帝之 春官司 服 祀

變而爲秦一爲三一爲三皇又去古義益遠也。

三皇之說既起前世旣以古之王者配五帝則又自然必以古之王者配三皇黃帝爲五帝之本不可

昊天上帝則服大裘而冕祀五帝亦如之。」則五帝之外更有上帝五帝上帝之說自三晉始也又一

以 配三皇惟伏羲神農前乎此可以爲皇耳故淮南子稱「泰古二皇得道之紀」說者謂二皇羲農

也。 而三皇終缺其一巫則三皇史則二皇於是各家以意取古王者補之自潛夫論白虎通風

俗通以

觀諾家言三皇皆稱伏羲神農此諸家之所同其一則或曰女媧曰途人曰祝融曰共工途名不同此。

諸家之所異也其同其異之間而三皇說逐漸發展之迹可求也帝本爲昊天之神而皇不過贊天神諸家之所異也其同其異之間而三皇說逐漸發展之迹可求也帝本爲昊天之神而皇不過贊天神

阿耳 詩日 「· 皇皇上帝皇矣上帝」後乃帝 前有皇號誠可 **晒也羲農既躋於三皇則月令**之五帝

俄 則以帝侁堯舜備之故尚書中候五帝有六五帝終不可有六也則又絀少昊故大戴史公五

以義農黃帝言三皇少昊顓頊帝嚳堯舜言五帝至是而三皇五帝之說乃略定然其無當於義 帝之說此誠源秦晉而次第轉變最後之說旣有三皇說以後之五帝說也及僞孔安國皇甫士安乃、 猶 昔

之說又起郊祀志「雍有日月參辰風伯雨師四海九臣十四臣諸布諸嚴之屬百有餘廟」皮鹿門以 也郊配志言 「武帝欲仿黄帝以接神人道蓬萊高世比德於九皇」 是當時三皇之說未定而九皇

亦為古之王者也董仲舒據三皇以言九皇故神農在九皇亦猶騶衍據三王以言五運以九皇之說 四 一皇九皇三皇說不兩立亦猶五徳三正說不並容自漢以來序三王於五帝之後入束漢: 臣爲六十四臣之脫誤當是九皇之臣六十四民之臣是知九皇六十四民在秦本屬雍廟入漢 义敍 九

皇於三皇之前是並不正 義耳然自魏晉以來九皇六十四民之說又已久湮而無知 者 也,

序論皇帝之說在漢時凡有二派持說不同一主三皇詳於伏生一主九皇本之董子董子之義謂湯 虞、 而王。 號舜日帝舜改號軒轅謂之黃帝尚推神 應天變夏作殷號時正白統親夏故虞絀唐謂之帝堯以神農爲赤帝周人之王親殷故夏、 九皇以聖王生則稱天子崩

細 則為五帝下至附庸絀為九皇下極其為民(此為節取春秋繁露三代改制篇文中復間以己

農以爲·

遷則

存爲三王

絀

m

意 太昊爲倉帝秦帝者月命卽曰「其帝太昊」知伏羲古亦在五帝列豈謂夏人親虞故唐而絀高辛之 校. 補)則王帝皇民以次推遷故禮家繼之有六十四民之說皆謂古易姓之王者也諸書亦有謂。

遺 說乎自九皇以上日六十四民遂古之初則未究其始此齊學者之說也伏生等說三皇之義與此

不同。 農皇神農悉地力故託農皇於地」自鄭玄宋均譙周及命麻序含文嘉甄曜度雒書說三皇皆 「途人為途皇途人以火紀故託途皇於天伏戲為戲皇伏戲以人事紀故託戲皇於人神農 與

伏同鄭玄注通卦驗云「燧皇謂遂人在伏羲前風姓始王天下」譙周古史考亦說「太古之初有 寫

聖人 至伏 羲(此據禮蓮疏引六嶽論文曲禮疏別引六藝論文云「燧人至伏羲一百八十七代」與此。 以火德王號曰燧人」明鄭譙二氏皆以燧人為百王之首鄭玄以「途皇之後六紀九十一代

不同。 路史云 馬總之徒俱謂十紀 通百八十有七代。」曲 禮 疏 所引或 即本鄭 說通 十紀之文而 有

次有三姓 總之說當本之鄭說)義皇其世有五十九姓而神農有七世軒轅十三世。 至伏羲伏羲以次有三姓至女媧女媧之後五十姓亞神農神農至炎帝一百三十三姓炎。 譙周 則 說「塗人

帝之後 凡 八代軒轅氏代之」宋均又以爲「女媧至神農七十二姓」 此三家說三皇雖同而三皇之

間、 易姓 丽 王者幾代則各不同蓋所據又各異也而三皇非其人身自相接其間代之易姓而王者實

則三家幷同是此一 派不謂皇帝爲以次推遷其義甚顯通三家之說觀之自遂人至黃帝其間易

有天下」則三皇三百姓間將及萬代此魯學者之說也二派立說一以皇帝爲推遷一以爲 姓 而 王者殆三百姓而遂皇有天下、一百五十六代有巢氏有天下百餘代尸子曰 榊 農氏 同定義 七十二 世

已不同以神農爲九皇則九皇之說所以易三皇兩說不能並行亦猶五運說之易三統兩說本不能

並 行者 业。

董伏而 :後說三皇九皇者又復別出鄭司農小宗伯注云、 「三皇五帝九皇六十四民咸祀之。」 漢舊

既沒六十四民與六十四民沒三皇與」又引史記云「伏羲以前九皇六十四民」 亦云一祭三皇、 五帝九皇六十四民皆古帝王凡八十一姓。 賈公彥馬官正 一義引 史記云 是則三皇之前、

九皇

儀

復有九皇與伏義不合六十四民在九皇之後又與董義不合賈疏所引史記今司馬遷書無其文則

是後 儒 别 一家書五帝之說與三王之說不並存及後遂敍五帝於三王之先九皇與三皇不並存及

此又序九皇於三皇先也雒曹「三皇號九頭紀人皇兄弟九人」韋昭說「人皇兄弟九人所謂九

農之前、 張 晏說「三皇之前有人皇九首」通卦驗注說「途人即人皇」此是以三皇即九皇而伏羲 別 有三皇也或又別途皇途人 八爲二凡此 皆欲調處九皇三皇為 一說牽合以成: 義遂致

復 處 神 皆難 有三 通 皇則五帝之外宜復有五帝豈黃帝堯舜之前又別有蒼帝靄威。 也命歷序踏書云「天地初立有天皇地皇人皇」 而以途 人羲農爲後之三皇三皇之外、 仰、 赤帝赤熛怒黃帝含樞紐、

白 帝白 北辰帝名」帝王世 [招矩黑帝] 叶光紀亦實有其人而嘗王天下耶通卦驗云「太皇之先與燿合元」鄭注「 紀言「天地開闢有天皇氏地皇氏人皇氏或冬穴夏巢或食鳥獸之肉天皇 熔魄

大 帝 曜 **晚寶地皇爲天一人皇爲太一」 夫北辰惟** 一曜 **唯魄實而此**7 又益之以天一太一始學篇又以

荒 天 皇號 唐 趙 天霧。 宋 而 後。 不 述 日 [曜魄寶其] 史者 莫不 首**盤** 說又更妄也自是 古而 次以天 歷魏 地 入 八皇最爲戲 晉以下徐整任昉又采 論。 何 · 其迷妄] 不渝。 俗說 作 乃 爲 至 盤古之名 如 此。 莊 子 益

昔者容成 氏大庭氏伯皇氏中 央氏栗陸氏驪畜氏軒 轅氏、 赫胥氏尊盧氏祝 融氏伏羲 氏、 一神農氏

當是 時 也。 民結繩而用之樂其俗安其居鄰國相望雞犬之音相聞民至老死而 不相 往 來。 既 日 鄰

圆 相 望。 則 十二氏若並世諸侯然不必悉先後相承而似爲部落之峙立 也。 商君畫策言「 昔者吴英

之世以伐木殺獸人民少而木獸多」韓非五蠹言「有巢氏構木爲巢以避羣害燧人氏鑽燧取火。

以化腥臊.] : 是北 人言: 其上世之王皆勤於功利者也天問言「女媧有體孰制匠之」在子言「赫

肾氏之時民居不知所為行不知所之。」又言混沌氏豨韋氏是南人言其上世王者皆慌忽而 誕者

也子思子以「東扈氏之時道上雁行而不拾遺餘糧宿諸畝道」 易繋辭首稱 「伏羲

通 神

前之德。

鳥有所謂三皇九皇盤古之說哉。 類萬物之情」則東方言其上世王者皆仁智而信者也則上古部落而治之時各長其長各民共民

一 歷年世系

成湯卒崩殷德小破二十二世乃有武丁卽位武丁卒崩殷德大破九世乃有未孫紂卽位」 千歲之前意者其不可必」 也若韓非子顯學篇說 六百二十九歲周三十六王八百六十七歲」帝王世紀以下均用之此固一家之言未可據爲徵信 焉班固世經始太昊不記年唐戊夏乃有年歲可紀謂「夏后氏十七王四百三十二歲殷三十一王、 **皆有年數可記史遷問見其說其作五帝本紀則不記年數夏殷周本紀亦然年表自共和** 遷所見春秋歷譜牒及張蒼之終始五德傳,幷諜記咸不同則記敍古代歲 三代世表曰「余讀諜記黃帝以來皆有年數稽其歷譜諜終始五德之傳古文咸不同乖異」 從匹至 汲冢紀年夏年多殷」 韓非所云似與紀年合三朝記少間云「禹崩十有七世乃有末孫桀即位。 「般周七百餘歲奠夏二千餘歲而不能定儒墨之眞乃欲審堯舜之道於三 是韓非以堯舜至周末三千餘歲與班氏所記 相乖頗遠 年諒有多家而 也王隱晉書云。 始乃可記 黄帝以來。 徐廣 蓋史

歲則竹書與韓非亦未合也通鑑外紀注引作「二百七十年」則今本正義言七百或文又誤: 得伊 三年」儻古竹書之實唐人所見者尙然乎韓非曰「殷周七百餘歲」 年。 金周火」郊**祀志以爲「黃帝土夏木殷金周火」幷是黃帝得稱虞夏之證然韓非云「堯舜三千** 來皆可名夏猾堯舜之書皆稱戊夏書或以伯夷初作史故古史並謂之夏也鄒子曰「虞土夏木殷 未 竹書束哲所 十七世有王與無王用歲四百七十一年商二十九王用歲四百九十六年」夏年不能多殷當 足據 |則虞夏二千餘歲不計黃帝以來可知也殷本紀正義引紀年「自罄庚徙殷至紂之滅七百七十 尹一舉而 也魏世家注引荀勗和嶠並云「紀年起自黃帝」杜預束晳並云「自夏殷周」蓋黃帝以。 見者而易緯稽覽圖言「 放之」與三朝記世經不合或與韓非子合而王則不可考也今本竹書紀年云 夏年四百三十一般年四百九十六」與後本竹書紀年合然 而此則曰. 盤庚 至紂七百餘 非古 夏

伐桀四

百五

世

經

稱殷歷曰「當成湯方卽世用事十三年十一月甲子朔旦冬至終六蔀首當周公五年則爲距

也。

十八歲少百七十一歲不盈六百二十九」鬻子言「湯之治天下也二十七世積歲五

百七十六歲至紂」左氏宣三年傳「鼎遷於商載祀六百成王定鼎郟鄏卜世三十卜年七百」晉

亦日 「商之享國三十一王」 是世經與左氏合而般歷反與左氏不合然邇日西人說左氏歷法。

西漢末年之說則世經左氏商年六百之說可疑而殷歷言商年四百多與他家合爲可信也, 史記

匈 奴 列 傳言 「夏道 定衰公割; 失其稷官(與桀同 時) 變於西戎邑於豳。 其後三百餘歲戎狄攻

亶父其後百有餘歲周西伯昌伐畎夷氏後十餘年武王伐紂營雒邑武王放逐戎夷其後二百有餘

年而穆王伐犬戎穆王之後二百有餘年申侯與犬戎攻殺幽王於驪山之下」是史公說商年亦四

百餘 第一而說一 。 | 西周竟亦四百餘年校魯世家斯為大異律歷志言「張壽王及待詔李信治黃帝調歷

課言黄帝で 至元鳳三年六千餘歲寶長安單安國安稜桮育治終始言黃帝以來三千六百二十九

歲。 斯數說 者幷與世經不合然以春秋命歷序所記五帝用歲下合韓非所說虞夏之年則張壽王

六千餘歲之說不幾於有證 敷。

前 漢 歷志言 「春秋般歷皆以殷魯自周昭王以下亡年數故據周公伯禽以下爲紀」然以三

統 歷 校 鲁 世家煬公六年三統以爲十六年獻公三十二年三統以爲五十年武公九年三統 以 爲二

年。然 以三 統都 數推之三: 統以爲煬公十六年應是六十年武公二年應是九年則三 統歷長於魯世

歷年世系

家七十二年孟子說 「由周而來七百有餘歲也」趙岐注 「七百有餘歲謂周家王迩始與太王文

百一十一年再 Ŧ 以來」孟子· 去齊、 益以太王文王之年顯非七百餘歲除去劉歆誤衍之七十二年實得七百三十九年。 在燕人 畔之後當周 赧 王三年己酉以三 統歷計之上至 周 武 王伐 一般己 卯則 八

則孟子書與魯世家合蓋魯世家本之魯史而孟子鄒人鄒魯所傳自合故也孟子曰「堯舜至於湯、 亚 **並百有餘歲。** 由湯至於文王五百有餘歲由文王至於孔子五百有餘歲」 此幷鄒鲁所傳異於衆家

之說者也韓非說 子而竹書得之魏家則三晉所傳 「虞夏二千餘歲殷周七百餘歲」 又自相同也劉道 與竹書所謂 冢紀年西周二百 夏年 -多殷」 合韓非則於 五十七年而三 韓之諸

歷、 公 西周三百五十二年演百年」三統旣多於鄒魯所傳又多說三晉之說也說殷年又多於殷歷史 原說 汲 統

記、竹 書也律歷志說「前歷上元泰初四千六百一十七歲至於元封七年」此謂前歷 E 太初當即 。 神

農始 作之太 黄帝、 初 歷又云「 寶長安等治終始言黃帝以來至元鳳三年三千六百二十九歲」 「年更在 也張壽 調歷。 伯益為天子代禹」 則 É iig

知黃帝歷本之晉此神農歷其本之楚乎蓋晉楚鄒魯說前歷各異而又自相同 歷 泰 初 至 尚有 一千一十四 炎帝 以前 王治黃帝 而說 也。

訖二世 十歲」徵之秦本紀自襄公至二世則五百七十六歲徵之年表自襄公至二世則五 劉 昭 補 凡二百七十年也。」史公之表因秦紀問若有徵然始皇本紀說「右秦襄公至二世六 後漢書律歷志言「馮光陳晃以爲獲麟至漢百六十二歲」史公六國表固云「起周] 百六十一歲此 元王

戰 歲史公已憾其文略不具則六國年表亦非有甚確之據始皇本紀(秦紀)以爲「簡公享國十五。 三事均應本之秦紀而史公一 國之權 變亦有頗可 宋者」是秦紀亦如國策國語記言之書非若春秋記事之書是難據以 手所錄已若是其差異史公亦謂 秦紀又不載日月。 其文略不 定 · 具。 然 年

六家各自有 確 年 史、 生惠公」而索隱稱王邵案紀年云「簡公後次敬公敬公立十三年乃立惠公」則秦紀之不爲 其 缺略可見也律歷志言「光晃各以庚申為非甲寅元為是」案歷法黃帝顓頊、 元光晃所本蓋股歷元 也光晃各有所據非必史公獨是光 見途非也。 夏殷周魯凡、

班 討 漢 書云「魏文侯最爲好古孝文時得其樂人資公」 桓 譚新 論云「竇公年百 八十歲兩目

皆

文帝奇之。」齊召南曰「 年。 即已一百八十一年也又加高祖十二年惠帝七年高后八年而孝文始即帝位則是二百零 魏文侯在位三十八年而卒時周安王十五年自安王十五年計至秦二

四 八 + 年 -也寶公在第 族 矣。 八依此 魏文侯時已爲樂工則其年必非甚幼至見文帝又未必即在元 則 桓譚謂之百八十歲可乎然則 據此 桓譚所說資公之年益 足證六國年表之不 年則共壽蓋二百三

得 實 斯 也。 人 劉 燕。 向 子之不得受燕於子 說 採 卿後孟 子百餘年」 噲。 劉 然韓非說 向 說 蘇 秦張 一燕 儀以邪道 王噲賢子之而非郇卿」 說諸侯以大貴 顯。孫 而孟 子曰 卿 退 「子噌不 而 笑之曰。

夫不以 ·子蘇秦張儀公孫衍子噲子之與郇卿時之相及不必後百餘年鹽鐵論言「荀卿醜秦氏之坑 · 、 其道: 者進 者必不以其道亡』而孟子書曰「公孫 行張儀豈不 誠大丈夫 **公然哉。** 斯 指 足

是荀 卿亦下及秦之坑焚皆足證獲麟以來迄於漢與其年歷 不 如 史記及三統 歷之長 也。

歌症

律 胚 志言 「張壽王挾甲寅元以非漢 歷」光晃亦 以 甲 寅元爲是則 光晃 〔與壽王〕 同。 各有所 、本前書

律 胚 志言 憲王 歷 乃太史官般歷 也。 則光、 晃壽 Ŧ, 與 (般歷同) 延光元 年謁 者 亶 誦 上 言 當用 命

胚庁 後。 甲寅 則 命 元」晉書律歷志姜岌稱命歷 歴 序 [7:1 亦 申 寅元而般之故歷 序曰 也則張壽王黃帝至元鳳三年六千餘歲之說與命 孔子爲治春秋之故退修殷之故 歷。 使其 數 胚 'n 序 傳於 Ħ.

帝各十數世數百千年之說通殷歷商人享國四百五十八歲之說亦有合於韓非殷周七百餘歲之

說韓非虞夏二千餘歲之說亦可取證於六韜夏有天下三十一世馮光所言則問。 歷問 知可 知。 轉展

言 證 成黃帝以來之年說若可求黃帝殷歷尚略相近而世經之說於古無徵後漢書律歷: 五 紀 論 推步行 度當時 比諸 術為近(劉向 作 然 未稽於古及向子 歆欲 以合 春秋橫斷 志倘 書合 年 · 數。 損 忠

夏益周考之表記差謬數百。 則般歷所傳自爲信說竹書韓非皆足取徵自劉歆橫斷年數。 捐 夏盆

更三統。 周。 im 五帝三王用歲亂也班固世經即本之劉歆三統歷自爲妄書不足爲據晉書律歷志亦云 以說左傳辨而非實班問惑之采以爲志」則 **劉**歆 與倒 五 經 毀 壞 師 法。 耶。 劉

氏言般周 之年 足為歆證豈亦其處者爲劉氏 一言之比乎張壽王言「 歷者 天 地之大紀上 帝 所 為

二不又增

證

獨左

傳 黄 帝 調 律歷漢元年以來用之: 。 安得五 家」是殷歷之人自以 所傳爲古法。 不信 [有五家] 歷。 以 為皆

妄作也(秦歷用 甲寅元) 本師儀徵劉生謂「何休公羊用殷 及歷」又曰 統獨協於壁經般術

通 (夫緯) 恢。 則 與三統抗衡者獨爲殷歷治今古學者宜各知所尙 也惜蒙不諳推步未能深 究多

能 秸 子、儻 論 mi 渝 之則 幸 也。 恆

韓詩 傳 云 孔 子 升泰山概易姓之王可得而數者七十餘氏不可得而數者 富數」 管子 ,封禪云

古者 封 泰 山, 禪 梁甫七十有二家而 夷吾所記者十有二 一焉昔無法 懐氏 **社泰山** 禪云云宓犧氏封泰

山、 一种云云。 無懷 已在伏羲之先乃其前更有六十代乃至萬數莊子亦言 「易姓而王封太山 一禪梁

前 **者蓋七十有二代其有形兆垠堮者千八百餘所。」持此以較伏鄭宋譙諸家之說則古代年**。 世之

氏、 遠 颇 11] 想見惟載籍不詳耳莊子胠簽 尊盧氏祝融氏伏羲氏神農氏」 稱 「古之王 者有容成氏大庭氏柏皇氏中央氏栗陸氏驪畜 書有吴英氏韓非書有 ·巢氏 吕氏古 有

朱襄氏葛天氏陰康氏管子書有無懷氏此數十家殆皆易姓之玉三皇之間三百姓中帝王之可言 軒轅氏赫 骨氏、 商君 有 春秋

者。 而 他 則湮滅不可考也命歷序有黃神氏犯神氏辰放氏離光氏洛書有次民氏莊子書復有冉相

不 氏、 渾 11] 勝 沌 紀計 氏稀韋氏鶡冠子有成鳩氏亢倉子有: 古易 姓之王: 一特年 世 先後 不 ग 具 知。 儿蘧氏子思子有東扈氏。 史自 謂 得 金壺之書然文無所 凡他山 海 經 取 部。 諸 其說可 書所言 諸氏、 疑

要

墳之例雜取古 書以為· 《文漢書人》 (表蓋即· 本非 子羣 書之文列 十九氏 於義農之間六韜大明 (1)

卿 襲班 氏之 說帝王紀因人表之文遂又謂自女媧以下皆襲包犧之號者(遁甲開山 亦然)是可謂

勇於傅會也至炎帝以下始有年世可紀而世多又合炎帝於神農異於譙周之書與管子所稱亦不

合齊姜姓之國而炎神之裔管子說「神農封泰山禪云云炎帝封泰山禪云云」析爲二家蓋本其。

先世舊說較可信耶。

世則 111 玄孫 共 言其系姓王帝以來皆黃帝子孫悉可表見與諸舊說不同三國志秦宓傳言「宓辨五帝非一族。 命 帝之子青陽 子 說顯與史遷達也考遇之書自相縣牾者亦復太多自黃帝至堯五世而至舜則九世舜蓋堯羣從 孫 本宋衷注說「元囂青陽是卽少昊」帝王世紀說「少昊帝名摯字青陽」左傳昭十七年傳郯 相去已遠則三代世系之不足據事甚 序自炎帝黃帝少昊顓頊帝侁皆各傳十數世各數百千年而馬遷作史記乐世本國語爲世表, 頊 屬也則二女之妻不幾於嬪姓亂序乎自顓頊至舜七世至禹纔三世耳堯舜禹時則相及而言 「我高祖少昊摯之立也」是少昊帝摯卽靑陽而律歷志引考德則謂「少昊曰淸」淸者黃 五 世 而生鯀」 也其孫名摯則摯又不得為黃帝子也五帝本紀言「自元囂蟜極皆不得在位」然羣 則史記之多所遺漏誠不容諱五帝本紀言黃帝子「其一 明整夏本紀言一鯀之父日帝顓頊」律 日元囂是爲青陽」 歷志引帝系曰

書言少吳帝則

| 文何

.耶且卽遷書言之其自爲牴牾亦復不少在世表曰[嬌極生高辛高辛生帝告]。

放 動契后稷幷高辛子在本紀則高辛卽帝偕帝偕生放勳其自爲遠異若是者多不能縷舉則據遷、

書為典 干 寶言「鴻黃世及」 要難 也抑少昊氏有天下其後有帝摯高辛有天下其後有帝皓杜預說。 是亦黃帝有天下其後有帝鴻斯則又轉足以證命歷序之說爲可質信 「帝鴻爲 **黄帝**。 而 也。

千餘歲 古史考說按國語云「 惟十四代實亦不合事」 世后 稷以服事虞夏言世后稷者皆是失其代數若以不窋親棄之子至文王 蓋據三代世表黃帝至紂四十六世黃帝至武王才十九 世。時

代 二百歲每世在位皆八十年乃可充其數耳十五世君在位皆八十許載子必將老始生不近人情之 相 同 m 傅 世 則 相差倍蓰故疑史公所序為遺佚未足徵也毛詩正義 譙周 中之云 「虡及夏般共 有千

治 天下得伊尹慶節」 則周本紀之差誤諒無疑也吳越春秋言「公劉避夏桀於戎狄」明公劉與桀同時鬻子言 明公劉子慶節與 商湯同時世本言 「不弦生物。 鞠生! 一公劉。 是不窋顯 非親 一湯

說馬遷之誤、 棄之子婁敬 可以知 說 周 自 心周語太子晉曰「自后稷之始基靖民十五王而文始平之十八王 后 稷封邻· 十有餘世公劉避桀居 豳。 則 自 棄至 公劉。 已十餘世漢初 m 康克安 固 有 其

之其難也如是」又衞彪傒見單穆公曰「昔孔甲亂夏四世而殞元王動商十有四世而與帝甲亂。

=

之七世而 **殞后稷勤周十有五世而與」・足記言** 「公劉 復修后稷之業周道之興自此始」 所謂后

稷 勤周、 始基靖 民謂公劉非謂棄 也班固古今人表「公劉子慶節慶節子皇僕皇僕子 , 差弗差 弗子

子太王亶父亶父生王季王季生文王」所謂十五王也世本亦有公非辟方高圉侯俟亞圉雲祁。 毀 、險毀險子公非公非子辟方辟方子高圉高圉子夷竢高圉子亞圉亞圉弟雲都亞圉子公祖。 公祖 與

班 同。 獨周本行 紀言公非卒子高圉立高圉卒子亞圉立亞圉卒子公叔祖類 立無復辟方侯俟雲都。

蓋 史 遷以 不窋親棄之子而鞠而 ||公劉自棄| 而文十五王益者三人故損 亦三 人。帝 E # 紀 乃以 公 非

字辟方雲都為亞圉字又瞽說之不足辯者也史遷於后稷封郃後十餘世不能詳序公劉以下又割

裂如 此。則 他之不足據又可知也殷本紀昌若卒子曹圍立曹圉卒子冥立而祭法疏引世本云「 遭

图 生 根 國。 根國生冥」是殷本紀亦視 世本少一 世也祭公謀父曰「昔我先王世后稷以服

及 夏之衰 也棄 **~ 稷弗務我生** 先王不窋用失其官而 自竄於戎狄之間」 韋昭以夏衰爲太康失 國。則

不

留即棄子而 公 劉 必 須不窋之子審 矣。

小小系

譙周 古史考說 「契生堯代舜始舉之必非嚳子以其父徼故不著名其母有娀氏女與宗婦三人浴

於川玄鳥遺 卵簡狄吞之則簡狄非帝皓次妃明也」又曰「棄爲帝俈之胄其父亦不著」是譙氏

深信玄烏生民之詩執五帝威生之說史公於世表則契棄皆帝借之子殷周本紀則不言有父惟稱

·墮其卵簡狄取吞之因孕生契」「姜嫄見巨人跡踐之而身動如孕者則生棄」是史公於 心世表

則從 世 [本於本紀] 則從詩傳亦不孤信世本也本師儀徵劉生 日 稷 契爲帝件子恐不 ·足信蓋· 上古

V 民知有母不知有父故一則託言吞燕 卵而生一則託言履 人跡而生至於湯 祖帝借文武亦 祖借

者 娵訾氏而不言其娶有娀氏姜源哉如以帝皓爲稷契之父何以殷周二代行稱天之禮以天爲始 由於得天下後之飾詞猶之漢高祖自稱堯後也如以稷契爲帝偕子何以史記祇言帝偕娶陳 鋒

祖 所 白 出。 mi 託為 無父 而生之說 R哉」斯則" 世本之說本不足據也張 夫子問褚若先生 曰。 「詩言契

稷 岩 無父而 性个按諸特 傳記 成言 有父父皆黄帝子也得無與詩謬乎」 斯則 **光漢經師**原 固 E 守 經義

以 非傳記也今據諸緯書詩合神霧言 「大人迹出雷澤華肾履之生宓犧」 鉤命 決言 「任 已威龍

生 帝 魁 (炎帝也)「附寶出降大霸生帝宣」含神霧言 「瑤光如蜺貫月正 白威女樞生顓 頭一合

誠圖言 亦龍與慶都合有娠生堯」宋符瑞志言「握登見大虹意威而生舜」帝命期言 一修己

歷年世系

見流星意感而生禹」斯則與生民玄鳥之詩同條共貫上世帝王幷威生無父不獨稷契爲然也則

鳥之詩共言五帝三皇傳世之遠誠能執詩傳以爲衡知上世皆託爲威生無父之說則於世本衆家 世本之說根本與今文家不符命歷序含神霧各篇皆守今文師法自相扶同鄭玄譙周皆信生民玄

所說之紛紜繳繞如斬亂絲廓清摧陷而無遺也。

上古開化

紀言 則 嶽 濮 東 域。 爾 日 西 西。 則嵩 嵩 、北 闢 鉛。 則 则 華 雅 高 而 北 催 而 山 釋 神農都陳徙曲阜黃帝自窮桑登帝位後徙魯曲阜少昊邑於窮桑以登帝都於曲 至於祝 西南。 高不爲中而華爲中西及嶽 及淮 及霍 爲 爲 泰 地言「 河西南梁山? 中 山 嶽者、 為東 太山。 事顯然也郊祀志言「昔三代之居皆在河洛之間故嵩高爲中嶽。 南之霍東日蹙僅及岱耳又言「 中有俗嶽。 **采謂之四極**」 都河洛之事而 嶽。 商及梁山猶未及於江漢則疆 華山 :及梁山猶未及於江漢則疆理固蹙也又謂「東至於泰遠西至[為南則見上世華族聚居偏在東北故泰山為中東北及醫無閭] 縞 與其五穀魚鹽生焉」 西嶽霍 注者謂「 華山 山而南又更進 Щ 爲 爲 中嶽者宅酆鄗之事。 濮為 有撤。 河 恆山 百濮祝栗爲涿鹿」 以岱 南 華河 而及沅湘之衡則中國之中心前後有三以次自 為 **汽**北嶽嵩高祭 |嶽爲中而| 西 嶽。 泰山 河 東岱。 爲中嶽」 以醫 爲中 亦東遼而西 河 無 北恆江 撒者居魯衞之事 閭 泰山 一南衡。 盛之證而 而四嶽各 不 西至於邠 爲 中 則土字問遼而 爲 此五山· 丽 東 阜於周爲 國南 釋山 也。 如 北霍 其 帝 王世 之方 方。 言五 山 至 於

爲

魯窮桑在魯北顓頊始都窮桑後徙帝邱於周爲衞」。 則上世帝王多作都於魯顓頊徙帝邱葬濮陽。

水經注「帝譽都亳殷(在鄴)葬濮陽」帝都至是乃自魯而徙於衛及堯居平陽舜居蒲坂禹居安

都至是乃自衛而徙於晉貨殖列傳言 「唐人都河東殷人都河內周人都河南」 則至是而三

河為 王京文武宅酆鄗而三輔又為王京則上世都魯衛而泰山為中東土固遼中世都三河周世居

Land 中而西南關地日廣是以五嶽與王都言之惟見我華族之自東而西安見所謂自、 西而

東省 哪。

以五 差舜始分九州爲十二州淸儒江艮庭等不以爲是今文家作兆有十二州謂不自舜始分則唐 | 嶽帝都考漢族自東而西之迹其事已彰再考之九州則尤明鑿古文家說肇十有二州解肇爲

始謂 土北有幷幽而東越海有營東北土宇固視禹貢爲遼岱嶽既爲中央則上古漢族聚居之。

)以 地 偏 前週 於 東 北可 知 也。 禹買夏制也職方周制也以二者相較則見所謂漢族者歷三代益復西 南移以

山]] 澤藪考之○禹貢揚 州北距淮至周則淮入於青揚雖逾江而不及淮也。 ○禹貢岱山大野在徐。

至周 以 徐爲青而岱山大野入於兗青北不及岱而南則逾淮〇禹貢爾雅自河東至濟爲兗州而濟

 \equiv

古 史 臸 微

東 至 海 爲徐周則兗州 跨濟 而南有岱也東南又侵 再貢青州 地 而有維(〇古之 幽州在燕 **北而周以**

州之地、 青北為 南 河 至於江千里而 在大別以西漢水之東者至周皆入於豫爾 陬。 其川 河濟其浸蓝時皆馬 近似又指豫州南侵而及於江 貢 青 州 地。 並侵兗州 也故鄭注此曰豫州城(雅日漢南日荆州則漢東不屬於荆也王制。 東 方濱 海之 地。 而 ○爾雅 燕北 爲甌 兩 脫 河 間 也。 日冀州而 禹 白自 貢削

穀梁 南 移之證 桓 五 年傳鄭同姓之國也在乎冀州是冀又南侵豫州之北 也〇禹貢豫州 東 有孟 諸。 至周 而孟 諸入於靑而 西侵 梁州 而跨有河南也此皆九州 漢北 之地〇禹章 貢荆 州大 封城 別以 逐漸

東、江 「南之地至周遂入於揚」 而 西侵 梁州 大別以西嶓冢以 **(東漢**) 南之 地梁州之 地 旣 、 蹙而雍州· 之西、

没於 方有 幷州 戎狄亦西南侵梁嶓冢以西之地此 無徐州。 以徐州爲靑以靑爲 幽而燕北爲甌脫呂覽有徐 又九州封域以次西移之證也〇呂覽言九州大同職方職 州而 ||幽州在燕| 不復舉幷州則

m

是亡冀 北 也。 爾 雅 說 九州、 略同呂覽無靑 州而 有營州。 其營固即青州。 在 齊 丽 不 越 海 也爾 雅 倘 保 有

燕之 二州之說校之禹貢則東北故地失之者多以禹貢九州疆界校之職方其以次西亷遷徙之迹明如二州之說校之禹貢則東北故地失之者多以禹貢九州疆界校之職方其以次西亷遷徙之迹明如 幽 州。 至 周 有 井 州 而 忘燕幽州五 叉 西 南移 侵 清兗二 州 地此皆自 東 北 m 西 南之 說 也。 以 唐 **虞**十

指掌。 政區劃肯黃河 則十二州之建其即帝都在魯泰山爲中嶽時事也周秦而下漢族西南徙益蕭蓋漢唐世之行 下游之南 北爲密而芸 黄河 上游及江 一淮以南 皆疎。 宋元以來、 黄河上游及江 淮以南之

故方帝都在魯則. 政治區劃漸密而東北始疎此皆可見漢族之繼續日益西南進則上古秦族之出自東方顯有其實。 (封顓頊) 於高陽在開封。 封帝嚳於高辛在歸德後幷爲天子方帝都在衛則 封堯於

唐 虞幕: 封虞及唐虞之間 帝都 在晉封國令 益以西 進契稷三公自爲大國而舜又益其土地契封商后

矣非惟漢族卽在夷狄亦多自東而。 稷 封 部又西海 進 而 入 **雍州是上古之** 日益 西史記言「 西 進。 黄帝北逐葷粥合符釜山」 又以大國先之則漢 族之 自東而繁榮於西: 知葷粥 在古代之處於 其 事 審

北。 子言「太王居邠狄人侵之。」 叉曰「太王事獯育」 則於時之葷粥已徙而西也逸周書王

以 大夏月氏莎車皆在 北。 知商 時諸國並在北方入漢則皆各徙於西極 也漢魏而下其事尤多。

王靜菴東胡考推論之也。

鄭玄 Żŧ. 尙 書 一十有二 一州以爲 青州 越海分齊爲營州冀 州 南 北太遠分衛 爲幷 州。 燕 以 北 爲 幽 州。

既於古不屬於燕而屬於齊則營靑間之有海道交通由來已久而窮桑爲上古交通之中樞可

上古開化

也禹貢揚州 「浮于江海達于淮泗」 至揚越古問取 道於海左氏

哀 纯。 4. 灰 年 山 傅 爲 中 吳之伐齊 央之理 亦 也。 阴 徐 承帥 舟 師。 自海 入 齊。 國 語哀 十三 年 則 泗 越之入 Ŀ 吳也范蠡后 盾帥 部 自

地形。 海 泝 脈海 淮以絕吳路」 道。 呂覽愼勢「神農分海上之國有十里與二十里」 此 亦 春 秋時利用 海道之證則古之必有 海 Ŀ 交通可 夫宿沙氏煮海為鹽問海 泱 也。 元 命 也言 闸 1-之國。 龙 圖

其民 自攻 其君 而歸 神農則神農已奄有海 雨。 北風。 上其分海上之國 南出浸數百二 而脈 里九河之地爲海 海道問宜而海 道交通之早可信 所漸。

至漢 也。溝 洫志 丽 仍 王 南 一璜言「红 始 益 閣 也水 往者 經注 天嘗 張折 連 言 東 碣 海 石 水 在 溢西 海 中。 蓋 淪 於 海 水 也。昔 燕 **、齊遼闊。** 分置 營州。 **今**屆 則 少海 海

濱海水北侵城垂淪者半」 則 少海 至六朝 而 東 北又 益闊 也。 推 而 上之則古代少海之 少。 '以想見。

造之航。 自屬易事。 山 海 經有幼科有渤海郭注 「渤海海岸曲崎頭也」此則惟成山 [角、威 海衞、 及

此 旅 所 順 謂 西指、 勃 足以當之家 也。 則渤 海 說文 者 兩 半島 渤、 間之 海也。 海。 丽 日地之起 幼 海 者 則此 者 日 海 渤。 口 以 此蓋古代 內之海 也中國地質 海 小。 廟華島隆起 形古蓋: 北 海 高 面 爲土 m 南 股。

高則海自小南低則山經以甌閩皆在海中入後乃北日降而南日, 陞。 日 康回馮怒地東南傾豈太

北

古南 方 固 亦高 耶。 歴 漢 唐 而 後南 方乃日漸升灣。 漢志陽羨 以 東 惟 縣。 則 大平 原 也則 古 時 北方

之地 足怪者蓋自樂浪沿渤 形 म 見而自 營州越海之交通 海以達於江淮皆古泰族之地而伏羲神農皆嘗都陳曲阜則據四 亦明 也則鲁之爲走集之午道亦戰伐之中心固事理之必然無。 [走之] 樞。 西

達宛 团 ılii 東達膠萊其當交通之街路 丽 為戰伐所 必爭 固宜。 黃帝既勝於涿鹿又勝於阪 泉然 必至

伏 加 阜始 羲之 登帝 世天下多 位。 m 製故 復還 教民 都 有態亦 以 獵。 以 非 得窮桑而 時 多水、 天下定也。 時 多 獣 也。 戸子 蓋途 人處 日 。 場谷· 逐 人之世天下多水故教民 九河。 棲遲 海 濱。 日 3 水、伏 以漁。

羲都陳已馳逐於大陸故曰多。 概。 而泰 族之初實居海上其情亦可見也方其居於海 Ŀ. 北自 九 河 啺

谷。 及 P 悄 至江 無関 及斥山。 淮。 及入 八大陸蓋溯 東南 則 會 稽山。 黃河面 此 沿 西走此以五 海之所 至 岳帝都 也。 北幽 考之其事最顯。 都、 西 霍 山, 西 南 華山 就爾 及梁 雅 釋 山。 地九 此 **况**府言之東北 溯黄 河 之所

至 也。 則 泰 山 之為 中 央審 也。 im 崑 ~~ 涉 於 峬 話 也。 淮 南 地 形 旣 取 是 九 山 之 說。 叉 曰 何 謂 六 水。河

水、 赤水、 遼水、 黑水、 江 水、 淮 水。 則 亦 與 九 府 並 胪 之 古說 也。 赤 水黑 水、 亦 屬 神 話。 此 溯 河 西 進 Ilii 者

也。江 水淮 [水則遵海] 而 南所知者 也選水則遵海而北所知者也遂人出於暘谷九河此泰族初起於

F. 上古開化

古 蜇 **≡**O

泰山 南 入海處也入後更南至會稽西至華嶽乃以秦山爲中殆又伏羲以後之事古之黃河下游皆夾 北以入於海是泰山者河縈其西以達於華撒海環其東北達醫無間南達會稽彼其初 距 河

故以齊州稱中國黃帝堯舜都冀州則以冀州稱中國」都曲阜者正以其爲古代天下之中都冀州、 海稍 遠者皆華族之所未至也此之形勢明而泰山之爲中更足見也劉左菴師言 「古代多居曲

則 華族日益西漸之迹也。

爲

九

溝 训 志言 河入於渤海」又云「滎陽下引河東南爲鴻溝以通宋鄭陳蔡曹衞與: 「禹以爲河所從來者高水湍悍難以行平地數爲數迺灑二葉以引其河北載之高地播 濟汝淮泗會於楚西

通渠漢川雲夢東方則通溝江淮」 見古水道之密而黃河下游交通之便也水經 禹塞洛水於築

方

則

陽 下引河東南以通淮泗」是鴻溝者固禹迹也論者或以鴻溝爲戰國以來開之然禮「諸侯祭其

内名 山大川」 春秋魯之三望謂秦山河海也必禹河自古南通淮 泗然後魯得祭之也管仲言魯

域

使 海 於有弊」則魯固接 於海知亦通於河 ·也徐偃王率九夷以伐宗周通溝陳蔡之間欲舟行上。

國。

溝 功。 ıllı **个之官渡水蓋爲二流** 後 人以爲吳通溝江淮浮于淮泗達于河亦禹事而後人以爲梁鑿鴻溝。 南 經陽武 爲 官渡 水。 經東 大梁城 卽 河溝今之汴 其誤一也文 河是 也。 穎 說 續 述征 鴻

記云 「仮沙 到 淡儀而 分汳 東 注。 沙南 流。渠 水 於 此 有 陰溝 鴻溝之稱」 地理 志云 渠水 菠 稿 渠

水 北屈 分爲二」蓋一汳水卽汴河以東通河於泗一沙水卽官渡水以南 通河於淮於汝顧楝高

水 云 分 其 沙 水於陳留東 受旃然水出蒗殤渠之北而東注者爲汳水汳水至徐州入 南 六泗濄水**5** 分沙水於扶溝東南 入 淮。 而沙水則 泗其 入 (類入汝) 由蒗莓渠南流 入淮。 則 者為 鴻 沙水。 溝 者 誠 睢

淮 北、 河 南 諸 水 通 溝之 網 紀 也王 悉記。 先 謙 說 濟 水 至定陶爲 荷 水又至湖 陵 入 是也播. 泗。 青日 浮 于 淮 泗、 達 于

菏。 是

其道

也其

〈餘枝瀆

互

史馬 類覆釜胡蘇簡潔句盤鬲津是 通不可4 也是禹麗二渠播 九河於北爲鴻溝通濟汝淮泗 子 亦 曰

蓋禹之灑二

平、則

深川

與茶

河

故瀆

九河

則徒駭太

瓜 疏 九 河。 淪 濟潔 m 注 諸 海。 决 汝漢 排 淮 泗 m 注之江」 是亦江 淮 河 濟 於古通流之證。 書 日 予

決 儿 川 Hi 四 海。 濬畎 澮 距 川。 是禹 固 滇 畎 **澮之水以** 匯於 川。 又算 九 州之 川 以 入 於海。 則 古 時 水道

便 利 11] 知。 而黄 河 下 游支渠交灌之情亦明也又徵之禹貢九州之貢道於兗州則曰浮于濟漯逹

州 于 則 河。 於靑州則曰浮于汶達于濟於徐州則曰浮于淮泗達于河揚州則曰沿于江海、 日 浮于江沱潛漢逾于洛至于南河於豫州則曰浮于洛達于河於梁州 則日浮于潛逾 達于淮 泗於荆 于 · 沔 入

于 消亂于河 於雍州則日浮于積石至于龍門西河會于渭汭則彼時之交通、 心事恃水道。 叉可 知 也。而

爲 窮桑之地外則溟渤環其東內則黃河枝瀆縈其西途成爲政治交通之中樞孟子以雞鳴犬吠相聞 交通之便齊魯爲最故齊魯於古爲軍事政治商業之中心亦遂爲最古文化之發祥地 齊碩。 孔子適衞而數其庶矣哉吳起以荆所有餘者地也所不足者民也商君亦謂秦民之不足實 也。

加 其 主。 多爲憂知於時所須於民口之急而黃河枝濱所注之域卽肩壓轂擊之邦秦楚則 韓 魏 則 土 一狹而 民衆則知黃河下游為丁戶最繁之地梁惠王以鄰國之民不加 兄秦半曠土則-。 少寡人之民 ネ 上

古中原之所在文化之所萃可知也孔子删詩作春秋他方則唯錄大國於鴻溝流域則 八小國並 二詳。

周 而 不 游 在彼 所 經亦西不至秦北不至晉終身所徘徊者亦鴻溝流 也而禹之治水自四 **濱之外惟弱黑濟洛渭五水耳黑之與弱類於神話若濟若洛若渭、** 域孟 一子亦然此無他三古文化之存。 在此 IE

人民之所羣居河之北近之南土曠民稀故未施功耳拾遺記言 「軒轅去蚩尤之凶遷共民善者於

以木械。 鄒屠之地遷惡者於有北之鄉後分鄒氏屠氏」 是向 化率義者即居之鄒屠。 其梗 頑 心怙惡 則: **黄帝本紀亦言「遷其善者於鄒屠之鄕其不** 木械 流 於有 北鄒曆即 5鄒魯也鄒 為於上 善者 111 [周

禮義之邦君子之國蓋泰族之走集而文明之泉源也。

在昔共工女媧之戰蚩尤神農黃帝之戰並在東 北尙書大傳言「湯放桀居中野桀南。 四徙止於不齊。

再 徙於鲁」書序言「戰於鳴條夏師收續湯從之遂伐三朡」呂氏春秋云 「湯以戊子戰於 娜。

淮 南 子云 「敗桀於歷 Щ. 是桀湯戰 處亦在東 次武王一 戎禕 而天下定伐奄則三年 -然後討: 其君。

師 一代之間。 渡 清 河。 黄河 楚 世 下 家言「夜加即 游猾是喋血 地 心蘇秦傳 墨顧據午道。 言 韓守 說者謂在魏之東齊之西索隱云「蓋亦未詳其處」 成皋魏塞午道」 張儀 傳言 「秦軍 寒午道齊

「午道一縱一橫謂交道 也。 則魏東齊 西。 至 春秋戰國下速秦漢吳楚猶是必爭 地貨殖列

「朱公以 爲 陶天下之中諸侯四通貨物所 交易 也。 服虔云 一、陶定陶 也。 是又 當 午道商

賈之所 走 华 也。 「魯仲連 言裂地 丽 封富比 陶 衞。 鄭 玄詩 贈言 -----曹末 世富 丽 無 教。 是 陶 衛 當 4

道 爲 商賈之所 集、 而 富甲天下又非徒為戰場而已邇者旅順發見貝塚說文言古者貨貝 而資 龜凡

從貝之字皆義涉財貨史記言「農工 商交易之路通而龜貝金錢刀布之幣與焉」知貝問古代之

貨幣而交易之繁起於海濱旅順聚貝而藏尤見泰族之往來行商於營靑二州間也。 故及於戰 國圖

猶以交易有無之路通而爲天下中蓋自昔而然也故岱宗河海之間固古代政治文化軍事商業之

中心。正 以其 戴日爲丹穴北戴斗極爲 固交通之中心耳爾雅齊中也高郵王 空桐。 日所出爲太平西 氏謂 ___ 臍居人中故臍從齊」 所入爲大蒙」 則釋 地之 極言、 距齊

州 謂 中州也則營邱之封爲齊又中央之國釋名「勃齊之中也」則幼海之大有造於我華胄正不待 以南、 東至 三至日三 蓋齊州對四

導沇水東流爲濟濟從齊亦中央之水之謂耶濟固出乎河而又居鴻溝九河之間而t 入於幼海者

也。秦 山之陽則魯其陰則齊此固泰族馳驟海陸間之集中地固文化所 由產生之處心禹貢 、於冀州

日 島夷 皮 服。 見北土之寒於揚州 日 島 夷 **产**服。 見南 土之 暑而 泰 山 I之麓服: 絲 泉宜 桑麻。

不徒居 地理之中而又得天時之和中國文化之產生於是固 其宜也國策言 「東周欲爲稻。 西周不

放 水。 河渠書言 東周患之乃種麥」唐風曰「不能蓺稻粱」邠風曰「十月穫稻」夏本紀言「。 「西門豹引漳水溉鄴」滑稽傳言「西門豹發民鑿十二渠引河水灌民田田皆溉。 **令益** 與 衆庶

溝洫志言「史起爲鄭介遂引漳水漑鄴以富魏之河內民歌之曰終古舄鹵兮生稻檠」足證上世

至周轍之東北土尙有水田稻聚之利衞風曰 「翟翟竹竿」溝洫志言「瓠子之決是時東郡燒草。

以故薪柴少而下淇園之竹以爲建」 亦見衛地產竹於漢猶盛入後地氣益變而稻與竹之類漸絕

迹於北方也近代探險家皆言「北極 有石炭發現。 則北極於前古必係溫帶或熱帶而探險蒙古

者言「世界大動物皆發現於蒙古一帶則最初依動物爲生之人類當亦導源於此」美國人類學

家遂謂 「北極一帶三百萬年前氣候極暖哺乳動物均生於此其後氣候變冷動物南下或因地軸

改變之故而北極蒙古乃以漸寒」是北方之以漸變寒事甚顯著中國文化之起於勃海盛於岱宗。

光大於三河亦正彼地氣候温暖中和之時也。

四 江漢民族

之 之後姜姓 共工 爭為 木德, 其行 祭典 其 一昔有共工自賢唐伐之共工以亡。」韓非外儲說「堯舉兵而誅共工於幽州之都。」 mi 子 帝。 文穎曰「共工主水官少昊氏衰秉政作虐故顓頊伐之」淮南子原道亦說「共工氏與顓頊 日后 不 氏之子仕 水德 共工承之以水居木火之間霸而 曰「共工氏之霸九有也」鄭玄曰「無錄而王謂之霸在太昊炎帝之間」 蓝。 土能平九, 是共工為少昊水官而顓頊誅之周1 帝 也。 於木火之間非其序也故謂之霸。 乃庚寅 颛 於位 項氏衰共工氏侵陵諸俟與高辛氏爭而王。」 日誅 土。 也文子曰「共工爲水害故顓頊誅之」史記律書「 韋昭 重 黎。 八是颛 百二 共工 頊、 不王。」而管子曰「共工之王。」則共工 帝嚳之間。 氏伯 此 語 者名戲共工氏裔子句龍佐黃帝爲七官」 「昔共工氏棄此道也」 共工 氏又爲亂而 楚世家 高 日「共工氏作亂學使 周 辛氏又誅之周 語 賈逵日 顓頊 共工氏之伯 有 固嘗王天下也特以 劉向日 「共工諸侯炎帝 共工之陳 此堯之伐共 誹 則黃 「伏羲氏 史 以 ıſį 九 iic 有也。 黎珠 平 帝 解 水 肺

工淮南 共工伯 子本經訓「舜之時,共工振滔洪水」 於忠犧、 **欧神農之間** 其後子孫任智刑 荀子議 以強與黃帝之孫顓頊爭位」則 兵篇 「禹伐共工」此舜禹間之共工高誘說 共工問世爲諸侯之

強自伏羲以來下至伯禹常爲中國。 息而共工固姜姓炎帝之裔 心蜀 王本 紀 鼈靈 卽 位。 號 曰 開 明

帝帝生盧四 保。 亦號開 明開明帝一 下 至 표. 代 有開 明 尙。 始 去帝 號 復 稱王 也。 賈逵 以 有 窮 歴 唐 堯及

夏幷以羿爲號」則累葉共號古固。 常有自黄帝以迄於夏后姬姓世 「有天下」 「有天下」。 五帝本 紀說「 也。 自黄 帝

說 至 文說 舜禹皆同姓」豈姜姓常叛不服屢起 「神農居姜水以爲姓。 則女媧後之共工豊當時尚未 而與 (姬姓 . 爭爲帝耶惟世遠文湮其詳頗不可稽 有姜姓 耶。 鄭駁 五經異義云「

姜 姓太 八峰所 賜 他」周 語 說 禹治水土。共工之從孫四岳佐之克厭帝心。 皇天嘉之祚以 天下。 賜姓

姒。 氏 日 有 夏祚四日 岳 國。 賜姓 日姜氏 日有呂」或又 以 為周 所 賜呂尚 姓。 是姜之得姓、 共

說紛

歧。遠

炎帝

日

則 太 皥。 近則 周 世。原 然無定 說共工霸於前。 神農王 於後而炎帝機之一 姓 $\overline{\mathbf{w}}$ 光後迭與 以有天下。 其族

則 同。 其 強 可 知。 其得姓確起於何時蓋亦久而難明矣左傳文十八年 「縉雲氏有不 才子貪於飲食。

冒 於 貨 賄。 天下謂之饕餮]]賈逵曰「縉雲氏姜姓也炎帝之苗裔當黃帝 時任縉雲氏之官也」鄭玄

四 江淡民族

「三苗爲饕餮」馬 融曰「三古國名也縉雲氏之後爲諸侯蓋饕餮也」韋昭曰「三苗炎帝之

後諸侯共工也」(此爲國語注文今本國語注無共工二字此從呂刑。 炎帝之裔後漢語 | 固言 「 西羌之本出自三 尚姜姓之別 也」此蓋竄三苗於三危之餘雙 正義引 補) 則三苗亦姜姓

丽 書西: |羌傳|

裔 耳。 春秋 .也九黎之君於少昊氏衰而棄善道上效蚩尤重刑必變九黎言苗民者有苗九黎之後顓頊代少。 有姜氏之 戎亦然韋昭曰「三苗九黎之後高辛氏衰三苗爲亂」 鄭玄云「 古兄謂· 九 黎之

昊誅九黎分流其子孫爲三 國高辛之衰又復九黎之德堯與又誅之堯末又在朝舜臣堯又竄之後

禹攝位。 又在 洞庭逆命禹又誅之」是在前者爲九黎高辛而後乃曰三苗問一族而炎帝之胤

日 「蚩尤九黎君 名。 韋昭曰 九黎氏九人蚩尤之徒也。 偽孔馬融說並同鄭玄

高

誘

者。 軒轅之時神農氏世衰諸侯相侵伐暴虐百姓而

曰「蚩尤

也。

霸天下 是軒轅乃習用干戈以征不享諸侯咸來賓從而蚩尤最爲暴莫能伐炎帝欲侵陵諸 黄帝 所伐 史記 說 神 農氏: 侯諸侯咸歸軒 弗 能 征於

師 諸 軒 侯與蚩尤戰於涿鹿之野遂擒殺蚩尤」既曰神農氏弗能征又曰炎帝欲侵陵諸侯馬遷殆亦。 轅乃修德振 兵以與炎帝戰於阪泉之野三。 一戰然後得其志蚩尤作亂不用帝命於是黃帝乃徵

之末九黎之君」詩識說「蚩尤敗然後堯受命」蓋蚩尤之衆實繁有徒有臣事神農者有逐赤帝 道」又曰「蚩尤爲黃帝作五兵」越絕書「少昊治西方蚩尤佐之使主金」馬融曰「蚩尤少昊 云七十二人亦云蚩尤大夫七十二人宋衷曰「蚩尤神農臣也」管子曰「黄帝得蚩尤而明於天 於涿鹿者有黃帝殺之於中冀者有爲黃帝作五兵者有佐少昊而主金者有少昊之末而亂德者三 即炎帝也新書言「黃帝行道而炎帝不聽故戰於涿鹿之野血流漂杵」古稱蚩尤兄弟八十一人或 說 共工氏之霸也文子曰「赤帝爲火災」淮南子兵略訓說「炎帝爲火災故黃帝擒之」史記律書 子」鄭玄曰「蚩尤伯天下」則蚩尤亦伯於軒轅之時故曰蚩尤古天子或又嘗襲炎帝之號比於。 疑炎農非一人疑以傳疑史遷幷述之而莫能決也路史則直以蚩尤爲炎帝而應劭曰「蚩尤古天 **『黄帝有涿鹿之戰以定火災」五帝本紀黃帝與蚩尤戰於涿鹿是火災者蚩尤之所爲知蚩尤**

尤既九黎之君則亦姜姓之王天下者又嘗襲亦帝之號者也路史固言蚩尤姜姓其引陰經遁甲亦 說蚩尤爲炎帝之後也。

蓋其族非一人其傳非一世其間傑出之雄乃宇少昊而霸中國蚩

朝記又言「蚩尤庶人之貧者」

四江漢民族

命

歷

序 炎帝 號曰大庭氏」皇侃熊安生又以伊耆氏卽神農呂寬用 民稱 「夙沙之民 自攻其君

而 歸 神農」高誘曰「夙沙大庭之末世也」呂覽古樂篇高誘注「朱襄氏古天子炎帝之別

賈逵韋昭幷云「烈山氏炎帝號」鄭玄曰「厲山氏炎帝也起於厲山或曰有烈山氏」 莊子 · 書有

赫胥氏注者謂 即炎帝祝融亦爲炎帝服虔以大庭氏爲即葛天氏(見路: 史)則神農炎帝、 大庭葛

天风 、沙、朱襄共工蚩尤九黎三苗伊耆厲山赫胥祝融皆一族也莊子胠篋稱昔者容成氏大庭氏赫

肾氏、 一祝融氏,稻稱共工氏祝融氏朱襄氏萬天氏皆在伏羲神農之前則數家亦嘗王於太古高誘

注 淮 南 道應訓則云「伏羲神農之間有共工宿沙霸天下者」是宿沙亦嘗霸於昔時則一族之強

盛略可睹矣。

史記 五. 帝本紀 「三苗在江淮荆州數爲亂」淮南 修務訓注云「三苗之國在彭蠡」 韓詩 外傳三說

苑君 道井云 一苗氏衡山在其南岐山在其北左洞庭之陂右彭蠡之川由此 其險· 心以其 不服。

帝王 之浦以服南蠻」六韜言「堯與有苗戰於丹水之浦」蓋此族世處南服炎帝起於厲山後漢書郡 世 紀日 「諸侯有苗氏處南蠻而不服堯征而克之於丹水之浦」呂氏春秋曰 「堯戰於丹水

政 志 注 引盛 宏之荆 州 記 随縣 地有厲鄉村重山一穴相傳云是神農所生穴也」史記 五 帝本紀

IF. 義引 括 地 志云 厲 山 在 隨 州 随 縣 北 百里 山 東 有石穴日神 農生於厲 鄉所謂 烈 山 氏。 則 神

農

固 起江 一漢之 間北上而有天下都於陳又徙魯周書嘗麥解云「昔天之初誕作二后乃設。 **政建典命**赤

帝 於黃帝執蚩尤 分正二卿命蚩尤宇於少昊以臨四方司百工蚩尤乃逐帝爭於涿鹿之阿九隅無遺赤帝 殺之於中冀名之曰絕轡之野」 徙魯及其衰也蚩尤侵之歸藏 ·大懾乃

蓋炎帝既

由

陳

而

「蚩尤出 自洋 水登 九淖以伐空桑」本師左菴 言 洋水即 漢 水 <u>F.</u> 一游漾水 也。 則神 農 起 自

荆

說

州。 金光 更後 至來自梁州者也蚩尤為暴伐空桑炎帝則以少昊之墟界之乃蚩尤逐炎帝 於涿 鹿。

書皆言黃帝殺出 光帝王世紀 紀則言「炎帝戮蚩尤於中冀」蓋蚩尤強暴炎黃聯兵僅乃克之此族

賏 於中 國之 也黄 西部。 於熊耳自別 北上 而入中部途有天下又徙東入魯最後乃轉入北部。 北民族蓋最後始 興。 共工炎帝之族漸次向 日九隅無遺則 金光 下、以 [4] 征

征 服 鰰 州 大 陸 者 也。 有

九

有

帝

與

為西

(而能戰)

勝

西

南

文子 日「共工為 水害故顓頊滅之」史記律書「顓頊有共工之陳以平水害」文穎曰「共工水

79 江漢民族

史 甄 微

官 也少昊氏衰秉政作虐」 是共工之爲中國害常用決水政策淮南本 經訓「共工振滔洪水以薄

之民多麥田不習於水故炎族北使必決水以苦之此所謂振滔洪水爲水害也竹書紀年「帝堯十 圶 九 一溪。 年命共工治河」文類說「共工水官」是共工固長於理水黃族而強則共工爲之治水黃族而 門未 Λ開呂梁未8 發江淮通流四海溟涬民 皆上邱陵赴樹木」 南方之民習於水多稻田。 北方

弱、則 道 也欲壅防 共工決水以侵之周語太子晉曰「古之長民者不墮山不崇藪不防川不資澤。昔共工氏棄此 旨川。 墮高煙庫以害天下」知共工之害天下與鮫堙洪水同也高誘淮南 原 道 注云

乘天勢以陰制天下」是共工之決水政策得選俾水七陸三以陰制黃族則以王以霸共工之力不 共工 氏以水行霸於伏羲神農間者也」管子揆度篇曰「共工氏之王水處十之七陸處十之三。

競。 則黄 族之水害平而共工誅其支庶或且入官黃族之朝而代之治水故伯, 禹治水而四岳佐之此

其 明 驗 也。 9祭法日 「共工氏之霸九有 也有子曰句龍爲后土能平九土」此奠高山大 八川之效· 也淮

於決盪以水驅敵故炎族北雙必自窮桑魯有大庭氏之庫是最古炎族北棲亦在少昊之墟變麥田 南 原 道 訓 曰「九疑之南陸事寡 而水事衆」炎族 北侵利在變麥田爲稻田少昊之墟溝渠交灌易

為 田則黃族去而炎族至也及禹平水土盡力溝洫夏本紀說「令益予衆庶稻可種卑濕」 自是

北 人亦 習 於水 田而洪水之害永息 也。

周 語 日 「有崇伯鮫播其謠心稱遂共工之過」是鮫之治水法於共工書曰「鮫堙洪水」禮曰 鮫

障 洪 水 而 殛 死。 曰障曰堙此其遺法蓋頗爲隄防以資灌溉其後共工之從孫佐禹治水。 淮 南 本經

說 舜使 **禹疏三江五湖闢伊闕導瀍澗平通溝陸流注東** 海」孟子書稱「禹疏九河淪濟漯

諸 訓 海決汝漢排淮 泗而注之江」則禹一反鮫之舊法曰決曰疏俾水由地中行虞書 日一

濬畎疃。

而注

語 日 盡力溝 渔。 明治水自決江疏河外猶有溝洫農田之事書傳言「 溝濱壅遏水爲民害田

不 墾則責之司空」而伯 禹治水實作司空則治水爲有農田之事可證蓋亦共工氏之所 爲 心也。

廣

論

而

子

成 相 篇言「禹 有功抑下鴻避除民害逐共工」是禹舉一共工逐一共工 也於是鴻山 水漏、 九州乾、

滄 海 立變爲桑田障之堙之則桑田立變爲滄海悉由治水之人舉措間耳由炎族黃族 水 事陸事

觀 察 不同而 利害途全相反也文子「赤帝爲火災」 蓋即 烈山 澤 而焚事。 淮 南子覽冥 「往古之

四極 廢九 州裂天 不 **兼覆地不周載火燈炎而不減水浩洋而不息於是女媧鍊** 五色石以補蒼天。

江漢民族

74

四

斷 女媧 鼇 足 氏末諸侯宮 以 立 四 極。 殺黑龍以濟冀州積蘆灰以止遙水蒼天補四極正遙水涸冀州平」帝王 有共工氏任智利 以強、 伯而 ...不王」 共三 工之伯 L 九有。 既在 女媧之世。 則 所 謂 火爁炎、 世 紀言

水 浩洋 : 者其即共下 工氏之振 洪水烈山澤 事耶。 呂氏· 春 秋 **澇兵**篇說 兵所 自來 者人 矣贵 炎故 用 水

媧 火 也。 以迄虞夏所謂平水害定火災者皆戰伐之事也然女媧所平者僅冀州一區。 共工氏: 故次 八作難· 矣。 帝故相 與爭 也。 此 足 證 Ŀ 一古利 用 水火以 爲 戰黃 《炎共工皆用之自女 而共工則奄有九有。

则 女媧之承伏羲僅保冀州耳既曰共工俶亂 天常竊保冀方則冀州 二隅共工 氏亦嘗竊有之非女

媧 而 止。蓋 之所能全 以過。 有至黃帝命應 淡水非易的 龍攻蚩尤於冀州之野殺蚩尤於中冀豈炎族 也。 憑怒。 北侵先後皆僅 倾。 達 於 儿

河

冀州 放他 族得保其地 一楚詞 日 康 回 地 東 南 王 逸 日 康 回共

殘 T. 氏之名。 滅。 繼 嗣 絕 祀。 淮南 **汲冢瑣語子產曰「昔共工之卿曰浮** 子 原道 一
昔
共
工
三 一氏之力觸了 不周之山。 使地 游既敗於顓頊自沈淮淵」 東 南 傾。 典 颛 頊 爭 為帝。 此 逐潛 觸 不周之山。 於淵。 宗族

蓋 事。 東 南 故多水蓋振滔洪水於北方途若地之傾於東南潛於淵者是其君臣泗泳而 去是洪

水 為 人患非天災共工之亂息 而 洪水止· 也。

五 河洛民族

炎赤之篆文爲灸形近**義**通則名炎族日赤族亦可蓋西南民族、 有 奄有天下今以研究便利之故姑名此族爲炎族黃帝既敗炎帝殺蚩尤君臨北 為行國一耕稼爲居國累世爭戰實佔中國上古民族之主要部份依莊子六韜所稱則大庭軒轅共 或作犂九犂三 來 今河 工已迭王於無懷伏羲之前自伏羲以來姜氏之族又嘗爲患於南方共工神農炎帝蚩尤且北。 神 五帝本紀說「自黃帝至舜禹皆同姓」此明黃帝以下自另一族黃帝號有熊氏皇甫謐言「有熊 農戰 無常處以師 土。此 南 於阪泉之野」史記 新 姬氏之族姑名為黃族蓋周語嘗曰「 鄭是也」蓋起 古蓋意均謂農稼則西南民族爲農稼民族爲居 兵爲營衞」則西 於河洛之間是西北民族也而史記言 說「教熊羆貔貅貙虎」 北爲遊獵民族爲行國也共工能平治水土神 炎黄之後 是亦 也。 游牧民族所能之事。 心國帝王世紀 面色赤銅故曰赤西北民族面黃故 摹書炎帝 「黄帝披山通道未嘗甯居。 赤帝 紀言 方歷 互稱殆炎之篆文爲 此 農教稼穑九黎羣書 「黄帝擾 《兩大民族一》 五帝三代漸奄 馴猛 心遷徙往 游獵、 上而 競與

五 河洛民族

姓曰百三十三姓中國部落時代民族實繁其勢力相敵對抗形勢顯著者惟此二族茲特就可考者。 日黄令暫以黄族之名代表北方游獵民族赤族之名代表南方農稼民族耳曰六十四姓日七十二。

言之耳。

立國 甄度四海遠近山川林藪所至東西九十萬里南北八十二萬里」古之尺度無徵要不免於誇誕然 其疆域四至羣書無徵豈以游獵民族遷徙不常無疆域之可言耶春秋命歷序言「神農始立地形。 日途人教民熟食始王天下者曰作網罟以田以漁取犧牲故天下號曰物犧自遂人始王迄於伏羲。 的 有封疆要始神農則可考也淮南子主術訓「昔者神農氏之治天下也其地南至交趾北至

振滔洪水則以薄空桑」淮南子「神農自陳徙魯」帝王世紀言「楡罔居空桑故歸藏啓筮言蚩尤 幽 都。 東至暘谷西至三危殆至神農封域始可得而言則其先殆皆行國至炎族而始建居國東至暘谷西至三危殆至神農封域始可得而言則其先殆皆行國至炎族而始建居國 也共工

伐空桑帝所居也」炎族北使必走空桑蚩尤伐空桑赤帝則使宇於少昊即以少昊之虚畀之蚩尤

部縉雲蚩尤之屬途服臣黃帝史記言「軒轅爲天子代神農氏未嘗寧居東至於海登丸山及岱宗。 又逐帝爭於涿鹿之阿則黃族之地日蹙蚩尤與赤帝內訌不已遂爲黃帝所乘炎帝遂失天下其一

至於空桐登雞頭南至於江登熊湘北逐葷粥合符釜山」荆州記 「順陽益陽縣東北有熊耳山

東 西 西各一峯如熊耳狀因以爲名齊桓公太史公幷登之或云弘農非也」括地志云「熊耳山在商州

浴 帝黃帝各有天下之半黃帝行道而炎帝不聽故戰於涿鹿之野」此其分有中國之證若史記言「黃 縣齊桓公登之以望江漢也湘山在岳州巴陵縣」則熊湘江漢之南猶爲炎族割據新語言「炎

帝合符釜山」更以見黃帝之徒足帥北方諸侯而已孫子行軍篇云 「凡此四軍之利黃帝之所以

勝 四帝也」蔣子萬機論云「黃帝初立。 養性愛民一 不好戰伐而四帝各以方色稱號交共謀之邊城

日 警介冑不釋黃帝歎曰今處民萌之上而四盗抗衡遞震於師何以哉乃正四軍途卽營壘以滅四 ·

帝 而有天下」明黃帝初與四圍皆有外族逼處立國其如此之辛勤也帝王世紀言「黃帝凡五十

戰 而 天下大服」然黃帝力戰經營之結果亦僅足蹙炎族勢力於江漢以南而已蚩尤與 人炎帝內

黄 、帝乃得乘之炎黄聯軍始能克蚩尤又進而克炎帝又進而至窮桑始登帝位復五十二戰而天

下乃服。 **猶僅南至江漢耳則炎族之強又可見也。**

黄族 自黃帝而後要以顓頊最爲傑出鄭玄曰「顓頊代少昊誅九黎分流其子孫爲三國」蓋炎族

河洛民族

治 亦 自 说 是遂 水共工從孫四岳佐之荀子成相言「禹有功抑下鴻避除民害逐共工」是禹。 炎 族 不 可復振 制 炎族之法亦與黃帝之乘 也楚世家言「共工氏作亂帝嚳使重黎誅之而不盡帝乃以庚寅日誅重黎」此。 炎族內訌 而 輿。 其. 事無異蓋一 舉而 共工重黎並削弱也伯 亦權 ___ 共工而 逐 禹

於交趾。 共工 項之所建帝嚳受之創制九! 也黃帝南侵僅及江漢而顓頊更幷江漢以南以盡於海五帝本紀說。 西至於流沙東至於蟠木日月所照奠不砥屬」 州統領萬國」帝王世紀亦以建萬國制九州爲顓頊事。 則疆字始可比隆於炎帝也通 「顓頊北至於幽陵南至 則 典日 建設力之強 若顓

黄帝氏以雲紀炎帝氏以火紀共工氏以水紀太皥氏以龍紀少昊紀於鳥自顓頊以來不能紀 也。 殆 於近為民師 征 有南 服 後制 而命以民事」亦足見古之設官命名多荒陋聽於神而顓頊切於實事聽於民則可 炎 族之 大設施 而開 中 國 建 九州之始 者也左傳昭十七年傳郯子 日 遠。 **背**者

收。 以 為治 水 Æ 日 理 玄 也。 冥土正曰后 昭二十九年傳蔡墨曰「故有五行之官是謂五官木正曰句芒火正曰祝 土后 土爲社稷爲 田正。 文七年傳 「水火金木、 土穀謂 之六府。 融。 金正 IE 謂 日 蓐 此

紀

五 官與田正也漢書百官公卿表說「自顓頊以來爲民師而命以民事有重黎句芒祝融后 土岸收、

玄冥之官」應劭注「顓頊不能紀遠始以職事命官也春官爲木正夏官爲火正秋官爲金正冬官爲 **水其德**。

百官之號,象其徵顓頊以來天子之號因其地百官之號因其事」應氏服氏皆義符班固夏書「六 水 次正中官為· 土正」是顓頊紀於近而命以民事卽此六府是也服虔說「少昊之前天子之號象

帝王世紀以五行之官屬之帝皓非也楚語曰「少昊之衰九黎亂德民神糅雜不可方物顓頊受之。 府孔修」則歷虞夏尙循六府之政而師顓頊之制也孔疏及近儒黃以周亦並謂五官是顓頊之官。

乃 命 姷 正重司天以屬神火正黎司地以屬民使復舊常無相侵瀆」是重黎六府果創自顓頊。 而顓

重黎絕地天通罔於降格」鄭義以皇帝為顓頊也則謂炎族衰於顓頊亦無不可下迄唐虞炎族支 項之脫離神道紀於民事乃正以絕炎族也呂刑「皇帝哀矜庶戮之不辜遏絕苗民無世在下乃命

庶 益 多或叛或服許愼說「縉雲相黃共承高辛」則縉雲共工已仕於黃帝帝俈之朝韋昭說 「共

工 從 孫 鵍 四岳之官掌帥諸侯助禹治水」 是至太岳佐夏命以侯伯而南 八遂不知 復反· 也。

凡六經百家皆美稱堯舜禪 讓。 而高辛高陽之受國若何則無確說白虎! 通義言「五帝無有天下之

號 五帝德大能禪以民爲子成於天下無爲立號也或曰帝皓有天下號曰高辛顓頊有天下號曰

四九

與爭也」苟五帝亦禪讓得之則又何獨堯舜爲可稱若以征誅得之則五帝聖人豈能塗炭蒼生以 **黄帝有天下號曰有熊」班氏之幷存二說曰禪曰非禪莫可決也而呂氏春秋曰〔五帝問相**

與高辛氏爭而王」(賈逵說)「高辛氏衰三苗又爲飢堯誅之」(韋昭說)夫旣曰某某氏衰。 攘 大位夫旣日 「少昊氏衰九黎亂德顓頊代昊誅九黎」(鄭玄說) 「顓頊氏衰共工侵陵諸侯」

則 九 世一千五百二十歲次日帝宣曰少昊一日金天氏則穹桑氏傳八世五百歲次曰顓頊則高陽氏傳 其 世三百五十歲次是帝譽即高辛氏傳十世四百歲」至五帝各傳數十世或數百千年與三代代 其為後嗣末世可知也則命歷序說「炎帝號大庭氏傳八世合五百二十歲黃帝一曰軒轅傳十其為後嗣末世可知也則命歷序說「炎帝號大庭氏傳八世合五百二十歲黃帝一曰軒轅傳十 《事無異蓋每際黄族中微而炎族又起而乘之更互而王周語稱 「王無亦鑒於苗黎之王」 則

沙之霸至 也諸書皆言共工之霸管子獨以王言之譙周以炎農爲二人亦取證於管子緯書獨有五帝各數百。 **顓頊以來九黎三苗固稱王也五帝之有天下其皆誅絕炎族以得之耶自伏羲以來有共工之王宿** 一神農而王至炎帝而王蚩尤又霸軒轅之前則如此軒轅之後復如彼則二族迭雄略可見

年之說鄭玄譙周采用之緯書齊學也管子齊人也將炎族所傳獨與黃族異耶史記曰「於是秦策

出焉」風俗通曰「秦讖出焉」史記鵬鳥賦言「策言其度」漢書作「職言其度」則識書即古

之策書所謂名在諸侯之策是誠舊史其說要可信也。

共工三苗伯縣三人為一朋以抗舜舜誅四兇而野死蒼梧則伯禹與三苗之故耶伯禹治水而共工

從孫 四 岳佐之長帥諸侯佐禹治水命以侯伯蓋炎黃二族以是之故和樂日臻自禹之後共工黎苗、

無 復爭 、亂禹合諸侯於塗山又合於會稽皆深入江淮以南吳越春秋「禹巡天下登茅山以朝葦臣。

乃大會計更名茅山爲會稽山亦曰苗山」蓋卽苗族之巢穴也於是姜姓而國於北姬姓而國於南。

不可勝計炎黃二族途漸混爲一家虞書曰「簋三苗於三危」又曰「分北三苗」見苗民之攜貳

也夏書日 「三危旣宅三苗丕敍」見苗民之融洽也是尤炎黃二族至夏遂和輯之驗自炎黃以迄

唐虞始則南 北二族文化各殊及接觸既久漸以孕育新文化及於伯禹遂大成熟而燦然有輝風姜、

氏。 融和 爲 一統日諸 夏以別於四 夷未進化之族窮桑質沙共工軒轅民族之名皆晦而莫見合諸

姬

小

民 族爲一大民族卽以伯禹朝代之名爲此種民族之名以別於四圍蠻野之民族此固華夏之名

所 起耶。

五 河洛民族

五

史 甄 微

六鳳 氏次之號曰皇神出長淮駕六蜚羊政三百歲五葉千五百歲」。文多脫落不可具知要此 鄭玄 放皇氏屈之名 **꺉之間知風姓** 桑日之陽駕六蜚龍次民氏沒辰放氏作渠頭四乳駕六蜚麟出地郭治二百五十歲」宋均 九頭之出於東方可證也又云「皇伯皇仲皇叔皇季皇少五姓同期俱駕龍號曰五龍皇伯登出榑 日人 氏僖二十一年傳「任宿須句、 凰出 皇也皇伯登出博桑日之陽皇次屈出地郣說文郭海也皇神出長淮是五龍之世亦立國海渤 皇九頭提羽蓋乘雲車出暘谷分九河」易緯注「途人謂人皇」 注通卦驗云「途人風姓也」而伏羲女媧亦風姓蓋炎黃二帝之前王中國風姓爲獨多耶左 地 衡在位 也。 誠東方之民族 則次民為 \equiv 百 亚 十歲黃神氏或日黃袜黃頭大腹號日皇次駕六蜚麋三百四 皇伯登之名也又曰「昔辰放治世離光次之號曰皇覃銳頭 也命 顓臾風姓也實司太昊有濟之祀以服事諸夏」 胚序言 「自開闢至獲麟分爲十紀一 而暘谷九河幷東方地是遂人 曰九 太昊之胤胥國 頭紀二日 蓋 十歲。 |五龍紀叉 五龍 注 日 · 角 駕 犯 一辰 於 紀 神

江 |淮之間而往來於榑桑者也九頭五龍胥往來於暘谷榑桑而散布於郭於淮諒亦沿海岸線而|

易 殖 日 者。 遁甲 帝出乎震」 開山 記 說 正以此也史記云「泰帝與神鼎一」師古曰「泰帝卽太昊伏羲氏」史記又 石 樓 山 在 瑯琊昔有巢氏 治 此 山 南。 明遂古之王者多在東方 沿 海 一帶。

是亦 云 指太昊言也古又謂之蒼帝今姑名此海岱民族爲泰族亦猶江淮民族以炎帝而姓名爲炎族。 太帝使素女鼓五十絃瑟悲」正義以「太帝卽太昊伏羲氏」莊子曰「有虞氏不及泰氏」

河洛 民族以黃帝 而姑名為黃族 也。

鄭玄 註 易緯通卦驗云 「遂人謂 人皇。 路史註引春秋緯云 「天皇地皇人皇兄 弟 九 人分長天

地 明人皇卽遂人而始王天下者自春秋命歷序以下皆言「天皇十二頭被跡在柱州崑崙山下。

皇十 頭與於熊耳龍門山人皇九 頭出暘谷分九河」春秋繁露言「三皇抵車出谷口」是又不

人皇為 (出谷口) 而天皇地皇亦出暘谷而 西徙則天皇治乎西鄙。 地皇長於中都人皇帥 於東 尔风风

獨

下。

姓之族 炎族起於西南黃族起於西北而風姓之國夷滅殆盡逮於春秋惟任宿須句顓臾四國而已而淘 先於炎黃二族居於 小中國當即公 為中 國 舊 來 土 上著之民。 自 東 而 西。 九州之士 青其所長。 及其後

六

澤。 故或言在漢陽在隴西誤矣)而伏羲都陳亦秦族西漸之跡離光氏出地衡豈亦秦族南侵及於湘 俗之間實爲其根據地故伏羲陵在山陽女媧陵在任城方其盛時勢力西漸熊耳崑崙皆入版籍故意。 日 :被跡在柱州含神霧說 水 經註 雷澤在 成陽故城西北十餘里昔華胥履 「遂人之世有大人跡出雷澤華胥履之生宓犧」鄭玄 大人跡處」、帝王世 紀以下誤成陽爲成紀。 云「雷 夏 兗 州

歸之義農黃帝三人者殆以三人者於族中最爲傑出秦族之所創作悉以歸之伏羲炎族之所創作、 以制 沅之證及其衰微惟退保有濟而已炎黃二族之民於文化各有造制淳于俊說「伏羲因途皇之圖 卦。 :] 則邃人以來亦有創述夫創作者本非一人一 時之所能大就而言古史者均以創作之功

悉以歸之神農黃族之所創述悉以歸之黃帝耳。

五 經 通義言「王者受命易姓報功告成必於岱宗」白虎通義言「王者易姓而起必升封泰山何。

功 教告之義 於泰 山耶魏書言「烏丸之俗以死者神靈歸乎赤山如中國人以死者之魂神歸泰山。 也」豈以少昊之墟爲遂古得失天下之迹或地故佔有魯地者卽爲易姓之王必刻石。 也」秦山 紀

爲 死者 魂神所歸蓋亦少昊之墟爲古代羣雄決戰地之明證蓋海岱之閒爲彖族之根據地而羣雄

地 角逐之場據有 雖 偏 於海隅而實爲政治戰爭中心 泰山者即有天下行封禪以明得意耳況復炎族北侵必經窮桑三族接觸於此最縣。 也觀共工振浴 洪水以薄空桑蚩尤又伐空桑神農自陝 徙

上 魯有大庭氏之庫是在昔爲大庭之都有巢氏治石樓山在瑯琊皆足見東方固政治戰爭之中心。 世 我先民之所聚處河洛之繁榮乃在後遠不足與侔也夫暘谷扶桑固九夷之居卽徐土淮濱亦 爲

邱、 東 就 夷 地而 時負 夏。 此謂 此皆泰族走集之地悉在海岱河 泰族實往來海上游居於斯者五帝本 濟之間而持 紀言 韓非難 「舜耕歷 謂 山漁雷澤陶河 東夷之 陶 者器苦窳 濱作什器 舜往 於審

陶焉。 諸 遷於負夏卒於鳴條東夷之人也」則凡舜所耕稼陶漁皆東夷地舜且東夷之人也史記 歷山之農者侵畔舜往耕焉」 則河 濟之間尙為 東夷 地而 况扶桑嵎夷之際孟子曰「舜生於 呂

尙 者 東海上人」國策言「太公望齊之逐夫朝歌之廢屠子良之逐臣棘津之雠不庸。 」而呂氏 春秋

言 太公 望東夷之士也」亦北 至棘津、 西至朝歌皆東夷之地則秦 族與 東夷之關 係、 可 以明 也。 左

氏 昭 四 年 傳 夏桀為 仍之會。 有網 叛之商紂爲黎之蒐東夷叛之。 注者謂: 均是 東 夷國。 illi 173 卽 風

姓之任 國則泰族與東夷同支進化或爲先耳而東夷則仍保其椎樸是負夏河濱雷澤亦東夷之居。

海岱民族

六

扶桑暘谷嵎夷亦泰族往來之地泰族九夷要之蓋一族也。

范蔚宗 說 「東 夷有九種,日畎夷于夷方夷黄夷白夷赤夷玄夷風夷陽夷昔堯命義仲宅是嵎 夷。

滿 暘谷蓋日之所 飾、 東屠倭人天鄙」范說別其種皇說別其地皇亦據後漢書以海東爲九夷前漢志 出 也贊曰宅是嵎 夷曰乃暘谷巢山潛海。 厥 區 九族。 皇侃 說 「九夷玄莬樂浪、 高 說 麗、

孔子悼道不行設桴於海欲居九夷」是亦以海東為九夷皮鹿門以堯典之宅嵎夷史記作郁夷。

毛詩之周 道倭遲漢書作郁夷則嵎夷郁夷倭夷一也而三 島三韓皆我先民游處之地此 爾雅 所謂

東 至 於泰遠者 也是北自嵎夷經齊之海 礪、而 南至封嵎之山莫 非泰 族同支聚處之 **之地後途淪** 陷不

崓 屬 夷 於 我也。 曰暘谷」 說文以 而遂皇出暘谷分九河嵎夷在遼西九河 嵎 夷 在 遼西豈以後 日 益 西 徙乃 舉東方地而 在兗州則暘谷可求也蓋卽幼海之濱 三委之遂以为 遼西1 爲嵎 夷耶。 尚書 「宅 者近

是。 而 海外東經· 大荒東經幷云 「湯谷上有扶桑」 則扶桑又當於湯谷上 求之。 則三 韓正是扶 桑之

地。 南 史東 夷傳 慧深 云 扶桑國貴人第一者為對 盧第二 一者為 小對盧 \equiv 國 志說 「高 麗其 官有

對 盧。 舊唐書「高麗其官大者號大對盧」)慧深說「扶桑之俗其婚姻則壻住女家門外作

事。 屋。 同於扶桑則高麗亦扶桑也西人希勒格證扶桑卽今之樺太是三韓迤東皆古所謂扶桑也說文 相說乃成婚」而三國志言「高麗其俗作婚姻女家作小屋於大屋後名壻屋」斯足驗高麗之

夷之居而我先民同支所游處也後漢書東夷傳「高駒麗其國東有穴號曰燧神以十月迎而祭之」 言「日初出東方湯谷所登扶桑叒木也」則湯谷更在扶桑之東則湯谷扶桑括地最廣皆昔爲九

將即出 自湯谷扶桑之人皇途人耳左氏昭十七年傳「宋大辰之虛也陳太昊之虛也鄭祝融之虛

也。微質 王」辰之號沿自古昔與宋爲大辰儻有關耶。 韓七十八國各在山海間地合方四千餘里東西以海爲限皆古之辰國也馬韓最大共立其種爲辰韓七十八國、 項之虛也。」中國王者古無大辰而三國志東夷傳謂「辰韓古之辰國也」後漢書以「三

帝王 窮桑登帝位後徙曲阜」干寶言「徵在生孔子於空桑之地在魯南山之穴」高誘注淮南云「空 世紀言「少昊氏自窮桑登帝位後徙曲阜於周爲魯窮桑在魯北或云窮桑卽曲阜也黃帝自

桑地名在鲁」此皇甫安「窮桑卽曲阜」之說也思玄賦舊注云「少昊居窮桑在魯北。 此皇甫

窮桑在魯北」之說也東山經云「空桑之山北臨食水」此魯之空桑北山經云「空桑之山空

甄

桑之水出焉東流注於滹沱」此趙之空桑而郭璞於此注云「上已有此山疑同名」則山經共有

谷曰蒼蒼曰八極則空桑自屬曠野平陸自趙之空桑以及於魯之空桑凡兗州桑土之野徐州蒙羽。 猶扶桑啓筮云「空桑之<u>脊蒼八極之既張乃有夫羲和」又曰「羲和之子</u>出於暘谷」則空桑亦距暘 三空桑而今本逸其一古史考言「伊尹產於空桑」倘又更一空桑也則地之得空桑名者實廣亦

名皆括地最廣可知也伏羲作琴瑟爲網罟宜泰族於古卽能用桑故兗州曰桑土衛風曰桑田曰桑 之野臨乎暘谷之上者皆得空桑之名暘谷而東曰扶桑卽榑桑西曰空桑卽窮桑湯谷扶桑空桑三

徒曲阜謂自北地窮桑來也世本言「周公居少昊之虛煬公徙魯」是周公初封亦不在曲阜郡國。 中日桑落皆衛地宜桑之證曰扶桑曰空桑知亦業桑之謂也窮桑之地既廣則黃帝少昊之自窮桑、

居之至煬公徙魯則以奄之滅久矣魯已得有其地也啓筮言「蚩尤伐空桑」 志「魯國古奄國」奄至成王始殘之以封伯禽則周公之封少昊之虛曲阜魯尙爲奄有周公烏得 周書言「 赤帝命虽

尤宇於少昊蚩尤乃逐帝爭於涿鹿之阿」淮南子「共工振滔鴻水以薄空桑」女媧之世共工以 **独霸**火爁炎而不滅水浩洋而不息亦以二渠九河之間地居黄河下流乃可以振滔鴻水故蚩尤共。

工之戰悉在爭黃河下游一帶見窮桑少昊之虛實二渠九河之地爲古代馳逐之場而建都則於曲

生息於斯則中國大陸古代人迹始居之地可 阜蓋九河水草豐美為耕牧之鄉而曲阜負泰山據街路為戰守之地自遂人以來出暘谷分九河以。 考見者 即在 九河至近世(民國十年 北京齒之發

見西人蓋以人類遺骸之發見未有古於此齒者或言至今五六十萬年或言且百萬年最初人類之。

南走空桑要以黄河入海之區為泰族導源之地及往來海上日益頻繁又沿黄河而入上游而曲阜 導源且欲於中國見之則九河之地固東亞有人類最早之域也昔我先民生息於斯或東去扶桑或

隅途處天下之中為午道為街路而漸以南移是我先民栖息九河者在遂人之時扼據曲阜者在

伏羲之後也。

北方之九夷即此泰族也而南方之夷可知其在周世徐奄淮夷巢及羣舒皆所謂夷淮夷徐奄嬴姓。

臯 巢及羣舒偃姓皆少昊臯陶之胤也(八章五章中詳論之)少昊臯陶之後為東夷屬秦族則少昊 陶 亦東 夷爲泰族也徐偃王之仁而 無權 而好怪尤與泰族之國民性合(四章中詳之) 知 其先

後 系皆泰族也古史考說「窮桑氏嬴姓也能修太昊之法宗師太昊之道故曰少昊」則少昊誠

非 黄 帝之子而 太昊之裔也山。 海 經 言 「東海之外大壑少昊之國」 是少昊問 國 於 東 海之外者周

帝 執蚩尤殺之於中冀乃命少昊謂 鳥師以正五帝之官故曰質」 蓋風 姓之族。 被迫於炎族。

乃 退 出 海岱之間遜居東海之外炎族中微而風姓遂再濟窮桑復得重有海岱之間。 並立為東帝。 海

岱 以 西、 非其所 有故五 帝德帝系姓 不敍少昊於五帝之列徒謂之曰窮桑帝賈逵言「處窮桑以爲

昊皆東方 放天下號之日窮桑 民 人族。 有 足 驗 也。 帝」蓋其大部國 鹽鐵 論 結 和篇 土乃在東海之外在中國者 大 夫 日 軒 轅戰 涿鹿殺兩蹕蚩尤而爲帝以戰 不過 海岱一 隅而 巴是太昊少 成 功。象

山 陳先生說「 兩驛之驛當作 **峰蚩尤少昊當時同亂者又有太昊之裔**」 則於時炎族 內訌。 路倚外

援 以 求 逞神 農蚩尤爭稱炎帝。 神農說於黃帝蚩尤亦結兩昊以戰於涿鹿而少昊蚩尤並就屠僇蚩

尤之徒既屈 伏而 為黃帝主兵少昊之徒亦有為黃帝: 帥鳥師者越絕書 少昊治西 方蚩尤佐之。

昊。 居 則 亡國之廣猶 四 方者乃後之少昊又別一人 狼 狽 相 依力屈 勢窮。 也拾 而 遷 遺記說 逐由 人者 也。 春皇庖犧國 則 稱 帝窮 號所 桑以 都之國有華胥之洲」 戰 死 於涿 鹿者。 此東 方前: 此與以 之少

華胥 為庖犧母之說不同是亦太昊之國兼及溟海之中故曰有華胥之洲論語摘輔象「伏羲六佐。

神洲大陸也。

仲起爲洲陸陽侯爲江海。斯亦伏戲奄有海上之證則太昊之國固亦有一部在東海中而兼有此

海岱民族

六

上古文化

文化黄色 尚 **耜揉木為耒」而世本以為皋繇作耒耜共工有子曰句龍能平九土為后土月令鄭注以為后** 黄族多承襲之。而或尸其功耳。左傳昭二十九年曰「有烈山氏之子曰柱。能植百穀百蔬爲稷自夏 中 利。 起於 熙亦為玄冥蚩尤佐少昊主金蓋以其作五兵也而少昊之子曰該為蓐收此皆見於月令及左氏書。 淵 以 」尸子說「神農理天下正四時之制」 書店民作五刑而世本以爲伯夷作五刑神農和樂濟人而黃帝傳醫經淮南子主術訓說 項之子曰犂后土為社稷爲田正共工之子爲玄 上心之周棄亦爲稷自商以來祀之」教民稼穡神農事也而黃族屬之棄易曰「神農氏作斵木爲 國古 pp | 農。 族固完美 代之文化創始於泰族導源於東方炎黃二族後起自應多承襲之然二族固各有其獨擅之 尚書 大傳則一 也惟炎族較樸陋。 日 「黄帝始制上棟下宇以待風 而亦有其特殊之點可尋惟炎族建國又先於黃 晉書律歷志云「逮乎炎帝分八節以始農功」則紀歷 冥鄭 大夫子產禳火於玄冥而 雨」白虎通說 「神農因天之時分地之 少昊之子日 族。其 創 「宮室 制作物。 修日 土亦

成歲亦始於神農後人亦屬之黃帝若斯之類並是炎族創始於前而黃族踵襲於後而或尸其功也。

度民神同位禍災應臻顓頊受之乃命南重司天以屬神命火正黎司地以屬民使復舊常無相侵瀆。 楚語「少昊之衰九黎亂德民神雜糅不可方物夫人作享家爲巫 史民匱於祀 而 不 知其 福。 烝 享 無

其後三苗復九黎之德堯復育重黎之後不忘舊者使復典之」韋昭曰「使復典天地之官義氏 和

氏是也」 風 也。 管子 五行篇 淮南人間訓言「荆人鬼越人濺」王逸楚詞序言 黃帝得蚩尤而明於天道」 則 八磯祥歷律、 亦盛於炎族 「其俗信 鬼而 可知。 好祠」蓋猶九黎之遺 海 大 荒 北 經 日

蚩尤請風伯兩師作大風 「雨」古今注言「蚩尤為大霧軍士昏迷軒轅作指南車以示四方」 則

中國妖妄之教又出炎族概可知也吳越春秋以茅山亦曰苗江江南山多以茅名者祀三茅公巫教

之所 能 社后 祖 也豈三茅卽三苗邪夫巫 土也蚩尤主金蓋為蓐收共工之子爲玄冥吳回 固苗民遺教也若有烈氏之子曰柱爲稷田正也共工氏有子曰 爲祝融風俗 通說 「共工之子日修好遠 句

遊。 故 記以 為祖 神」享祀之神炎族獨多固知其爲崇幽靈信鬼神之民。 也。

班 固 ,共工氏任智刑以強霸而不王」緇衣甫刑曰「苗民匪用命制以刑惟作五虐之刑曰法」

t 上古文化

六四

鄭玄 日 「高辛氏之末諸侯有三苗者作亂其治不用政令乃作五虐蚩尤之刑以是爲法於是民皆

爲惡。 起於倍畔也三苗由 [此見滅] 周書史記解 「昔有共工自賢自以無臣久空大官下官交亂民 越之夷」路

史引外傳云「玄都氏黎國」周書云「昔玄都氏謀臣不用龜策是從忠臣無祿神巫用國而亡」 附唐伐之共工以亡」呂氏春秋恃君覽「縛婁陽禺驩 頭之國多無君」注「 皆南

淮 南 子氾論訓說 神農無制令而民從」尸子書言 「神農夫負婦戴以治天下又曰神農並 耕而

王。 以勸耕也」孟子書 「有爲神農之言者許行許行之言曰賢者與民並耕而食甕飱而治」商

君 書 畫 策篇 「神農之世男耕而食婦織 而衣刑政不用而治」 則苗 民之不用政令共工氏之久空

大官皆足證其爲最缺乏政治組織之民 於是略可得而言也周語「昔共工氏棄此道也虞于湛樂淫失其身」書序言「羲和湎淫廢時亂於是略可得而言也周語「昔共工氏棄此道也虞于湛樂淫失其身」書序言「羲和湎淫廢時亂 《族皆率神 農之教而又專恃刑法崇神道炎族之政治狀況。

胤 往 征之作胤征。 則炎族放曠浪漫之俗又可想見蓋中國之倡道家言者老聃莊周 之徒。 並是

南 其 亦 神農之遺教耶而黃老之弊申韓出焉其 政治見解謂之原本 炎族。 亦無 不 可。

黄 族之制作武略論之則其最特異之點適與炎族相反白虎通義謂 「黃帝始作制度得其中和」

黃帝始制法度得道之中」則黃族實爲善制法度者淮南子說「黃帝治天下明上下等貴

腹使強 又日 不掩 弱衆不暴寡百官正 而 無私上下調而 無尤法令明 而 不暗輔佐公而不阿田 当者不爭畔。

萬區。 效之卓著如 漁 者不 蓋又立步制畝經土設井其條理可謂緻密李靖說「黃帝始立邱井之法因以制兵」蓋五 争隈道不 此史記云「置左右大監監於萬國」漢書云「 拾遺。 市不豫買城郭 不 關。 無盜 贼。 易謂 黃帝方制萬里畫野分州得百里之國 其 重 門擊 柝以待暴客」 其法 治 成

旗、 說 五壓凡陣 合 丽 觀之上古結 法又皆始於黃帝則黃族 繩 而治。 後世 聖人 實一 易之以書契則倉頡之所作 強武 而優於政治組織之民族也再以易繁辭與世本之 也黃帝堯舜 垂 衣裳 而 天下治則

所作也。 伯 余胡 断木為杵掘地為曰則雍父之所作也弦木為弧剡木為矢則揮及夷牟之所作也殆並是黃 曹之所作 也刳木爲舟剡木爲楫則共鼓貨 狄之所作也服 牛乘 馬引 重 致遠則胲及 相 士之

帝之臣。 至作指南 車以克蚩尤則尤盡工技之巧是又見凡實用器物又皆自黃帝始創之若泰族之

育 制 作。 伏羲 其 性 L質义別。 審 地 勢以 命歷序 定川岳」則天文地理物類皆泰族所留意者尸子云「徐偃王好怪沒深水而 :「伏羲! 燧人始名物蟲鳥獸」 周 牌算經說 伏羲立周天歷度。 拾 遺記

£

大 六

易 得 怪 八 卦。 魚。 八深山 易 日 庖 im 得怪 **犠氏之王** 天下 也。 則 則秦族者一 觀 象於 天。 俯 富於研究思 則 觀 法 於 地。 觀鳥 考之民族 、獸之文與: 心。其 最特 地之 ~ 宜 近 別之制 取. 作。 身。

諃

遠 取 諸 物於是始作 易八卦以通 神明之德以類萬物之情」 則開發中國之文化 者肾秦族之功 也。

臣之 白 虎 (義夫) 通說 婦之道長幼之序於是百官立王道乃生」續漢志云「伏羲紀陽氣之 「伏羲因夫婦正五行始定人道。]則倫紀之敍始伏羲故新語說[] 民始知 初以為 有父子之親, 律 法。 侉 君

子 說 虚戲 簧。 作 九 九 (之數以合天道] 古史: 飾武。 考「 伏羲 禮樂兵器律呂算法皆創 制嫁 娶 以 儷 皮 (為禮。 世 本 泰族。 說 庖 犧 作 琴瑟。

人。 黄 帝傳醫經然帝王世 紀以為 「伏羲畫八卦所以六氣六府五藏五行陰陽四時水火升降得以

女

媧

作

笙

拾遺

記

說

- ¬

伏羲

造干戈以

則

自

神農

和

鄉濟

《百病之理》 得以 有 類。 乃答 万樂 而 制九 針。以 《極夭枉焉』』 是醫 術 亦爲秦族所 創。 卦驗云 篴

皇始 出。 握機 矩。 表計 宜。 其 刻 日 蒼 牙 通 量昌之成。 鄭玄 諸 儒 說 __ 握 機 矩 者。 言 法 北 斗 而 爲 七 政治

刻 天以 |者刻謂| 施 教 **冷**。 刻石而記識之。 醴 迹 尊 卑 所 由 是禮事政介圖典文字又胥起於遂皇非祇鑽木取火鑄金作刃之功 典 也。 表計· 宜者。 虚羲 本 遂 皇 所 作 計 演 之 圖。 思 洪 所 言、作 八卦 之 其

而 已伏羲承之又作易象為律法造甲歷製嫁娶而文化大昌則秦族者中國文明之泉源炎黃二族、。

之民 耭 越 族儼 而增華之遂人者又泰族 然一東方之希臘炎族爲長於明天 禮教之泉源東· 方文化之祖也比其同異論之泰族為長於科學哲學 **祥崇宗教之民族頗似印度黃族爲長** 於立法度制器

用之民族頗似羅馬也三朝記千乘云「東辟之民曰夷精以僥南辟之民曰蠻信以樸西辟之民曰

戎勁以剛北辟之民曰狄肥以戾」再以此三族之文化參之其各別之特性固彰彰甚明矣。 禮「倮蟲之屬三百六十而聖人爲之長」此以人類出於倮蟲倮蓋古初之類人猿抱朴子對俗

人。 大戴 云 一种皆不得傳於人僬僥僰人皆從人以西南民族有順理之性也夷從大爲古文人以夷俗仁東方。 **豈筱玃即所謂倮蟲者耶倮從人固以倮爲人羌爲羊種閩蠻爲** 獼猴壽八百歲變爲猴猴壽五 百歲變爲玃玃千歲變爲人形」呂覽察傳 **虫種務爲豸種獫狁獯猜狄爲** 獲似母猴母猴似

文化 犬 有君子之國也書契本於黃族自謂出於倮而聖人爲之長外此惟 故 也。 東北民族亦 得傳 於人以泰族之有文化故也。 西戎被甲 - 荷戈蓋亦: 西南民族得儔於人以炎族之有 以其為黃 族同 支固亦

人之徒 也。 足 見上 世民族即繁而於中國文化惟三族館共建之說苑修文篇 「夏后氏教以 心。而君

Ł 上古文化

古 .~ 甄

文而君子文矣小人之失薄救薄莫如忠」三統 忠矣,小人之失野救野莫如敬故殷人教以敬而君子敬矣小人之失鬼救鬼莫如文故局人教以忠矣,小人之失冤救鬼莫如文故局人教以 循環之義或即本於三族文化之殊尚思北方之 質

也。 人之智也此泰族之重思考貴理性之習也南方之強 此 黄族之崇實用 好剛 勁之習也尙敬南方之惑也此炎族之好逸豫信鬼神之習也。 與北方之強與抑而 強 奥亦明各方習俗文化 倘 文、 此 東 方

不同之意也蒙僖作經學導言論周秦諸子推論北方之學爲史學爲法家南方之學爲文學爲道家

東方之學爲六藝爲儒家儒家之學以中庸爲貴居於北人注重現實南人注重神祕之間蓋齊魯爲

中 國 兩 大民 族之間而文質 (彬彬 矣。 則

魯之 間儒學出焉不爲無故蓋夷俗仁徐偃王仁而無權此泰族: 原始之思 想也。 貴中庸、 則 後來

調

和

齊

於異 族之 之思想儒家· **《之學尙中**子 而 貴仁此固為善保持其原有民族之特殊精 神而又 善調 和於 異民

族之 兩極 端精 神而後產生之新文化也是鄒魯者既開化最早中國文化之泉源而 又中國歷 人文文

化之 重心 也。

王 湘 綺謂 「結繩爲繩形字母書」 廖師頗張其說蒙初頗以其鑿空疑之今考古文乃始信 其說不

二代靡有同焉夷吾焉記者十二則首無懷孜宓犧神農次炎帝黃帝則無懷以來悉有文字可 誣易曰「上古結繩而治後世聖人易之以書契」 黄帝之史倉頡始造書契者而封泰山者七十有。 知。

神農然稽諸易曰「上古結繩爲治後世聖人易之以書契」又曰「易之與也其於中古乎」 奠仲翔注 得著之豐碑巨碣是結繩之爲文字審也說文序「神農氏結繩爲治而統其事」以結繩之作起於

能 書」元命包「倉帝史皇氏名頡姓侯岡實有睿德生而能書及受河罽而創文字天爲雨衆鬼爲。 與易者謂庖犧」庖犧爲中古則庖犧以前爲上古是結繩當不始於神農淮南 子稱 __ 史 皇 生 Mi

植之流幷稱皇頡或云頡 禪 通 紀則倉頡固古之王耆而黃帝襲用其字耳結繩則。 皇愼到曰「倉頡在庖犧前」譙周說在炎帝世張揖以倉頡爲帝王生於。 更在其前明結 繩不始乎神農書契不 始 乎

夜哭龍爲潛藏治一百一十載都陽武終葬衙之利鄉亭」

是倉頡爲古之王者自蔡邕索靖崔瑗曹

黄帝。 而後 人歸之神農黃 帝者。豈炎族之字原於結繩黃族之字原於刻木耶晏氏類要以 「倉頡姓

侯岡 · 氏馮翊人」則倉頡之果屬於西北民族也然則伏羲之仰觀俯察始作易八卦以垂憲象則八。

桂 义泰族之文字也淳于俊説「伏羲因燧皇之圖以制卦」是泰族文字不始於伏羲而原自燧人。

七 上古文化

則文之從來舊也其種類則亦多也荀子解嵌篇曰「好書者衆也而倉頡獨傳者一也」許愼曰「五

頡。 帝三王之世改易殊體封於泰山者七十有二代靡有同焉」是則古之作書者非 可得而數者 七十餘人不可得而數者乃萬數此萬數者必有豐碑巨碣存焉可 知亦可見中國古 一家而傳者 惟倉

代王天下者之衆而文字類別之多也。

海東學者每言「印度以天產極豐可不勞而活故有印度之文化發生歐洲土地磅薄非勤勞無所

之重 得食故自然科學不興於東方不成於智力卓絕之印度人惟歐洲人獨能創之」則地理關於文化。 要如 此。 |荷推 此以究中國上古之文化亦 正相同史記貨殖列傳言「楚越之地地廣 人稀飯稻

羹魚。 或 火耕而水耨果隋嬴蛤、 淮以南無凍餓之人亦無千金之家」 不待賈而 足地勢饒食無飢饉之患以故皆呰窳偸生無積聚而。 方天產之富有似印度故文 心毛毛 多貧。

是故江 詩序 「苔屨刺褊也魏地陿隘其民機巧趨利其君儉嗇褊急汾沮刺儉也其君儉以能勤園 則南· 明亦 略似印度 有桃、

刺 溡 也。 其君國 小而 迫儉以嗇蟋蟀刺晉僖公儉不中禮山有樞、 刺 晉昭公有財不能用」 漢書 地 理

亦言「唐魏之國,其民君子深思,小人險陋」則北方人民所資於天產之薄頗似今日歐洲文明

忐

O T

心之日爾曼故其民 族精 神亦略類之貨殖列傳又言「泰山之陽則魯其陰則齊齊帶 山 海。 骨壤

邪。 千里宜桑麻人民多文綵布帛魚鹽鄒魯濱洙泗頗有桑麻之業無林澤之饒地少人衆儉嗇畏罪 又言沂泗以北宜五穀桑麻六畜地小人衆數被水旱之害民好畜藏」是齊魯物產視唐魏則優。

問 署 以 佃 以 視楚越則又遜炎族之生活爲農稼黃族之生活爲游牧已於前文明之而 漁。 尸子曰「 燧人之世天下多水故教民以漁虙犧之世天下多獸故教 易稱 庖犧作 民以 結 獵。 繩 गा 則 爲

泰 族之生活為漁獵三方原始之生活與環境既殊其發生之文明各異固必然之勢也泰族以漁 獵

山。 為生自昔卽往來於海上此其有似於希臘問甚顯著海東學者以 · 土地磽瘠。 食物不豐故多沿海行商於小亞細亞歐式文明之源實肇於此」而 「希臘文明之發生以其國 漢 書 地 理 志 小多 [] []

婚 地負 (海易鹵· 少五穀而人民寡太公乃通漁 鹽之利而 人物 幅凑华地陿民 衆俗儉嗇愛 财趨 商

賈。 西走 太昊之墟則秦 此 視 希 臘 之行 族 商 固亦 小細 別何· 、航海 如若 經商之國民 更觀泰族東來沿勃 也此又正似於 海經 希 臘 停而 行商於沿 闸 走 YT. 沙 淮っ 夫中國文化之發生 IH 答州 越海 經 各而

始於 泰族又自昔以魯地文化爲最高固不可謂非海道交通之力而地理之有關於文明亦可見近。

七上古文化

儒丹徒柳 先生謂 「中國古代文化起於山嶽無與河流」而主中國民族西元論者又謂「古代文

化 !自西而東」 法家者流此東方之北方文化道家者流爲東方之南方文化儒家者流獨行數千載義理實爲 皆與此篇所究旨趣不同者也三族文化之同異旣明則居今日而言東方文化自應

中 國文化之精華此正東方之東方文化也。 區別

黄帝· 有涿鹿之戰以定火災**顓頊有共工之陣以平水事共工** 復振滔洪水以薄空桑則水火之害並

是炎族所侍以爲戰故曰上古剝林木以戰也黃炎固用水火也而黃帝則披山通道未嘗寧居擾馴

猛獸以戰知古之有洪水之害者乃炎族之所爲有猛獸之害者乃黃族之所爲也孟子言「周公相

武 王誅紂伐奄三年討其君滅國者五十驅虎豹犀象而遠之。」呂氏春秋言「商人服象為虐於東

夷。 [公以師逐之至於江南**乃爲三象樂以嘉其德] 则驅虎豹**犀象者亦戰伐之事也周書世俘[武

王旣克殷狩禽虎二十有二犀十有二熊羆鼈塵等各如干然後命呂尚等攻般畿內之國」豈於時 逸於原野書序云「武王伐殷往伐歸獸識其政事作武成」凡言伐殷每連言驅猛獸。

伐之事左氏言「紂有億兆夷人」杜預云「兼有四夷」蓋服象為虐之東夷於時問戰於牧之野。

知 亦

遂暇

孟子曰「當堯之時天下猶未平洪水橫流氾濫於天下草木暢茂禽獸繁殖五穀不登禽獸逼人獸。

蹄鳥迹之道交通 於中國舜使益掌火益烈山澤而焚之禽獸逃匿」蓋驅猛獸遊牧之民。 **固莫善於**

之子曰柱爲稷夏以上配之周棄亦爲稷自商以來配之北人之效南人耕稼倘正 烈山 .澤水草竭而禽獸自去益則予衆庶稻仓種卑濕則北方於是去游牧而就耕種可知。 自益稷時始 心烈山氏 也。則

舜之平洪水驅猛獸獨非戰伐之事耶莊子敍古之王者有大庭軒轅祝融皆在伏羲之先則三族並

爭由來已久。 淮南 子謂女媧時「火爁炎而不滅水浩洋而不息」此炎族之爲害也又曰 「猛獸食顓

民黨鳥攫老弱」豈亦黃族之爲害耶女媧「殺黑龍以濟冀州積蘆灰以止淫水淫水涸冀州平狡。

蟲 當堯之時水逆行氾濫於中國蛇龍居之民無定處下者爲巢上者爲營窟。 死鼯民生」則女媧之中興泰族固亦嘗與洪水猛獸戰也路史以黑龍爲共工理或宜然孟子。 禹掘 地而 注之海驅蛇 曰

龍 而 放之菹。 此蛇 龍倘 亦 入 禍 耶洪 水池 濫 則 蛇龍 居之草木暢茂則 禽 一獸個 人。 舜之 再 興 秦族。

致 力典· 女 媧 同 也后羿再與泰族; 《其誅鑿齒 殺猰偷殺封豕断修蛇。 封豕 為樂正后夔之子伯封則 修

亦人也舜命 命九官而變龍朱虎熊羆並在朝列豈亦此類耶審知炎黃二族恆振洪水馴猛。

七

蛇之儛將

古 史 甄 微

稱者耶故秦族者武事恆劣於炎黃二族而文化獨盛其迹可驗也。。默以為暴而秦族惟結繩爲稠罟教漁獵以偪處其間說金文者以夷字爲從弓從矢此夷羿以善射獸以爲暴而秦族惟結繩爲稠罟教漁獵以偪處其間說金文者以夷字爲從弓從矢此夷羿以善射

七四

八虞夏禪讓

之匹夫乎堯不聽舉兵而誅殺鯀於羽山之郊共工又諫日不祥哉孰以天下而傳之於匹夫乎堯不 之難可以概見八伯可知者四人而四凶居其三驩兜共工皆炎族而放齊鯀爲之朋則其勢之盛又 **今我得地之道而** ĪIJ 皆王官其八伯唯驩兜共工放齊鯀四人而已其餘四人無文可知」則彼時共工之跋扈與堯應付 **吺共工求代乃分置八伯」鄭又注尚書云「始羲和之時主四岳謂之四伯至其死分岳事置八伯。** 工 謂蚩尤不死萬邦弭服」 龍魚河圖言「黃帝伏蚩尤使主兵以制八方蚩尤沒後天下擾亂黃帝遂蓋蚩尤形象以威海內衆 見也呂氏春秋行論「堯以天下讓舜鯀爲諸侯怒於堯曰得天之道者爲帝得地之道者爲三公。 在朝鄭玄注尚書大傳「堯時得義和命爲六卿掌方撒之事是爲四嶽出則爲伯其後稍死觴 不以我為三公以堯爲失論欲得三公怒甚欲爲亂召之不來仿佯於野以患帝舜 是蚩尤既被戮於中冀而其支庶遂服事 軒轅以制八方高辛唐虞之世共

又舉兵而誅共工於幽州之都」則鯀與共工皆處心於三公四嶽而反對禪天下於舜海外南經

注云「昔堯以天下讓舜三苗之君非之堯殺之有苗之民叛入南海爲三苗國」博物志亦同此說。 則三苗亦與 共工伯鯀同為反對舜之受天下者則四凶之罪於是得略見之也曰伯鯀稱遂共工之

過果伯鯀爲共工之黨耶。

皆不合經術壽王歷乃太史官殷歷也而汲冢書云「舜放堯於平陽益爲啓所誅太甲殺伊尹太丁 山 海海內南經說帝丹朱漢書律歷志說張壽王言「伯益為天子代禹驪山女亦為天子在殷周間」

殺 季歷」斯則奠夏禪讓其事多疑書言「無若丹朱奡罔水行舟用殄厥世」丹朱殄世則虞賓失。

位 可 知論語言 「奡盪舟不得其死」說者謂奡即丹朱而不得其死則舜之爲禪事亦足奇丹朱卽

·肯堯之九男豈無一才而必禪於有鰥在下而後爲快耶周·書殷祝稱「桀三致國於湯一徙於不。

齊(當即不其山)再徙魯三徙南巢然後湯即天子位」而儒家皆曰成湯放桀武王伐紂豈尚書言。 書言桀陽之事耶檀弓曰「舜葬蒼梧之野二妃未之從也」鄭玄注曰「舜征有

苗而死因葬焉」淮南子修務訓「舜南征三苗道死蒼梧」水經注云「大舜之陟方也二妃從征。 **虞夏禪讓亦猶周** 八埃夏禪讓

之族呂氏 天之罰若予知 裸國、 猜忌 有苗之 八十三 年 五 召 禹欲伐之舜不許、 穴。 溺 有 類 年命 T 於 苗 爲 此 篇 湘 可 2 叛禹不往 變 氏 I. 知。 夏后 日 干 而 春秋「 叛。 且 胡 薦 戈 **湾九十五** 既率 服之 舜不 舜 俶 列 足見終舜之世。 征 有 却 擾 女傳亦同夫二妃既從征以死乃不 之際則 ·使禹往 禹入裸國裸入衣出因也」是裸入裸國以從其俗又作苗舞於兩階自貶以求合 齿。 日渝 例。 有苗。 爾臺對諸羣以征有苗」 征。 淮 m 南 墨子 教 更易 而使 百歲耄耋之君深入倮<u>曹之域者何耶</u>。 猾 子 征 禹之受禪 **亥其俗」而至 冯攝政攝** 以 有 未及也究論 而 兼 苗之亂 舞 自征之以崩 愛篇 干 挧 稱 於 不息戎馬尔 於 舜又自伐 政五年有苗氏 洞 教焉 禹日 兩 庭之野豈從容 此又 階七 於蒼梧。 W 濟 **|| ′ ′ ′ ′ ′ ′ ′ ′ ′ ′ ′ ′ ′ ′ ′** 有苗者 使伯 旬 濟 有苗氏請服。 則又何耶。 有 能葬蒼 有 衆成聽: 两伐 出 叛南征崩於鳴條」舜年九十五、 何耶舜 格 揖 暇 爲 有古者又何也。 梧而死於湘江蓋軍覆身亡伉儷不 讓 於禮 禹 其措施先 朕 」此舜之不欲禹伐 說苑君道日 以 事。 言。 售 成之帝 義 非台 則 自伐 禹 也。 後之矛盾。 之也。 小子。 趙武 固 王 不 既使禹伐有 世 竹書 敢行 惜 靈王 當舜之時有苗氏不服。 紀 用 以 蓋原 有苗 夷 舜 稱 紀 變 舜 亂。 年 年 夏。 舞 於其 西巴攝 苗。 蠢茲 也呂氏 帝舜 八 以 禹攝 有 -有 和 苗、 君 三十 苗。 用 共工 春秋 臣之 禹 政 政則 能 卽 袒 五 同 真。

於炎族。 正期以遂其志也荀子議兵篇又言「禹伐共工堯伐驩兜」呂氏春秋「堯戰於丹水之浦

以服 南 量。 蓋又伐共工伐三苗舉兵而誅鯀莊子堯問於舜曰「我欲伐宗膾胥敖」 叉曰 昔者

堯攻叢: 枝 **肾敖國爲虛厲身爲刑** 数。 則堯之時亦戰伐不已未追寧居若山海經之屬記 禹之攻伐

猾 不勝舉則虞夏之間其兵戈擾攘而生民之困阨可 知若曰百姓昭明協和萬國黎民於變時雍或。

不免鋪張揚厲之辭乎。

孟 子日 「昔者堯薦舜於天堯崩舜避堯之子於南河之南天下諸侯朝覲者不之堯之子而之舜舜

薦 禹於天舜崩禹避舜之子於陽城天下之民從之若堯崩之後不從堯之子而從舜也禹薦益 於天。

禹 崩。 益 避禹之子於箕 山之陰朝覲訟獄者不之益而之啓」蓋帝丹朱與舜幷爭而 帝。 而 諸 侯歸舜。

伯 益 與 (啓爭) 而爲天子而諸侯歸啓此虞夏間揖讓之實其關鍵乃在得失諸侯也括 地 志云 故堯

城 在濮 州郵 城縣東北十五里竹書云昔堯德衰爲舜所囚也又有偃朱故城在縣西北十五 重 聖 竹書

云舜 N .堯復偃塞丹朱使不與父相見也按濮州北臨漯大川也河在堯都之南故曰南. 河。 **西貢** 至于

怕 河是也共偃朱城所居即舜讓避丹朱於南河之南處也」史通疑古稱「書云某地有城城以囚

八

堯爲號」 當是說堯城事則所謂天下諸侯朝覲者不之堯之子而之舜其實問以舜之囚堯而偃朱

也 五帝三代其得天下則以 得諸侯失天下則以失諸侯。 五帝本紀言 「神農氏 (世衰諸侯) 相

軒 轅 乃 修德 振 (兵以與炎 帝 戰 於阪泉之野三 戰 然後 得志。 此此 炎黃二 一族之爭 諸侯 人也夏之衰之 帝

征於是軒轅乃習用干戈以征不享諸侯咸來賓從炎帝欲侵陵諸侯

諸侯

咸

歸

軒轅。

而

輔

農氏

弗能

于. 世 **東觀兵至於孟津不期** 言一 諸侯咸叛桀附湯同 而會者八百諸侯」此三代得失諸侯之最顯著者也衛宏言 日貢職者 五百國」商之衰周本紀言 「諸侯多叛紂而往 帝摰 歸 两 在位 伯。 武

九 年 政 微弱。 而唐侯德盛諸侯歸之擊服。 其義。 乃造唐朝而致禪」 夏本紀言 ۱... 啓滅 有扈氏天下咸

朝 夏后。 此皆以 力戰 而 湯諸侯自弘 孔甲 以 來。 夏后氏德 衰諸侯多叛夏桀不德 而武 傷 百 姓。 盖 桀亦

咸 欲 뎲 力 般褒 戰 以 致諸 侫 -稱太宗 者太甲 願覆! 湯之 典刑。 **衰諸侯不** 伊尹 放之於 至。 一太戊修德。 桐。 伊尹攝 行 政當國 與諸 以 朝 之。遠 諸侯。 太甲 修 徳。 至七 諸侯

國。故 冷木太 稱 中宗帝陽甲之時殷衰自中丁以 ifi 至雍己而 般道 來此 九世 L 亂諸侯 : 般復 莫朝至盤庚行湯之政殷道衰 侯歸 方重 譯 而 復興。

諸 侯 浆 朝。 小 辛 立。 般 復衰子武丁立思復與殷修政行德天下咸讙殷道 復與稱 信高宗子二 子曰 武丁

1 處夏禪讓

侯有天下猶運之掌」此般之衰也以失諸侯三宗盤庚之與也亦以能朝諸侯則伊尹放太甲、

於桐攝政以朝諸侯是亦殷之一衰乎禮記明堂位曰「 周 公朝諸侯於明堂之位天子負斧依 南 向

而 公屏成王而反武王以屬天下履天下之籍聽天下之斷偃然如固有之。」尸子韓非並云「周公 立。 鄭玄 日 周 公攝 王位以明堂之禮儀朝諸侯天子周公也」荀子儒效言 五武 王崩。 成王幼。

旦假 周 爲天子七年」 淮南7 子氾論訓「周公職文王之業履天子之籍聽天下之政負展」 而朝諸侯」

伊 是問 尹之見殺周公之奔楚可 公固嘗踐作稱天子故君奭篇序云「召公爲保周公爲師。 '也秦本公 紀正義稱傳云「昔穆王巡狩諸侯共尊偃王」 相成王爲左右召公不說」 魯連子 則伯益 共伯

名 和。 好行仁義諸侯賢之周 厲王 無道國人作難王奔於彘諸侯奉和以行天子事」 則宗周之嗣於

是不 幾於斬耶魯世家說「周公東伐二年而畢定諸侯咸服宗周」 蓋周人於管蔡之亂嘗一失東

諸 侯。 周 本紀言 ___ 厲王時諸侯不朝至宣王時諸侯復宗周」 周自文王受命至宣王中與 蓋三失諸

侯。 得 諸侯 也張 壽王言 「驪 山 女亦 爲天子在殷周間」 秦本 紀申侯言 「昔我先酈山之女爲戎

胥 妻生中滿以親故歸周保西 垂」蓋中潏生蜚廉蜚廉生惡來父子俱以材力事紂此正殷周問

之酈 山 .女或亦乘殷亂保西垂之諸侯比於徐偃共伯之僭差耶至於春秋之世列國爭爲盟主尤爭。

諸侯之彰明較著者也則虞夏伊周之爲聖人連得間也。

韓 非子外儲說「禹愛益而任天下於益已而以啓人爲吏及老而以啓爲不足任天下故傳天下於

益。 而勢在啓也已而啓與友黨攻益而奪之天下」是禹傳天下於益而實令啓自取之則所謂朝覲

訟獄 者不之益而之啓其實固以啓之攻殺伯益 心淮南子齊俗訓說「有扈氏為義而亡」高誘曰

問云「啓代益作后卒然離籃」又曰「何后益卒革而禹播降」皆以見益之嘗踐大位天問又云「該 有扈氏夏啓之庶兄以堯舜舉賢而禹獨與子故伐啓」有扈蓋深不滿於啓之殺益者也楚詞天

秉季德厥父是臧胡終弊於有扈牧乎犬羊」又曰「有扈牧豎云何而逢擊牀先出其命何從」說

者謂 有扈爲啓所敗啓親臨有扈之牀擊而殺之」屈子亦深致惋惜於有扈者也而書曰 有扈氏

威 海 五 行怠棄三政天用剿絕其命」 其可以爲紀實之言乎。

稽之山。 戰 國策 「禹攻三苗而東夷之民不赴」見東夷之不和融於夏也墨子「禹東教乎九夷道死葬會 舜以經營三苗而死蒼梧禹以經營九夷而死會稽其事又頗同可以見有夏一代之勤事

八、陝夏灘譲

夷。 實自 禹始 心魯語 禹致 **羣神於會稽防風氏後至禹戮之」是當時周有梗命之防風而**。 禹 亦

略 九 事攻伐· 也吳與記曰「 吳與 西有風諸 山 一 日 風 山。 有風公廟古防風國 也。日 風 山。 一曰風 公則防

風 於 古 本為風 姓而羲皇之後 也孟 子曰 舜 生於諸馮遷於負夏卒於鳴條東夷之人也」 則 九 夷

之叛夏人誠不 縞 無故論 語 日 「舜有天下選於衆舉臯陶不仁者遠」王吉說「堯舜不用三公九 為心

卿 而 舉阜陶」古史 考一 **鼻陶舜謀臣也舜舉之於堯堯命作士主刑。** 以見舜之親所撥拔以

膂者惟皐陶耳帝王世紀言,「臯陶生於曲阜曲阜偃地故賜姓曰偃」(偃或與奄通)是皐陶者亦 夷之人故舜特舉之淮南子兵略高誘注說「堯以楚伯受命滅不義於丹水」堯之與資於楚舜

之與 東 也、 資於 九夷乎大戴禮王言說 「昔者舜左禹而 右 皐陶。 蓋阜 陶嘗與禹並 夏本紀言

[5,ts] o 而皋陶卒後舉益、 政。 禹之所畏夫其 也管

帝禹

日 nii 舉皐 舜禪 夏禹 薦之且授政焉 於 洞庭之野」 蓋即 方征三苗時 一授之 也禪 是鼻 讓之典奚必於是時行之而伯益 一陶者伯 死或 又以殺聞。 有說

則 舜 益 皐 陶之死同一可悲而九夷之攜貳於夏誠 有所憾而 然也。

子

立

列 女傳 「皐子生五歲而佐禹。 .」曹大姑注云「臯子臯陶之子益也」中候苗與云「臯陶之苗爲

秦。 史記 **固以秦爲伯益之後是伯益固臯陶之子也秦本紀「大業生大費」音義以** 大業是臯陶。

。撰 大費是伯益一名柏翳鄭玄詩譜「堯時有伯翳者實臯陶之子佐禹治水命爲虞官掌上下草木鳥 則伯益爲臯陶之子不疑韋昭說「伯翳舜虞官少皥之後伯益也」史記伯翳舜賜姓嬴氏古

粉能 皇天嘉之祚四岳國賜姓曰姜氏曰有呂」鄭語「姜伯夷之後也」齊世家「呂尙其先祖嘗爲四岳。 史考 議 曰「窮桑氏嬴姓也」說文「嬴少昊之姓」漢書地理志亦然則伯益臯陶者固少昊之胤 百物以佐舜主草木鳥獸此本泰族所優 為者也周知 語 共之從孫四岳長帥諸侯助禹治· 心也的 水。

與 佐禹平水土封於呂或封於申姓姜氏」陳涉世家則言「伯夷之後至周武王復封於齊」 四 括 一家耳譙周 曰「炎帝之裔伯夷之後掌四岳有功封之於呂」潛夫論氏族志 一伯 克為美。 是伯夷

四 氏 岳之祀述諸侯之職」 岳 日有呂」鄭駁五經異 卽 伯 夷 也。 書日 「伯夷典 義 蓋以伯益能禮於神故以之典三禮而掌四岳之祀蓋祀神固炎族之事而 堯賜伯夷姓曰姜」世本「 朕三 禮。 馬 融說 天神 地祇人 祝融 曾孫 鬼之禮」毛詩說 生伯夷封於呂爲舜四岳」是: 姜氏爲四岳掌

伯 夷 爲四 岳問優爲之也旱陶伯益之死事若可疑而呂之在夏與國同休則舜死蒼梧禹死會稽三

| 吳夏禪證

四

M

族恩仇庶可思而得也。

中候 諒爲大國堯典舜命九官伯禹作司空契作司 握 河 紀 堯斯封稷契皐陶賜姓號」考河命 徒。 女傅 「舜餌賞有功稷契臯陶益土地」 「以 棄長大事堯位 至 司 馬。 鄭 玄 說 於時

作 司 馬。 天下 **猶以** 后稷稱焉」是禹契后 稷 問 唐虞]間之三 公也淮南子「 堯之治天下 也。 一舜爲 司

契爲司馬禹爲司。 · 空」尚書刑德放「· 益爲司馬高爲司 徒禹 為司空」唐虞問之三公茲 五人者 更

选為之其位望相擬可知鄭玄於稷契臯陶益土地注云「稷契公也三人皆先封舜加其 〈封地」夫

三公之封自爲大國而舜又益其地此孔穎達所謂 特加褒賜如周之賜魯衞是也封契於商。 封稷於

部。 子孫 幷大顯於後而臯陶 之封國 乃無聞焉姓號亦不可知· **业記日「皐陶本封皐陶之後於英六。**

或 在 許。 而后 舉益、 任之 政。 益之 封國 亦不可知竹。 書紀 年以為 姕 侯者 譌心 豊以 啓攻殺 伯 益。 而少

昊之後遂微耶秦本紀說「 伯益子孫 或在中國或在夷狄」 則伯益嗣 裔其衰之甚可見也中國顓

於唐舜之先虞幕受封於虞是後遂宅都於晉而漸以西侵唐虞之際契稷上公大國幷在岐雍則自。 項以 前。 帝王多宅都於 八魯自封顓頊 項於高陽在開封。 對帝嚳於高辛在歸德是後途宅都於衛堯受封

土地又不及伯禹夏有天下而臯陶之後乃大微虞夏君臣之間彼其猜妨之情問燎然若此也。 大建契棄於商部也然禹自西夷之人固宜使代絃爲崇伯於岐雍乃又別封之夏何耶稷契臯陶益 上世以來由黃河下游途以次侵入上游也蓋旣封四岳於呂以奠南方則黃族之發展自應西進而

弤 徽

九 夏之興替

息中 書日 訓傳言「姜氏爲四岳掌四嶽之祀述諸侯之職」 韋昭說「陶唐皆國名猾殷商堯居唐在晉陽」續郡國志曰「濟陰定陶古陶堯所居」 之亳乃衛之亳國語所謂「紂踣於亳」左傳所謂「燕亳北士」是也帝都至是始自魯而徙於衛。 **顓頊都穹桑徙帝邱葬濮陽水經注說「帝偕都亳殷葬濮陽」殷謂** 河 工已北上至幽陵黄族則退保冀方以避之也史記貨殖列傳言「唐人都河東殷人都河 而誅共工於幽州之都」谷永奏曰「堯遭洪水之災天下分絕爲十二州」可見其 南。 堯作 國途得安輯無事段王裁說「左傳言太岳亦言四岳亦言四伯皆謂一人非謂四 」自是而 「惟彼陶唐帥: 游 成陽一師古目 一河亦途爲政治軍事文化之中心也**方是時炎族亦於累戰之餘退保**南服休 彼天常有此冀方。 「堯嘗居陶後居於唐」於後舜居蒲坂禹居晉陽帝都至是又徙於晉夏 蓋於時炎族北侵故堯舜皆退保冀方耶韓 蓋四岳長帥諸侯佐禹治水命以侯伯氏曰有呂。 河北之鄴則借都之亳非偃師 時水害方烈共 非說 【人」毛詩故 內周 貨殖 堯舉兵 養生 冽 傳

則 幾於天子之副貳也許愼說「太岳佐夏呂叔作藩俾侯於許世祚遺靈」伯禹率乎北太岳帥 乎

南。 嚴然各有天下之半白虎通義言「昆吾夏伯也夏道中微昆吾爲主盟誅不從命以尊王室」左

氏 昭十二年傳 「昔我皇 **祖伯父昆吾舊許是宅**] 世本昆吾爲夏伯「夏衰遷於舊許」蓋是 時 有呂

亦衰上無天子下無方伯故遷昆吾於許代呂作伯而夏遂以大定也周書嘗麥解云亦衰上無天子下無方伯故遷昆吾於許代呂作伯而夏遂以大定也周書嘗麥解云)之五子忘伯禹之命假國無正用胥與作亂遂凶厥國皇天哀禹賜以彭壽思正夏略」 「其在殷(當 竹書

紀 作 华 啓 帝啓十一 年放王季子武觀於西河十五年武觀以西 河叛彭伯壽帥 師征 西 河武觀來歸」

龍。 則 夏初 定天下以呂帥南服以彭奠東夷此事之彰明 較著者· 但海內經 伯 夷父生 西岳。 凼 岳

生先

」此之西岳卽四岳之呂也豈彭稱東岳而呂稱 西 岳 耶。

之重 左氏 |昭元年傳「虞有三古夏有觀扈殷有侁伾周有徐奄」三苗徐奄幾危王室則觀扈侁伾所係 也。 旦之命。 、有扈氏戰。

陳 Ĩij imi 不服。 知 黑子明· 禹於是修 鬼引 数二年 馬誓日 illi 有尽氏服」則 日中吾與石扈爭一 有屆之強可見也。 說苑正 召氏 春秋先己篇[夏后伯啓(今 理言 一
昔
禹 與

本作夏后 相。 此 從御覧校 正)與有扈戰於甘澤而不勝六卿請復之夏后伯啓曰不可於是乎處不

九 夏之與

古史甄微

重 席。 食不 九 味。 親親長長尊賢使能期年 而 有扈氏服」 夏本 紀言 啓滅有扈氏。 天下: - 咸朝夏后。

克之括地 蓋夏幾以 志云 有扈之亂失天下而其 雍 州南鄠縣本夏之扈國 兩世服 有扈义岩斯之難 也。 水經 注云「淇水又北逕頓邱縣故城 也。 則武 觀之未易 奥 **八亦可見賴衫** 《西古文尚· 彭 伯 而 書 僅

以為 觀 地 矣。 淡書 地 理 志 東郡畔觀縣 應劭 注 「夏有觀扈」 是后啓在位。 西 則 有有 扈東 則

飲 有武 食。 將將 恕 見國家之多故也淮南 。 銘莧磬以力湛 濁 於酒。 子以「 渝食 有扈 於野萬舞翼翼。 為義 而亡。 (彰聞 墨子稱武 於天。 天用 觀之書日 佛式。 此 __ 啓乃程溢康 則 武 觀 機啓之罪。 樂。野

皮

於

鹿門說「 啓之康娛 自縱略見於墨子竹書紀年山 海 經離縣天問諸書 啓則失道故屈子墨子皆以

爲譏。 以古書考之則 啓亦非賢 主孟子以爲賢者爲世 立教耳。 是方啓在位夏道即衰賴大彭作伯。

乃僅 左氏 昭 保 其 四 年 麗 祀 傳 以 也太 夏 岳作 啓有鈞臺之享與 伯 於許以奠南服彭壽作伯 商湯 有景 亳之命周武 於彭以奠東藩則夏人之所 有孟 津 之誓、 並論。 則 其 經 事 略 所 者。 系 惟 之重 北方 耳。 也。

啓元 稲 藏 年大饗賭侯於鈞臺諸侯從帝歸於冀都」則夏人惟經略北方固足驗也。 易日 夏后啓筮享神於晉之虛。 為作 瑢臺於水之陽。 則 (鈞臺 之享固在晉虛竹書紀年「帝

スス

夏自太康失邦至少康紹國向百年則夏亂甚矣左氏襄四年傳說 「有夏之方衰也后羿自鉏遷於

窮石。 因夏民 以代夏政」括地: 志云 「故鉏城在滑州章 城縣。 晉地 記云 河南有窮谷蓋本 有窮

子伯封實有豕心貪惏無饜忿類無期謂之封豕羿滅之」博物志曰「羿與斃齒戰於疇華之野羿持 氏所遷也」是夏之中衰有窮氏自東方而侵入河南以偪夏都左氏昭二十八年傳「樂正后夔之

弓鑿齒持矛羿殺之」羿固嘗以武力征服四方者淮南子曰「羿除天下之害死而爲宗布。 二、太康

畋 於有洛之表逸豫失德而羿距之於河此亦除害之謂乎許愼曰 「羿帝譽射官也」 帝王 ##:

帝羿有窮氏未聞其先何姓帝嚳以上世掌射正至嚳賜以彤弓素矢封之於鉏爲帝司射歷戊夏」

山 海經海內經第十八云「帝皓賜羿彤弓素贈以扶下國羿是始去恤下地之百艱」此帝皓時之

羿也。 淮. 南 子曰 「堯時十日並 出堯命羿仰射十日中其九日」此堯時之羿也因民弗忍距太康於

河此太康時之羿也逐相 而代夏政恃其善射不修民事、 而淫於原默寒浞殺之此 元帝相時· 之羿也蓋

有窮 氏 之稱郛亦ূ 九黎氏之稱蚩 光尚非一 世一 人荀子君道「羿之法非亡也而 **翼不世中** 一贯逵

說「有窮歷唐堯及夏拜以羿為號」蓋或則以仁得之或則以暴失之。因足見也左氏襄四年「寒

九

浞、 伯 阩 氏之讒子弟也伯明后寒棄之夷羿收之以爲己相浞行媚於內施賂於外愚。 弄其 民而虞狎

因 于 **野宝不改** 田樹之詐慝外内咸服羿猶不 有窮之號生繞及豬」孟子曰「 後將歸台 自田。 逢蒙學射於羿盡羿之道思天下惟羿爲愈己於是殺 家衆殺而 烹之以食其子其子 不忍食之死於窮門浞

灌以 遠 羿」楚詞注以爲「浞使家臣逢蒙射而殺之」則所謂家衆殺而烹之者逢蒙也則浞之兇殘浮於羿。 也。 伐 蓋相爲界所逐失國依同姓諸侯斟灌斟鄩於時夏祚尚可茍延左氏哀元年「 掛 『尋滅夏后. 和后緡 万娠逃出自資歸于有仍生少康焉爲仍牧 正澆使椒求之逃奔有虞爲 **昔日過澆殺掛**

斟 乙庖 而 滅之澆用質 E. 1111 邑 諸論。 師 滅斟 是亦 灌及斟尋處澆於過處豷於戈若中國之畢歸於寒浞幷少康之為 寒浞之虐遠過夷羿羿之代夏后 相二斟尙保東土浞之代羿則幷后 仍牧 正。而 相二

必 使椒 求之見夏之不可幸而存 也。 浞恃其讒慝詐偽而不**德於**民夏遺臣靡自有鬲氏收二國之

不失 燼。 波 售物。 浞 而立 顧 少康使女艾諜澆滅澆於 炎武 日 觀當日 I之形勢而: 過使季杼誘豷滅豷於犬有窮遂亡於是復 少康 亦 難乎 其為 力矣」魯語曰「 杼能 八禹之績。 帥 禹 者 心配夏配天。 也。 放 夏后

·氏報焉。 自杼之滅豷而有窮支屬誅除盡 也豈夏之中 與而杼之力爲獨多耶日知錄云 太康畋

九〇

於洛表 而羿距於河則冀方之地入於羿矣惟河之東與南爲夏所有至后相失國依於二斟於是使

澆用師 南 國其時靡奔有鬲(今德平縣)在河之東少康奔有虞(今虞城縣)在河之南蓋少康中與亦以得 殺掛灌以伐斟尋而相遂滅乃處澆於過(今掖縣)以制東方處豷於戈(在宋鄭之間)以: 控

河東河南之助然後能復禹之續也」后羿自鈕遷於窮石問來自東方而徙於河南者左傳奠箴稱

帝夷羿亦見羿之爲東夷而帝者路史稱夷羿有窮氏偃姓則羿誠東夷而臯陶之族秦族之胤也伯

陶 靡之奔有鬲應劭曰「鬲偃姓臯陶之後也」是夏之亡也以臯陶後偃姓之有窮其中與 .後偃姓之有鬲蓋寒浞旣殺夷羿而滅夏后 相姒偃兩姓幷亡則有鬲之合二斟以滅寒浞即姒偃。 心又以阜

兩姓協力復國以復興夏道勢必然也夏本紀言「帝中康時義和淫湎廢時亂日允往征之」孔傳云

羿廢太康而立其弟中康爲天子」帝王世紀言「仲康微弱政出於羿」則允侯之帥六師征羲和固。

羿之假天子以介諸侯耶尚書大傳言「堯時羲和命爲六卿掌方嶽是爲四嶽出則爲伯」 夫呂問

侯伯 也。 制 四嶽 也亦即義和 也則此之征羲和卽爲征 有呂可決也呂與義和固同爲炎族之胤羿旣

代夏又伐羲和 以弱炎族有呂之衰不能爲霸豈以夷羿創之而然耶楚語「堯育重黎之後不忘舊

使 復典之是爲羲氏和氏」堯之義和卽侯伯則顓頊之建重黎亦宜爲侯伯上推共工宿沙蚩尤

之霸、 亦此例乎皆以之帥 乎南方民族者也周語稱 「王無亦鑒於黎苗之王」則九黎三苗問 亦王

於南土而黃族惟以伯祖之耳。

為夏霸也」風俗通義述左氏傳曰「夏后太康娛於耽樂不循民事諸侯僭差於是昆吾氏乃為 白虎通義言「 昔足吾氏霸於夏者也大彭豕韋霸於殷者也齊桓晉文霸於周者也」 鄭語「見吾 盟

紀 主 盟 华、 東 帝 土面羿使爲伯以 相元年居商邱九 年 柔緩之。及相爲羿逐徙居商邱(當作帝邱)商邱在 机 居於斟灌則又依 (於夏同) 姓諸侯斟灌斟 鄩 也。 衞蓋 自 相 依於昆吾也竹書 居 商 邱以 **後夏即**

主。誅

不從命以尊王室」

是夏自太康失政四方皆叛紀年仲康六年錫昆吾命作伯則以昆吾勢強。

大 **有事於九夷其初或假昆吾之力以誅不從命及有窮旣滅王室已寧帝廑元年徙宅** 西河四年而

昆吾 遷於許自北以徙於南蓋方夏之中衰昆吾作伯於東以屏藩王室及夏道中興則東土之事王

室徙宅 作 於衞。 西 機彭伯以鎮 河 |自專之南| 東夷復徙霸於許繼呂侯以鎭南服則昆吾誠大有造於夏也由汲冢紀年觀。 國之事則徙昆吾於許以任之以備 方城漢水之間夫自彭呂之衰昆吾始則

之有夏一代皆勤事於九夷其迹昭然若揭蓋帝相元年征淮夷二年征風夷黃夷十七年于夷來賓。

諸夷賓於王門再保墉會於上池諸夷入舞帝桀三年畎夷入於岐以叛後漢書言 少康二年方夷來賓帝芬三年九夷來御帝泄二十二年命大夷白夷玄夷風夷亦夷黃夷帝發元年

德。 夷 人始 叛后 相卽位乃征畎夷七年然後來賓至於后泄始加帝命少康之後世服王 一化遂賓 於王

「夏后氏太康失

門。獻 會有絕叛之商紂為黎之蒐東夷叛之」蓋夏商二代之勤事九夷也如此水經注「亢父故城两夏。 其樂舞桀為暴虐諸夷內侵」 |則夏后一代之專致力於東夷可 知也昭四年傳說「夏桀爲仍之

后氏之任國也」漢書地理志言「東平國任城古任國風姓」任仍古通則又見交通九夷即懷撫

臣靡、 風 姓。 此九夷即泰族之佐驗也寒浞滅夏后 國之爐滅寒浞而 立少康應劭以二國 相后稱方娠逃歸有仍而生少康蓋緒任俱風姓及夏遺。 北海郡括

於青 州是少康之復國 收掛灌掛那二 中 M. 知义 有賴於東人之力也紀年帝桀元年 均在 帝即位居斟鄰是其尚 地志亦以斟灌掛所俱因 徘徊 於

東土。 說苑權謀篇「湯欲 伐桀伊尹請阻乏賁職以觀夏動桀怒、 起九夷之師湯乃謝請服明年又不

買 、桀怒起九夷之師九夷之師不起湯輿師伐而殘之。」桀有九夷之助則足以威商失九夷而夏

亡九夷關於夏之興亡若是其重則於時泰族之強可見也。

書序 自 契至于成湯 八 、遷湯始居言 毫從 先王 居。 般 本 紀 亦 间 此 說鄭玄: 以 契 本封 商國 在 太 雄

之陽爲戰國商於之地」 皇甫謐謂 「今上洛商」 此契之始封一也世本「契居蕃」 注云 在鄭

西卽巒城」今華州 也水經渭水注 「巒都城北故蕃邑殷契之所居」此契之新都二也中候 考河

命 日「稷契皐陶 益土地」注云 「三人皆先封舜加 其封 地。 鄭玄箋詩云 「始堯封之商 爲 小 國舜

之末 年 乃益 其七 地為 大 國。 則契之遷蕃自以 益 封斥 大國 土之枚 丽 徙 也也本 昭 明 居 砥 石。復

遷商。 荀子: 放 相 繑 亦 同楊倞以云 砥石 卽 砥 柱。 此三 遷四 遷 也周 本紀 「不笛末 **介年夏后** 氏 政衰。 去稷

不 務以失其官而奔戎狄之間」章昭謂當「夏太康失國」契稷皆處夏宅西大國不窋之奔戎狄昭。

明 之播 遷殆皆以, 太康失國夷狄交侵也左氏襄九 年傳 「閼伯居商邱相士因之。」 世本 日 相 士

时。 此 五 遷 也汲 冢古文夏后 相十一 五 年 一商 侯 相 土作 乘 馬遂邀於商 邱。 鄭玄箋 詩 說 相 士

徙

商

居 夏后 氏之 世承 契之業入爲王 官之伯出長 **以諸侯其威**。 武之盛 型烈烈然四次 海之外率服。 截 阚 整 齊。

干. 肅 說 「相土在夏爲司馬之職掌征伐也」蓋夏后 相為后羿所逼出居商(當作帝邱)邱而相士

專 征作伯途遷此閼伯之虛於時 也。 昆吾霸於衛相土霸於商正夏人播遷顚危之際汲冢古文芒三十 司空。

勤 三年 其官 事死於水 商 侯 遷於 中殷人郊之」各語 般。 此六 遷)世本 冥勤其官而水 相 土 居 商 邱。冥 死」韋昭說「冥根圉之子也爲夏水官。 往治 扪 水子亥 遷 般。 宋衷 日 冥為

紀 年少 康 十一年「使商侯 冥治河帝杼十三年商侯冥死於河」 蓋以冥之治水而子亥途扶植其

勢 臣 殺 於 Wi 北 放之十六分 方有事 於河、 年般 Im 遷國 Ŀ 甲 微 於殷也紀年夏帝泄十二年 假 師 於河 伯 以 伐 有易滅之殺其君 「般侯子 綿臣。 亥賓 、於有易一 山 海 而淫焉有易之君綿 經 亦 說 有易 殺 E 亥

取 僕牛. 中葉衰而 Ŀ 甲 微復 興故殷人報焉魯語曰「上 甲徼、 能帥 契者 也般 人報 焉。 帝不降三十

方。 五 出 年殷滅皮氏皮氏於漢屬河東路史云上甲居鄴是殷在鄴也東滅有易西。 爲 二大強國的 故 日 能 帥 契者也紀年孔甲九 年 「般侯復歸於 商邱。 世 本 滅皮氏大振聲威於北 亦 日 子亥遷般孔

甲(上 下當有脫文) 復歸 商 邱。 此七 遷也孔 甲 元 年廢 **及豕韋七年** 遷劉 累此 所謂 孔 甲 亂 夏 者 也。

以 誻 **哈侯悉懼** 勢強 Ifii 规 而 収夏之天下耳是商人初封於西至相土乃東徙於宋至王亥乃北入於河後復還於宋。 般 人 畏 以其暴乃 棄 河 復歸 於商 邱 以 避之耶。 帝 桀 九 年 商侯履、 遷於 亳。 此 八 遷 也則

一之與贅

九

至湯始居亭是八遷者皆以其國勢強弱之故而遷徙往來也張守節以「湯卽位居南亳後徙西亳」

說 者 或以 此 當二遷然史記書序言八遷斥湯初年事非謂後徙西亳也商君 書賞刑篇 昔湯封於

方 百 里」不審問 卽 爲 商 邱 爲 毫耶。

附 老 詩譜子「武 Ŧ 伐紂。 ガ以 陶 唐氏 火正閼伯之墟封紂兄微子啓爲宋公」宋 封 商邱。 於漢

爲雌 陽左氏襄九年傳「昔陶 唐之火正閼伯居商邱相土因之」服虔說「湯始祖相土封閼伯

之故 地。 是相土閼伯并在宋 也左氏僖三十一年傳「衛遷於帝邱衞成公夢康叔曰相奪予享」。

陽。 三 左氏 地各 昭十七年 別世本 傳 說 日 __ 「衛顓頊之虛 相 徙帝 :邱於周為 血」此后! 衛。 此不 相顓頊幷在衛也據鄭玄說契封商又別在太華之 訛其說 __ 相 土徙 商邱。 本 顓 瑣之虛。 则 混

邱 而一之宋衷注 白「相 土就 契封 **於商**。 叉 混 商 與 商 邱而一 之。 道元

注 瓠

子

河

以

顓

帝

团

商

項、 伯相土昆吾衛成公五同居」 皇甫 士安亦然遂譌誤不可考也盤庚遷殷在鄴上甲徼亦居

鄴。 故 日肇 復先王之大業先王斥徼 而言在河北也。

呂氏 春 秋愼大覽「末嬉言日『今昔天子夢西方有日東方有日。 1兩日相關。 西方日勝東 方日不 勝。

叉繞 伊 尹 夏桀之居, 出 以告湯故令師從東方出於國 桀 西。 |故桀败| 左河 濟右太英 而東 走。 、華伊闕 論 衡 馮 在 夷 西以進」孔傳說 其 日 南。 羊腸在 西 惟 夏東郊 其 北。 爲商。 「湯升道從陑出其不意」陑 高誘白 此 皆湯 羊腸在晉 都 在 · 桀東之證 。 太原 水儿武王 無可 在河 疑者。 曲之南蓋 自自 吳起

洛汭 轘轅、 **黽崤爲三塗**」 延於伊汭居易無固其有夏之居我南望三塗北望岳 是南 至伊雄三塗北至羊腸岳鄙皆夏人王畿千里之地世 。鄙顧詹有河粤詹雒伊」 本云 服虔以「太行 再都屬 城。

汲郡 杜 預 注 古文亦云居之爲今河南登封縣此禹之南都左氏定四 「今太原晉陽是 也。 此夏之北 和殆亦猶問 周之有 酆 一年傳言 鎬王 城 是也。 唐 叔封 自 少 康 於夏墟啓以夏 # 峢 復 再 政。 纉

遷於 原於漢章 爲 河 內 軹 縣。 帝杼 遷老 邱在 陳留。 孔甲 店 四 河背王! 也而 圻千里之 亳自在其東此 地 也。 至桀之時、 居於 河 떩。

事 故 國 也。 語伯陽父曰 汲郡古文云 伊洛 太康居斟尋羿亦居之桀又居之」此桀有二 竭而夏亡。」正以桀之居在伊洛間 湯之都 都也書序云「湯既勝夏欲 桀湯 透其 初年

社、 不 可。作 夏祉。 次云 ___ 伊尹 相湯伐桀升自陑與 (桀戦 於鳴條之野夏師 敗績。 湯從之遂伐三 脛俘

厥寶 玉。 欲遷 夏祉 在前。 明已克桀都克桀都之後乃戰鳴條伐三 朡。 又一都: 此桀湯末年事 也呂

九 夏之興替

九七

也。 氏 春 秋愼大覽「湯伐桀未接刃而桀走逐之至大沙」蓋湯攻河南桀未戰而走是桀乃東徙掛尋 書史記篇 「有洛氏宮室無度池囿廣大工功日進以後更前民不得休農失其時饑饉無食成

商伐之有洛以亡」紀年桀二十一年「商師 征有洛克之二十六年商滅温」湯之克洛滅温。自必

在桀東走斟鄩而湯都偃師之後是桀旣東走湯又用兵温洛久稽時日然後東征也孟子以舜生於

諸馮卒於鳴條爲東夷之人知鳴條之戰諒在東方郡國志「桀與韋顧之君拒湯於有莘之虛遂戰 於鳴條之野」此湯之東伐而韋顧先助桀而有有莘之戰史記云「桀敗於有娀之虛奔於鳴條」,

呂氏 春秋簡選 「殷踼良車七十乘必死六千人以戊子戰於郕登自鳴條乃入巢門」 淮南 主術訓

荀子曰「桀死於亭山」書序云「戰於鳴條之野夏師敗績湯從之遂伐三朡」周書殷祝云 湯革 車三百乘困桀鳴條擒之焦門」又修務訓云「湯整兵鳴條困夏南巢以其過放之歷山。 一桀與

其屬 五百人南徙千里止於不齊又徙於魯」上來諸地幷在東方則鳴條亦在東也書序「湯歸 自

夏。至 一於大 坰」史記作泰卷古卷縣在原武縣是南巢放後乃西歸於亳經於大堈。 也尙書大傳 日、桀

與 (其屬五百人徙於魯曰吾聞海外有人與五百人俱去」是桀之南徙欲逃於海外耳吳越春秋「禹

邑少康恐禹祭之魁祀乃封其庶子 周行 同 於周 天下還歸大越登茅山以朝四方羣臣示天下悉屬禹也封有功餌有德而留越居靡山伐木爲 人封七百里之魯桀欲去而之海豈意在奔越耶史記自序云「少康之子實賓南海」 於越號曰無余」 則越 固夏后之陪都 也少康之封無余其意蓋 是桀

欲去海外諒指越耳。

是祝 是又別 云 炎神周語以共工從孫爲四岳皆見共工祝融同祖炎神也大荒西經云「顓頊生老童老童生祝融」。 工生器術器術首方頗是復土壤以處江水共工生后土后土生噎鳴噎鳴生歲十有二洪水沿 昆吾為夏霸也與桀同日亡大彭豕韋又為殷霸則其系於三代之盛衰甚巨山海經海內經第十八 鄭玄注 「炎帝之妻赤水之子聽訞生炎居炎居生節並節並生戲器。 融者炎帝之胤也世本 一祝融舊說每誤合爲一人猶重黎之與重及黎也風俗通義說「顓頊有子曰黎爲苗之民。 呂刑說 「苗民謂九黎之君」是應義本於鄭氏山海經大荒北經曰 祝 融會孫生伯夷對於呂爲舜四岳」 主祝融祝融降居於江水、 許愼 以太岳佐夏侯許 顓頊生驩顷。 **小生共工共** 爲祖自 天。 薩頭

九 夏之興替

民苗民黎姓」

郭注曰「三苗之民」郭璞注山海經謂祝融即

重

黎則九黎苗民祝融重黎皆

ifi

方之民放赫胥 祝融 亦曰炎帝緯書或說祝融爲三皇莊子敍祝融 在義農之前是問古之王 者。故

辞譜以鄶 爲祝融之墟則謂出顓頊之後者。 兩祝 融相涉譜系之訛也(潛夫論 五德志又以「 顓頊

身號高陽世號共工」 則 顓 頊 亦疑為南方民族 心離騒經一 日 帝高陽之苗裔分脫皇考曰伯 庸。

山 海經 以 颛 領之國 在 南 海。 史記以靑陽降居江 水昌意降居若水昌。 意娶蜀山 氏 女曰 昌 僕、 生高

陽。 索隱 以江 水岩 水皆在蜀則高 陽 [五] 產 自蜀中 江漢之域初出 自南 方故得共工之號。 有 育 恦 之

國 耶。 章昭說「 堯紹 育重黎之後復使 以典天地· 之官義氏 和 氏 是也」是羲 和 亦南 方之民大戴禮

帝系言「老童產重黎及吳回吳回產陸終」楚世家說「帝皓誅重黎而 以其弟吳回為重 **幸黎後復**

火正為祝融」 陸終娶鬼 方氏之妹謂之女潰是生六子破其左脅三人出焉啓其右脅三人出焉其 國語鄭語說「祝融其後八姓己姓昆吾蘇顧温董彭姓彭祖豕章」

稽諸

世本

曰

日

樊是爲

居

昆 語二日惠 心連是為: 炎胡三日籛鏗是為彭 祖。四 曰求言是爲鄶人五曰安是爲曹姓。 六 日 季 連是爲

史記 楚世 家說 季 連、 芈 姓。 楚其 後 也昆吾氏夏之時嘗爲侯伯彭 和氏股· 之時 嘗為 侯伯。

华姓。

鄭箋毛 "詩亦曰「豕韋彭姓心顧昆吾皆已姓」賈逵曰「祝融之後封於豕韋」 是夏商周三代炎

族皆盛昆吾大彭豕章及楚皆是也章顧昆吾黨於桀惡章顧亦祝融之後也周書嘗麥解一其在殷 般當作啓)之五子忘伯禹之命假國無正用胥與作亂遂凶厥國皇天哀禹賜以彭壽思正夏略。

此彭壽亦彭祖之後爲侯伯者則炎族系於三代之治亂若是其重也。

之得保醒 之耳春秋嚴夷夏之防霸之非霸亦系夷**夏之辨而**已自周室衰微政由方伯中國: 誓不及五 已深明之也以白虎通義之說正之秦楚吳越安在其能尊王攘夷正化存政穀梁隱八年傳 爲三代之五霸而非衰周之五霸審矣荀子而後說五霸者或以秦穆或以宋襄皆不合於義風俗通 篇以桓文楚莊吳闔閭越勾踐爲霸然勾踐之霸非孔子所知董子云「仲尼之門羞稱五霸」此必 白 虎 為之 通號篇 也昔昆吾氏霸於夏者也大彭豕韋霸殷者也齊桓晉文霸於周者也「此所謂 心也。 配者胥齊桓晉文之功也而吳楚何與焉迄於戰國兼幷益盛九夷八蠻六戎七狄悉就芟。 帝盟詛不及三王交質子不及二伯公羊傳昭十二年傳曰 昔三王之道衰而五伯存其政帥諸侯朝天子正天下之化。 詞則丘竊 有罪焉爾」是春秋之義惟二伯惟齊桓 晉文得爲霸耳。 「其序則齊桓 復興中國攘除夷狄故謂 未淪 近日三: 管文其。 五霸荀子王霸 於夷狄宗周 伯并三代計 會則 日 諧 主

九夏之则替

夷。 趙 破 林胡、 **楼煩而置雲中雁門伐郡燕將秦開襲破東胡却地千里置上谷漁陽右北平遼東郡**。

秦 昭王 **-滅義**渠置瞭 隴西上郡又南 取漢中。 西 舉巴蜀伐楚、 略取蠻夷置黔中郡! 吳起相楚南幷 艠 越 逐

閩中郡 有洞庭、香 义北 梧之地及秦 逐河 奴。 河 略 南 取 陸梁 地四 **地义置南**河 十四四 縣置九原 海桂林象郡降越君置會稽郡 郡。 至 淮泗之夷。 皆散 爲民 廢 戶 東越為君長以 心秦一 六國 而授之 洪 地 爲

至是漢族之名立而夏族之名又漸廢也。

漢。

開邊益遠四夷之款塞內附者尤衆。

由是胡越諸夏混爲一家而民族途益繁榮龐然爲一大民族。

一 殷之興替

師之景毫而建東亳於商邱仍西亳於商州各設尹以治之與景亳相輔所謂邦畿千 支庶王之以其爲契之舊居也惟偃師曰景亳景亳猶京亳也不必以景山得名魏源說 後之新都史記六國年表「故禹與於西羗湯起於亳周之王以豐鎬伐殷秦之帝用雍州與漢之與 理志 蓋以漢南四十國旣歸商乃建三毫以限南北及夏命旣革仍而不廢正所以威夷狄而奠中夏此殷 史記貨殖列傳「夫自鴻溝以東芒碭以北屬巨野此梁宋也陶睢陽亦一都會也昔堯作游成陽舜。 三年與亳戰亳王奔戎遂滅湯社」索隱曰「西戎之君號曰亳王蓋成湯之胤」是湯於西亳後以 自蜀漢」此西亳也不審湯於何時建之徐廣曰「京兆杜縣有亳亭」秦本紀「寧公遣兵伐湯社。 漁於雷澤湯止於亳其俗猶有先王遺風」此東亳也徐廣曰「今梁國薄縣爲湯之故都」 長治之策也皇甫士安說「穀熟為南亳大蒙城為景亳偃師為西亳」以此為湯都三亳鄭康成 河南郡偃師 縣自注云尸鄉殷湯所都」 鄭注書序亦云「亳今河南偃師縣」此爲湯克夏 里。 湯 理或然 徙都 漢書地 也。 偃

郡其 天命融隆火於夏之城間西北之隅湯奉桀衆以克有屬諸侯於薄」夫殷之信鬼神爲何如耶湯旣 之境帝乃使陰暴毀有夏之城少問 夏之大命曰夏德大亂予既卒其命於天矣往而誅之予必使汝堪之湯焉敢奉卒其衆是以鄕 人尙 洛克之途征荆荆降」越絕書「湯行仁義敬鬼神天下皆一心歸之荆伯未之從也湯於是飾犧牛 柭。 人信鬼過甚之反響)而即推鬼教以力征諸侯也墨子非攻下篇「天有誥命乃命湯於鑛宮用受人信鬼過甚之反響)而即推鬼教以力征諸侯也墨子非攻下篇「天有誥命乃命湯於鑛宮所受 以事荆伯乃媿然曰失事聖人禮乃委其誠心」尚書大傳說「漢南諸侯聞之歸之四十國」蓋殷 亳與葛伯爲鄰孟子書稱 注 十一征 倘 敬 神與之博令人爲行天神不勝乃僇辱之爲革囊盛。 手以身爲犧牲用祈 警三毫阪尹則又云「東成臯南轘轅西降谷為三亳」似以魏氏之說為得其實也湯始都東· Mi 好鬼神其遺荆伯葛伯以牛羊蓋以施鬼教也呂氏春秋順民「湯以身鷹於桑林剪其髮。 而 無敵於天下」而湯之勢厚矣遂伐桀於河 福於上帝」此爲殷 「葛伯放而 有神來告 不配湯使遺之牛羊使亳衆往爲之耕葛伯仇餉湯始征自葛 日夏德大亂往攻之予必使汝大堪之予既受命於天。 人尙鬼之明證(殷本 血仰而射之命曰射天」此事甚奇當是殷 南徙都景亳紀年「桀二十一年商師。 紀言「帝武乙無道爲偶 有夏 人謂 征有

徙都景毫遂伐洛又伐楚紀年二十六年商滅温二十八年而昆吾遂伐商則以南方旣服遂進而規 北而昆吾乃莫可坐視也方湯之西侵桀則自河南以徙居斟鄩昆吾蓋亦自許而還居於衛詩曰。

河 同時誅也」毛詩後箋曰 章顧旣伐昆吾夏桀」 (傳疏同)「夏桀之際昆吾最強顧在其東豕韋在其西連屬密 鄭玄詩箋說「豕韋顧昆吾三國黨於桀惡湯先伐韋顧克之昆吾夏桀則 通湯伐

韋 商商會諸侯於景毫遂征韋商師取韋遂征顧二十九年商師取顧三十年商師征昆吾三十一年商。 顧鋤其與黨而昆吾以成孤國之形則昆吾於時固還居於衛也竹書紀年「桀二十八年昆吾伐

斟尋戰韋顧於有莘之墟而桀擒於焦門也帝王世紀言「凡二十七征而德施於諸侯」。 師自陑征夏邑克昆吾」湯之征蓋自韋顧以及昆吾自昆吾以及夏蓋至是湯又東北進以攻桀於 是湯 已得

所 淡南乃爭河北及桀失九夷之助則又進而東征尚書大傳說「桀與昆吾同以乙卯日亡」 繋於夏人與亡之重也夫夏之中與也以東夷商之與 也以得漢府周之與 也以西戎三代之與胥 知昆吾

資於夷狄也如是湯以東亳與以景亳伐夏詩曰「昔有成湯自彼氏羗莫敢不來享莫敢不來王」

則又進而懷柔氏羗故建西亳於秦雍也。

十 四之與替

.

之。 般 湯 旣 則 誅 九 昆吾以革夏命即有事 夷 至 是 亦 臣 服 於 商。 終 於東 商 歷 **、方後漢書東東** 年。惟 再 征 藍 夷傳曰 夷。 伐 鬼 桀爲 方而 已夏 暴虐。 諸夷 人 都 晉。 內侵殷湯革命伐而 將 以 振 威 靈 於 北方。 定

人 而 委昆 叛。 Įnķ 吾以南 **亹甲三年彭伯克邳五年侁人入班方彭伯韋伯伐班** 土商之時大 彭豕 章作 霸於東南豈商人以 東 方。 夷委彭韋 人 來 賓則 耶。 紀年 般道嘗衰而大彭 外任元 年。 人 豕韋 侁

則 建 國 淮濟漸 入九夷巢穴。 蓋專任殷之東藩者也。 **佐人**紀 (即有侁。 日有 莘。 作。 所婚國。 此 外 戚之

強 者 也。 邳 人在徐仲虺之宗。 此 世 臣之強者 也是 皆東方叛國。 蓋東 土而 叛。 商 人 以二 伯 制 之左氏

般 昭 方內 元 年 亂。 傳 洗邳 **虞**有三 跳 苗。 梁彭韋作伯正王 夏有 觀 扈。 商 有 -室播遷內2 **件**邳。 周 有 外多故 徐 奄。 時也盤庚云 觀 扈 徐奄。 幾危 不常厥邑于今五邦。 夏 周。 則 侁 邳之 強 可 見 也。蓋

遇 自商 徙亳。 數商亳囂相耿為 五孔傳數盤庚 遷般。 不數商 蓋 五 邦當成湯之後。 Mi 盤 庚之前。 鄉注

攷 仲 丁 遷隞。 隞 亦 作 胃。 河 亶 甲居 相。 祖 Z 遷 於那。 邢亦 作 耿。 祖 乙叉 自耿 遷於 庇南 庚 遷 奄。 此 湯後 至

自 太 庚 戊中與以後至於盤庚禍亂相循則五遷正。 之 五 邦 也。 般本 紀云 自 仲 丁 以來廢 嫡 而 以政衰國 立 諸 弟 子。 弟子爭· 亂王室不寧故 立。 比 九 也汲郡古文「祖乙元年 世 亂。 商 衰諸 侯 莫 朝。 則

自 相 遷 及於耿命彭 。委以東南。 伯韋 伯。 漢 書 地理 志 河 東 郡 皮氏 (有耿鄉) 於時 邳侁之亂 元平彭章: 始 大。 命

為二伯。 祖 乙居耿。 **设奢侈** 而自遷河 **踰禮。** 東著 地 迫 近。 避其 [川嘗圯焉] (鋒者則) (所謂巫 叉云 一成任職 「民居耿 商 復 久奢淫 與亦惟君 成 俗。 臨北 王肅 方諸 侯 說 耳。 鄭玄 自 祖 云 Z

善其 奢侈 五 世 國北 踰 至 一般庚兄 禮。 毀改 創 業即 政而 陽 非鄭玄日 阿宮室室 不徙。 奢侈邑民墊 祖乙以不徙見錄則 젪 乙 去 隘水 相居 泉瀉 耿。 而 仲丁 鹵不可 國 爲 遷隞、 水 所 以 毁。 河 行 . 9 政 是修 化。 遷相盤庚遷殷、 德以 是 祖 《禦之不》 Z 北 徙 ジリ **磋**瘠。 復徙 徙而 也。錄 諒不 · 得 已。 此篇 見錄 者。 何 而

不 掦 徙 雄 都。 說、 盤庚 是古文以 北 遷。 般庚之 牧野 是宅。 遷在河 證 遷 北。 一般之 與史記云 在 河 北。 一般 史 庚 記 渡 項 羽 河 南。 本 紀 復居 乃 成湯之故居」 與 期 洹 水 南、 設虚 者異。 姚姬 上。 傅以 集 解

耶。

五

邦之遷皆以衰亂可知

心般本紀

正義引竹

書紀

年

「自般庚徙殷至紂之滅。

七百·

七十三年。

更

亡 索隱 幷引 此 般墟 汲冢古文云 即般庚遷處束晳云 般庚 自奄 遷 於此 書序盤庚五遷將治 日般 墟。 去鄴三十 毫般傳說 里。 以為 尙 居亳般在河 書 JE 義 引作 南。 般 孔子 在 鄴 壁中 南

倘 瞢 云 將 始宅 般。 始宅 殷者明非湯亳都斯亦宅殷爲居河北之證。 楚語 「昔武」 丁能修其 德。 至于

十 般之與替

〇 七

神明。 以入于河自河徂亳」蓋武丁滅大彭用兵東方故自河徂薄以征之非謂 便都於亳也。

氏羌 南 服。 自湯以來服事王室武丁之際又復伐楚及鬼方詩曰 「奮伐 荆 楚深 入其 阻。 易臼

宗伐 李善注引世本注云「鬼方於漢則先零戎」殷武言「昔有成湯氐羌來享來王」 鬼方三年而僅克之」蓋商人委東土於二伯而自專力於西南揚雄。 趙充國 頌 匡 鬼方賓服。 衡傳 謂之

氏 夏之時常爲侯伯桀之時湯滅之彭祖氏殷之時常爲侯伯殷之末世滅彭祖氏」 成 湯 懷鬼方」是皆鬼方為西戎之證高宗伐鬼方三年而僅克則: 其强可知 也楚世家言「 賈逵又說 昆吾 般

武 7 滅 **豕**章。 二紀 年 以爲 「武丁三十二年伐鬼方次於荆三十四 西伐鬼方途東翦二霸則武丁之朝諸 年王師克鬼方氏羌來賓四十三

年王師 侯、 《有天下武》 滅大 力盛 **、彭五十年征豕韋克之。」是武丁中與南伐荆而** 也後漢書東夷傳說「武乙衰敝東夷寖盛途分遷淮岱漸居中士」自武丁至於

武 乙ォ五十 车。 而 九夷途以入中土自是以後迄於周之中葉東夷爲強。 獨非 滅 大彭豕韋之過 耶。 知

霸 主 不於尊 殞。 商自是途衰然尚書無逸說 王接 夷之重而殷自武 T 而后、 其在祖甲不義惟王舊爲小人作其卽位爱知小人之依。 逐漸 不 可 振 心周語謂 — 孔 甲亂 夏四 世 而 甲亂商。

能 保 惠于庶民不敢侮鰥寡。 鄭玄 一說「祖甲武丁 子帝甲也祖 甲兄祖庚賢其父武丁欲廢兄立弟。

以攜遠殷道復衰」左氏傳昭五年「夏有亂政而作禹刑商有亂政而作湯刑周有亂政而作九 加 甲以為 不義逃於人間」是祖甲亦不失為殷之令主汲冢古文「祖甲二十四年重作湯刑繁刑 刑。

則 祖 甲之亂商正以作湯刑耳而禹刑之作蓋爲孔 "甲亦可, 知鄭玄曰書說云「 周穆王以甫侯爲相。

諸侯 有不睦者甫侯言於王作修刑辟」。 則作修刑 辟、固 所以 威來諸侯自武丁伐鬼方滅大彭克豕

章遂朝諸侯· 有天下祖甲 繼之征西戎襲其餘 · 烈是亦欲以威來諸侯者則孔甲 祖甲之亂夏商。 非有

暴行虐政昭四年傳曰「成有岐陽之蒐康有酆宮之朝穆有塗山之會」國語叔向曰「昔成王盟

諸侯於岐陽」此岐陽之蒐也漢書律歷志「故畢命豐刑曰惟十有二年六月庚午朏王命作策書

豐刑。 此作於豐宮之朝也穆有塗山之會亦有甫刑三代之事一 也。昭 五年傳以 周 有亂 政作儿

刑。 文· 主藏之名賴姦之用為 十八 年傅太史 大凶 克日 德有常無舍在九刑不忘」 「先君周」 公制周禮作誓命曰毀則為賊掩賊為藏竊賄爲 杜預說「 誓命 以下 皆九刑之書」 盗盗器爲姦。 是九刑

之曹周公所作所謂亂政者其卽東征事耶孔甲祖甲之爲非有異於武丁成康周公之爲或以武力。

不競夏商自是遂衰遂謂之亂耳周語曰「厲宣幽平而貪天禍」則宜自不必賢君惟武力外振故

號爲賢也尸子曰「殷髙宗之子曰孝己有孝行其母早死高宗惑後妻之言放之而死」夫高宗旣

天下遂亦謂之賢也史記稱「孔甲好方鬼神事淫亂」左氏昭十九年傳「有夏孔甲擾於有帝帝 放孝己又欲廢祖庚過行多矣而孟子曰「由湯至於武丁賢聖之君六七作」殆以 其能朝諸侯有

賜之乘龍河漢各二各有雌雄」周本紀稱「夏后氏之衰也有二神龍止於夏帝庭日余褒之二君」

是孔 甲好方鬼神之事也則孔甲好方鬼神祖甲不侮鰥寡又各有間然均以武力不競自是而後諸

侯相兼而王室卑也。

周本紀「公劉雖在戎狄之間復修后稷之業周道之與自此始故詩人歌樂思其德」毛傳說「公

劉 八疆場也 居於邰而遭夏人亂迫逐公劉公劉乃辟中國之難遂平西戎而遷其民邑於豳焉迺揚迺疆言修 迺積迺倉言民事時和國有積**倉也張其弓矢秉其干戈戚揚去之豳蓋諸侯之從者十有**

國 焉」是公劉辟中國之難徙居夷狄有武事焉從者十八國固儼然諸侯之長宜王業之與。 自此

「高圉能帥稷者也周人報焉」高圉之大有造於周諒亦猶杼之於夏上甲徼之於殷皆

有 起廢繼絕之功惜周事獨無考耳尚書大傳「文王受命一年斷虞芮之質二年伐于三年伐密須。

乃 四 一年伐畎 相讓以其所爭 夷五年伐耆六年伐崇七年而崩」此文王之五伐詩「虞芮質厥成」。 田爲閒田而退天下聞之而歸者四十餘國」 周至是乃蔚爲大國可以力征不順、 傳曰 一國之君

紂惡之」孟卽于史記作邘是二年伐于而定者三國詩日 而 為受命之王是一年受命而來者四十餘國韓非子難二曰「昔者文王侵盂克莒舉酆三舉事 一密 人不恭敢距大邦侵阮徂 共」鄭玄 前

亂密阮徂共之君於是又助之謀言同於惡也」 笺云「阮也徂也共也三國犯周而文王伐之密須之人乃敢距其義兵」又云「殷崇之君其行暴 是此諸國助紂犯周三年伐密須而定者四國詩采

薇毛序云「文王之時西有昆夷之患北有玁狁之難以天子之命命將率遣戍役以守衛中國」 鄭

于 箋 · 方」傳日 云 「西伯以殷王之命命其屬爲 南 仲、 文王之屬朔方近猴狁之國 將率將戍役禦西戎及 也。 叉日 北狄之難」出車之詩曰「王命南 赫 赫 南仲玁狁于襄」 則 除北 仲往城 狄 也。

日 赫 赫南 仲薄伐西戎」是攘昆夷也鄭玄說「畎夷混夷 人也詩日2 混夷駾也四年伐之南仲一行。

井 平二寇」是四 年伐畎夷而平者二國西伯戡黎鄭玄曰「入紂圻內」 是五年伐耆乃至殷之畿

甸大戴禮「紂不悅諸侯之聽於周昌乃退伐崇許魏」是六年伐崇而平者三國荀子 仲 尼 篇 言。 文王誅四武王誅二周公卒業」誅四者當即此五伐以伐耆爲天子坼內故不計也易是 類 謀

文王比隆與始霸伐崇作靈臺受赤雀丹書稱王制命」是文王之伐以崇爲大詩維淸箋云「文

王受命始祭天而枝伐也」中候我應云「枝伐弱勢」鄭注云「先伐紂之枝黨以弱其勢若崇侯

命此在伐崇侯虎謝百姓且告天」是亦大伐崇之義也左氏僖十九年傳「文王聞崇德亂而伐之。 之屬是枝之文也」亦惟舉崇言之我應云「元湯伐亂崇嬖首王曰於戲斯在伐崇謝告」鄭注。 一天

軍三旬而不降退修教而復伐之因壨而降」則崇之強於此可見鄭氏皇矣箋云「文王伐崇而無

崇滅而殷商之枝屬以剪周**途制命稱王而西方之形勢畢歸於周也**。 復敢悔慢周者無復佹戾文王者」蓋崇固西方大國紂之西藩亦猶奄爲東方大國爲商東藩自西

汲冢紀年「太戊二十六年西戎來賓王使王孟聘西戎陽甲二年西征丹山戏祖甲十二年征西,

梁山而避於岐下及于季歷遂伐西落鬼戎太丁之時季歷復伐燕京之戎戎人大敗周師後二年周 蓋 自茲 而後西戎漸強遂以多事而時見紀錄也後漢書西羌傳說「武乙暴虐犬戎寇邊周古公踰

人克余無之戎於是太丁命季歷為牧師自是之後更伐始呼翳徒之戎皆克之及文王爲西伯西有人克余無之改於是太丁命季歷為牧師自是之後更伐始呼翳徒之戎皆克之及文王爲西伯西有

羌髳微盧彭濮人率會於牧野」蓋自西戎漸強惟季歷能創之伐鬼方則俘二十翟王其強可見太 昆夷之患北有獫狁之難遂攘戎狄而戎莫不賓服乃率西戎征殷之叛國以事紂及武王伐商庸蜀。

城 丁遂命季歷爲牧師繼嫉其強盛復殺季歷一若武丁之於大彭豕韋者帝乙三年命南仲西拒昆夷。 ·朔方殷嘗以西陲之事委周也紀年「帝辛四年大蒐于黎三十二年大蒐于渭二十三年囚西伯

于羡里。」左氏昭四年傳言「紂爲黎之蒐東夷叛之。」昭十一年傳言「紂克東夷而隕其身」杜 預 |日「黎東夷國名蓋武乙以來二伯久隕東夷篴強紂方有事於東未暇兼顧西鄙故命文王爲西|

傳 伯。 「紂囚文王七年諸侯皆從之囚紂於是乎懼而歸之」(左傳文)赦西伯賜之弓矢斧鉞得專 以西土委之以黎之蒐而克東夷則渭之蒐所以綏西戎紂旣西蒐翼年而文王囚也襄三十一年

征 戊(史記文)西伯侵盂克莒舉酆三舉事而紂惡之文王乃懼請入洛西之地赤壤之國方千里。

以 請 解炮烙之刑仲尼聞之曰仁哉文王智哉文王(韓非子難二)蓋文王以欲解紂之忌播紂之解炮烙之刑仲尼聞之曰仁哉文王智哉文王(韓非子難二)蓋文王以欲解紂之忌播紂之

悦己於諸侯故孔子謂之智也鄭玄詩譜說「帝乙初命王季爲西伯至紂又命文王典治南國

- |-

江 ,汝旁之諸侯」是紂旣惡文王以扼於從囚之諸侯欲殺之而未能西戎旣多殄滅則卽使專征

伐南 國旣已向周則卽使典治之佯羈縻而已殷本紀言 「諸侯有叛者於是 紂乃重刑 辟。 此與 穆

侯鄂侯為三公則醢九侯脯鄂侯韓非子說「翼侯炙鬼侯腊梅伯醢」、 王以 、諸代有一 不睦 者作 修刑辟何異蓋自帝 乙之立般益衰故宜修 刑以 拾遺記「紂之昏亂欲討諸 威諸侯撫中國 [紂以西: 伯、九

侯。 使飛廉等惑所近之國侯服之內使烽燧相續紂登臺以望火之所在乃與師往伐其國殺其君囚

其民。 則紂 方有事於中國以禁反側而急與文王爭諸侯也天問「桀伐蒙山何所得焉」 汲冢紀

桀 嘗 西 年 十四年桀命 征劉敬言「公劉避桀居」 扁 帥師伐岷山岷山莊王女于桀二女曰琬曰琰」韓非難四一 豳。 吳越 春秋言「公劉避夏桀於戎狄」是桀勢西侵公劉則徙 桀索岷· 山之女。 蓋

居戎狄以避之是桀紂之暴非他亦欲如武丁周宣之以力征而朝諸侯耳旣曰「文王乃率西戎征

國。 股之叛國」 爭諸侯武 則其伐密須伐阮徂共戡耆伐崇皆以西戎之力是文王遂又假尊王之名。 王又率汝漢諸蠻而誅紂於坶野竹書紀年云 **率西戎伐殷**」 率戎以侵中

與 「霸君之系於與亡又可見矣淮南子道應訓「文王歸乃爲玉門築靈臺相女童以待紂之失也紂

武王

則 夷

狄

亦

東

向

iffi

有玉 處心 聞之曰周伯昌改道易行吾無憂矣」是文王嘗易行改道以釋紂西顧之憂俾敝於東而後承之其 版紂令膠鬲索之文王不與費仲來求因與之是膠鬲賢而費仲無道也周惡賢者之得志也」。 固 無 殊於戰國之權 變韓 非內儲 文王資費仲而遊於紂之旁令之間紂而亂其心」喩 老周

文王之處心何如於此亦足見之說苑武指說「文王曰密須氏疑於我可先往伐管叔曰不可其君、 主也伐之不義文王用太公言遂伐密須滅之」詩曰「密人不恭敢距大邦」豈疑於我

之謂 矣。 天下之明 不恭 耶則文王太公之謀管叔之所不喜也武王既沒管叔遂率淮夷以武庚叛則管叔之義高。

王七年諸侯皆從之囚紂於是乎懼而歸之。間用左傳文)則曰「譖西伯者崇侯虎也」 本紀言「 崇侯譖 西伯於紂曰西伯積善累德諸侯皆嚮之將不利於帝紂乃囚 西 伯。 此與漢 紂 囚文

景鼂錯之事何異說苑武指說「文王欲伐崇先宣言曰余聞崇侯虎蔑侮父兄不敬長老百姓盡力

不得衣命 費 仲說 食余將征之。」則崇侯遂成元凶巨憝此亦有扈氏威侮五行怠棄三政之比也韓非子外儲 紂 日西伯昌賢百姓悅之諸侯附焉不可不誅」 則費仲 與崇侯虎之用心固 同 說 苑 雜 言

(仲惡來革崇侯虎順紂之心欲以合於**意武王伐紂四子身死收之野頭足異處**) 是四子者固

十 般之興替

紂之心膂²⁰。 | 黎季歷共伯和干王位夏年多般周受命至穆王百年」史記又說。 **猶昆吾之與夏桀同日亡非必不肖人也竹書紀年所稱** 「益干啓位啓殺之太甲殺伊尹。

太丁 「周公奔楚」 在昔視2 為齊

東野人之語者。 品皆可信。 復得質證於韓非魯連諸子之書則謂六經之所美刺爲實事 者陋 矣。

般 之末世戎強於西夷強於東季歷文王繼世征 武乙衰敝東夷浸盛途分 遷淮岱。 居中 1:0 渡。 則紂之世二伯旣殞東夷之強 1戎遂以 內附。 而 東夷)則猶 梗 知昭二十四 化蓋 東 夷 傅 傳 云

太誓 日紂有億 兆夷 人亦有雕德」杜預注「紂衆億兆兼有四: 獑 **【夷不能同**年 で 億終敗亡・ 可 也。 周本 74 紀言 华

誇要足以是 紂 發兵七十萬拒之牧野」則紂師之倒戈蓋以夷人之雕德不爲紂用曰億兆曰七十 見東夷之強盛韓 非子初見秦「 **昔者 紂為天子,將率天下甲兵百萬左飲馬於淇** -萬其辭雖 溪右 飲

馬 於 洹 谿。 淇水竭 丽 洹 水不 流。以 與周 武王 爲難」皆見紂衆之盛也。 蓋紂爲黎之蒐 而 克 東 夷。 雖會

之以 威。 俾起 師 自 容閲 至 浦 水。 帝王 世 紀 文 以 戰 於 火牧野郎 以 夷 人之未 附 而亡。 な以 不能 起九

夷之師一 以 自徙南巢針則強九夷之師以戰於牧野夏於昆吾共終始而商則先翦大彭豕章殺季歷凡以 而亡針以東夷之倒 戈而 "亡則東夷s 系於夏商之與亡如 此桀不能起九夷之師 而三致國於

先鬼而後禮先罰而後賞尊而不親」 殷本紀 見商人之暴不如夏人之寬禮表記「子曰夏道尊命先祿而後威先賞而後罰親而不尊殷人尊神。 「湯曰吾甚武號曰武王」荀子正名篇云 一刑名

皆夏寬殷猛之證故桀既放逐而湯有慚德紂已焚死而武王又射之三發以黃鉞斬紂頭懸於赤旒。 從商」周書史記解「嚴兵而不仁者其臣懾民不親其吏刑始於親遠者寒心殷商以亡」左氏宣 十二年傳曰「紂之百克而卒無後」宣十五年傳曰「夫恃才與衆亡之道也商紂由之故滅」此

商周之報之也亦殊非偶然也。

史 甄 微

周之興替

公 大位孟 太 以表東海封召公於燕以臨其北封周公於魯以處其南逸禮曰「 誅 郡 文王 分共 爭 **叔蔡叔霍叔尹而教之自紂城而北謂之邶南謂之鄘東謂之衞」以三公鎮東土以三監鎮殷墟。** 太公至國萊侯來伐與之爭營邱營邱邊萊萊人夷也會紂之亂 保」周之三公重臣舉封於東重權積勢以制之則以東土未集其備之乃若是其嚴也齊世家言 國志 四武王誅二周公卒業一 國」當時東夷之暴於此亦足見之周本紀言「封商紂子祿父撫殷之餘民爲殷之初定未集。 率 畿内 「魯國古 子曰 西戎以征叛國武王率江漢汝旁之諸侯以伐殷周之始與先定西南途觀兵孟津東向以爭 爲三國。鄭玄詩 周 奄國」既誅紂以定中原又伐奄以奠東方而后天下畢定荀子仲尼篇言「文王 公相武王誅紂伐奄三年討其君」趙岐注「奄東方無道國奄大國故特伐之」 **盖**誅 譜說「周武王伐紂以其京師 **紂伐奄之爲誅二也三年討其君蓋定商を之難** 封紂子武庚爲殷後三 而周 太公爲太師周公爲太傅召公爲 初定未能集遠方是以與 一分其 也乃封太公於齊 (地置三) 監使 太

則誅 紂伐奄既有天下之後周 人所以制商奄之方略問燎若指掌也王制言「天子使 其大夫為三

叛 **監監於方伯之國」豈彼時殷勢尙盛故以武庚爲方伯耶齊世家言「** 周乃使召康公命太公東至於海西至於河南至於穆陵北至於無棣。 五侯九伯實得征之」 周成王少時管蔡作亂淮· 則周 夷

居 人 內東土唯委之於齊書序言「伯 以殷亂付周 公討之以東夷之亂俾太公討之蓋周 禽宅曲 皇徐夷幷 **、與東郊不開作粜誓」魯世家言「管蔡等反淮** 雖以三公畢封於東。 而周召二公皆留 相 Ŧ. 室

夷徐戎亦幷與師於是伯禽率 師伐之遂平徐戎」則魯人東攘視齊尤力夫太公在齊海岱之間斂

朝焉勢非不厚權非不重也乃當宗周之急乃拱手以觀其成敗何耶及周公戰於殷伯禽戰於

祭。 王 室賴以 復寧書序言「召公周公相成王爲左右召公不說周公作君奭」 太公豈亦 有疑志於

周 公 耶。

衽

而

魯世家言「 管蔡武 庚果率 淮 ·夷而反周公興師東伐遂誅管蔡殺武庚寧淮夷東土諸侯成復宗周 ·

詩 問 F -] 非 「周公東征四國是皇」毛傳說「四國管蔡商奄也」蓋周公旣戡殷亂又定淮夷而東土始 伯 禽之力所能藏事周 為之所致盧者即殷墟與東夷故以三公三監鎭之而相率以焦者即

4-周之與答

矣。 此 此 兩 世之將亂 大勢力其強 也請舉事然後祿父及三監叛也」則管蔡之亂奄人實啓之韓非子說「周公將攻。 固未易服也尚書大傳 「奄君薄姑謂祿父曰武王旣死矣今王尙幼矣周公見疑

商蓋辛公申曰不如服衆小以却大乃攻九夷而商蓋服矣」 商蓋即商奄是奄果大國而周 人之勁

傳 敵周公亦僅服之而已周本 「成王 ・ 一即位淮 夷奄國又叛王親征之遂滅奄而徙之」帝王世紀「成王既營都洛邑復居豐鎬。 紀言「周公行政七年反政成王東伐淮夷殘奄遷其君薄姑」 佝書孔

殘之然後東土始: 淮 夷 及徐 戎 商奄 大定東夷固周人之勁敵歷久而後弱削 又叛王乃大蒐於岐陽東伐淮夷」 又以 也周 見周 書作雒解「三叔及殷東徐奄及熊 公惟寧淮夷服商奄至 成王乃伐而

盈以畔」又云「凡所征熊盈族十有七國俘維九邑」足見東征滅國之多孟子云「誅紂伐奄三

年討其君滅國者五十」漢書 地理志「臨淮郡徐縣自注故國盈姓至春秋時徐子章禹爲楚所滅」。

也。 左氏昭 苋 年 淮夷嬴姓」 傳 周 有徐 又言 ·奄」杜注「二國皆嬴姓」 「江黄二國皆嬴 姓。 見嬴 正義以爲世本文也是盈 姓之國之多是周公之攻 即嬴姓徐奄之屬是 九夷成王之伐

東夷(書序)其皆嬴姓之國而少昊臯陶之裔也秦本紀言「中衍鳥身人言太戊聞而卜之使御東。 世 本 玄

吉遂致使御而妻之自太戊以下中衍之後遂世有功以佐殷國故嬴姓多顯遂爲諸侯」是嬴姓。 固

般之世臣其 、叛周宜也。 「惡來有力飛廉善走父子俱以材力事般紂武王伐紂幷殺惡來」孟 子曰

驅飛廉於海隅而戮之。 嬴氏 固世忠於殷。 m 海隅 其根據地 也帝王世紀言「皐陶、 偃姓。 應劭

說 假姓臯陶之後」 世本 偃 姓 舒庸舒蓼舒鳩舒龍舒鮑舒襲」杜 預以 舒為 東夷國 人。路

少昊後偃姓舒國」是偃姓亦少昊皐陶之裔周公荆舒是懲 **嘗幷伐此羣舒也武王克殷而** 巢伯· 及 來

周 朝鄭玄以爲「南方世一見者」徐邈曰「巢偃姓之國」蓋武王誅紂伐奄嬴偃之族幷皆率服。 公攝 政。 而嬴偃之族幷起而叛之嬴偃之族幷出少昊而又皆爲東夷之國。 亦足證少昊旱陶幷屬

東 夷、 八而泰族· 之苗 裔 也其熊姓之國趙佑以爲即 楚之先豈熊釋 初 封途 叛周 那左氏桓· 一二年 傳、 羅

義以 世本 羅能 姓 國。 周 初 固 有熊 姓之國而黨於商者然已不可考 也即周公伐楚末。 必即

用 兵丹陽 也。

人。

IE

之。 貢、 夏人之九 方之幽 州 「藪豯養川」 、州職方周人之九州故孫炎等幷謂爾雅所述爲殷人之九州爾雅有營州而。 河冻沒茁時皆在山東然爾雅齊日營州在青州之東其東 北又距 職方無 海。 至 周

+ 周之興

古

全失之爾" ガ 七釋 箕子之囚箕子不忍周之釋走之朝鮮武王聞之因以 雅曰 牃 曰幽州在遼水東西至周則不能全有之馬人東北屬土視殷人固遠遜也書傳 朝鮮 村之。 宋世 家云 武 E 封箕 日

旣 子 於 平殷亂天下宗周伯夷叔齊恥之義不食周粟隱於首陽山」 朝 鮮 而 不臣。 則周 地 東不及營 州以箕子固不臣也史記「伯夷叔齊孤竹君之二子 許叔重說「首陽山在遼西」章枚 也武王

在 叔 # 以 -國之北則 爲今盧龍東南二十五里有首陽山即古首陽山莊子讓王 周 地 不能全有古幽州豈以夷齊之義不臣周故耶書傳曰「伯夷避紂居北 「夷齊北至于首陽之山」 海之濱。 图图 州 固

傳叉曰 **避**対居東京 「散宜生閎夭南宮括三子者學乎太公太公遂與三子見文王於羑里文王以爲四友以免 海之 濱皆率其黨 日盍歸乎吾聞 西伯昌善養老」 則伯夷太公之各有其徒黨 也。 書

虎 二鄭注 賢才若此則伯 呂尚 夷之黨亦 有勇而爲將散宜生有文德而爲相」詩毛傳說「文王有四臣以受命」 मि 知殆既從伯夷返隱處於首陽北海之濱遂無從考耳韓 非子 是太公 一新

子恥 為 長 夜之 臣周 飲箕 室率國人五千避地朝鮮遂王其地」則首陽朝鮮之隱問有義士五百君子六千爲之從。 子謂 其徒 日為天下 主 而 國 皆失 日天下共危 矣。 是箕 子亦· 有其 徒 人。 史稱 箕

汲冢 書 「武王十三年率虎賁三千人渡河伯夷叔齊扣馬而諫武王不聽去隱于首陽山或告 伯 夷

叔 韓非 齊日。 外儲 胤子在鄁父師在夷奄孤竹而君之以夾煽王爐商可復也」是孤竹之隱朝鮮之避其。 「伯吉 夷以將軍葬於首陽山之下。則伯夷誠非肥遯士也然則周之封燕所以備幽州。 〈志問

而 封齊 所備營州 耶。

以 益 薄 之以鎮殷墟代三監之任也史記言 容據世本以「康叔子康伯名髦卽此仲旄父」則周公克殷救亂之後建康叔於衛俾仲旄父分治 周 大 五封之齊語 燕 國、 方之任付之康叔仲旄字於庸衛以殷墟之任付之則殷亂旣平周 姑 書作 爲 氏 惟 此三 與 雒 四 稱 是下 國作 國耳。 桓公問管仲日「 周 至桓公之霸猶以燕衞魯三國爲強成王蓋以齊人戰不如魯人之力乃大封魯以 亂成王滅之以 左傳定四 公既克殷亂俾康叔字於殷俾仲旄父宅於東」 年傳 吾欲南伐何主。 ·封師尙父」是魯之大自· 「因商奄之民命以伯禽而! 「周封伯禽康叔於魯衞地各四百里太公於齊兼五侯地區 西伐何、 主。 北伐何 商 奄 封於少昊之墟」班 主。對 既平後益 孔晁注 人制商 日 南 以 封之齊之大自滅 奄二國之方略又一變 魯為 東謂 主。 固言 衛殷謂屬。 西以衞爲 周 薄 成王時。 主。 姑 周初 孫 仲 後

也。 詩 序 旄邱、 責衛伯也狄人迫逐黎侯衛 不能修方伯連率之職」 則衞固 方 伯 也。鄭 注 尙 書

更屬於晉」則 分 衞 爲 科州。 衞自懿公後始失北方地而晉始大鄭玄詩譜「 是 衞 地 北 至幷州。 其遼如 是。班 固 說 齊 桓公 更封 **邶鄘衞冀州**太行之東北逾衡 衞 於河 南曹楚邱 而 泂 內 般虛。 漳。

及兗 州桑· 土之野。 則康 叔受封之地廣可知也左氏定四 一年傳 「分魯公以殷民六族條氏徐氏蕭 東

氏索 氏 七 氏長 族陶氏施氏繁氏錡氏樊氏饑氏終葵氏。 勺氏尾勺氏使帥其宗氏輯其分族以商奄之民命以伯禽] 命以 (康誥) 而 對於殷墟的 皆啓以商 而封 於少昊之墟分 政疆 以 周 康叔 索。 以般 夫魯

衛之 封。同 以商 **奄盤庚始自奄遷殷許愼曰**「 民以商政以唐 叔封於夏 **都周公所誅國在魯**」 虚啓以夏政推之則衞固殷虚魯亦殷虛 都在淮夷之北」 也紀年 般 商奄。 自 南

正 以 商 人 嘗 都 此
他
國 也。 商有 ·邳之亂而· 大彭作伯 徐淮有侁之亂 m **秋**章 作伯 鄘衞商 人又 自 居之。

鄭玄

日

日

庚

以

來居

周 旣 翦 商。 蓋以其歸般久 則難 變乃 大建 魯衛 以制之誠以思 周. 南 召南、 被文王之化深。 而 商 奄殷 虚、 倘

不 般 能 頑 復叛也左氏六年傳「太姒之子惟周公康叔爲相睦也」蓋周公鑒二叔之不 之窟 宅 也。 自武 庚 旣 誅。 以 般 民六 族 封 魯。 七族 封衞。 或 從 微 子 徙於宋或徙之成 ·咸而移康叔於 周。 丽 般民

二四

衛以自固故曰「魯衛之政兄弟也」自魯衛之建而王業遂固也。

明堂 之與周公也開七百里之宇兼商奄之民」蓋殷之餘民分之於宋於衛於魯於成周之後遂不能復 位 成王以周公勳勞於天下於是封周公於曲阜地方七百里革車千乘」王莽傳說 一成王

叛。 夷屢叛又益封魯至七百里也國宮之詩「王曰叔父建爾元子俾侯于魯大啓爾字爲周室輔」箋 **奄則猶強至成王時再叛再征則魯衛益封四百里為周公東征時事及成王伐淮夷殘奄以東**

山川土田及附庸令專統之王制曰名山大川不以封諸侯附庸則不得專臣也」定四年傳「周公山川土田及附庸令專統之王制曰名山大川不以封諸侯附庸則不得專臣也」定四年傳「周公 云一 封以七百里欲其強於衆國」「乃命魯公俾侯于東錫之山川土田附庸」 箋云 加 思之以

百里為方百里者四十有九則已**半於天子之邦也則周公之陪敦若是詩曰「奄有龜蒙**遂荒大東。 相 王室以尹天下分之士田陪敦」杜注「陪增也敦厚也」夫王圻千里為方百里者百今魯方七

至于 海 邦淮夷來同」「又曰保有鳧繹遂荒徐宅至于海邦淮夷蠻貊及彼南夷莫不率從」。 是周

公所率自然 成王立殷民反王命周公踐伐之商人服象爲虐於東夷周公遂以師逐之至於江南」是周公兵 淮 海 Mi 及南夷蠻貊 也孟子稱「 戎狄是膺荆舒是懲周公方且膺之」呂氏· 春 秋古 |樂篇

十一 周之興替

五

威、 遠 被荆 揚。 **瞥伐荆楚而擊羣舒蒙恬傳說**「 周公奔楚」正以周公之剔彼東 南 也有子王 制言

公東 征 而西 國怨」誅商奄則東征也又言「周公南征而北國怨」伐荆舒則南征也魯世家言 成 周

王 日 乃命 背 周公弔二叔之不咸故封建親 得郊祭文王魯有天子禮樂者以褒周公之德」故禮曰「魯王禮 戚以蕃屛周管蔡郕霍魯衛毛聃郜、 雍曹、 也。 滕畢、 左氏僖二十四 原酆、 鄭文之昭 年 傳

也。 邪、晉、 應韓。 。 武之穆也。 凡蔣邢茅胙祭周公之胤 也。 一荀 子儒效言「 周 公兼制天 下。立 七十 國。 姬 姓

獨居 五十三人周之子 孫茍不狂惑者莫不爲天下之顯諸侯」豈惟姬姓獨多而周公且 大封 其支

庶比於文武其勢重擬於天子則魯有天子禮樂者以魯問擬於周而 東方諸侯之長 也孟 子曰

周

公之封於鲁也為 方百 里太公之封於齊也亦爲方百里」 此周初之制周公太公受封之 疆里 也。因

薄姑 以 封太公於是 兼 五俟 地因 商奄 以 封伯 禽因三 監 以 封 康叔。 於是 地 各 方四 百 里。此 旣 平 般 後

之制。 伯 禽康叔受封之疆里 一也成 王之與周公也開七百里之字此殘奄 後益魯之疆里 也。 班 固 言

殺武庚伐三監更於三國 近 崩三監叛周公誅之盡以其地 建諸侯以殷餘民 封康叔」是衛初封問已盡 封康叔於衛後世子孫稍倂彼二國」 得三國: 地而鄭玄詩贈云 趙岐注孟 **二子亦謂** 成王

周 公太公地尙不能滿百里後世氣侵小國今魯乃五百里也」 則東漢儒者不識三 國益封之義。

放立說與司馬遷乃大背也。

方 固 略 彻 · 也周之始與先得西戎又得南國此周人之舊疆 。 以三公鎮東夷以三監鎮殷墟管蔡旣平又以伯禽鎮東夷以康叔鎮殷虛此周人理其新疆之 也則分陝以朿周公治之及於汝漢謂之周南。

分· 陝 根本周公义營成周召公營王城為東都以朝諸侯內分之為周召外輔之以咎衛內外相維周之所 以 西召公治之及於江沱謂之召南此周人理。 其舊疆之方略也周人既宅豐鎬爲西 都 以 固 其

以公 然年 所者非偶然也夏人託有呂昆吾於許而都晉陽陽城封支庶於越此從術 也般人建三亳

同。 而 委 東 周 七於彭 立制其用意 章周 人以 更密 西都周根本以東都朝諸侯而 也然月周日 公兼夷狄至穆王享國 輔之以魯衛此橫術 才百年僅成康之際刑錯 也三代之操術也各不 而 E. 一在昭

王時王室已不振圖治固叉若斯之難周本紀言「昭王之時王道微缺昭王南巡狩不返卒於江上」 人之立

存發言 昭王親將征荆蠻辛餘靡長且多力爲王右還反涉漢梁敗王及祭公隕於漢」 一竹書

紀年 「昭王十六年伐楚涉漢十九年祭公辛伯從王伐楚喪六師於漢王 陟。 周室至是已微弱二

十一 周之興替

南 被 化 獨深之國而荆蠻已抗命於其間則王室之衰可知也周本紀言「昭王卒於江 上子滿立是

復 寧。 為程 Ē. 是周室至是而衰也穆王將征犬戎祭公謀父諫曰不可王遂征之得四白 穆王即位春秋已五十矣王道衰微穆王閔文武之道缺乃命伯臩申誡太僕國之政作臩命。 狼 四 白 1鹿以歸自

是荒 年而穆王伐犬戎後二百有餘年犬戎攻殺幽王驪山下」則穆王 服 者不 至則穆王內修政理外攘夷狄之合主也匈奴列 傳言 西征固周之一 「武王放逐戎夷其後二百有餘 大事 也趙世家秦

本 破之」(紀年以征徐在前 紀皆言「 繆王使造父御西巡狩見西王母樂而忘歸徐偃王作亂繆王日馳千里馬攻徐偃王大 西巡在後與史記不同此從史記) 東夷傳言 [徐夷僭號乃率 九夷以

伐宗周。 西至河 上穆王 更 表 、 方熾乃分東方諸侯、 命徐偃王主之偃王處潢池 東地 方五 百 里。 行仁 義。

陸 地 而 Ŧ 者三十六國。 穆王得驥騄之 乘使造父御以告楚令伐徐。 一日而 至。 一於是 楚文 王 大 舉 兵而

之」蓋穆王方有事於西征徐偃王。 方諸侯命主之而南合楚周楚之兵合而偃王敗也韓非子|征徐偃王乘之率九夷以伐宗周通溝陳蔡之間欲舟行上| 國。 穆王之兵

西 征 未 返不得已暫分東 也韓非子五 蠹說 一徐

漢東地方五百里行仁義割地而朝者三十六國荆文王恐其害己舉兵伐徐遂滅之, 說苑

偃王

威

滅

佝

指武說 「王孫厲謂楚文王曰徐偃王好行仁義之道漢東諸侯三十六國盡服矣王若不伐楚必事

徐文王遂與 師伐徐殘之」桓六年傳鬭伯比曰「我 不得志於漢東 也我則使然」 是徐 人之王以

得漢 朝錫命作伯十二年毛伯萊共公利達公固帥師從王伐犬戎冬十月北巡狩途征犬戎十三年祭公 東 **、諸侯**。 而楚人亦欲得志於漢 東故穆王令楚伐徐而楚人利爲之紀年「 穆王六年徐子 誕來

帥 師從王西征次於陽紆七月西戎來賓徐戎侵洛十四年王師楚子伐徐戎克之三十五年荆人入

來 貢。 徐毛伯遷帥師敗荆人于游三十七年伐楚大起九師東至九江叱黿鼉以爲梁遂伐越至于紆荆人。 此穆 王將有事於西戎而命徐子作伯以羈縻之至戎事方急而徐伐洛則使楚人攻之及楚

已得志遂爭徐則使毛伯敗之又大起九師親征至於九江而楚人來貢昭四年傳說 「穆有途山之

會」紀年 穆王三十七年伐楚三十九年會諸侯於逢山。」蓋東土於是大定至是而三方之外患

平則穆王 |周周之令主耶「諸侯有不睦者甫侯言於王作修刑辟命曰甫刑] 孔子編之尚書良有

|穆王作冏命以申政令作呂刑以齊諸侯故能西克戎東克夷南克楚蓋內修而外武 也。

以

心也蓋

書東夷 傳說 「偃王仁而無權不忍鬭其人故致於敗乃北走彭城百姓隨之者以萬數」說苑

周之典替

抬

武 說 徐偃 將 死 日吾賴於文德 而不明武備好行仁義之道 而不 知詐人之心以至於此」 淮南

說 111 訓 說 徐偃 王以仁義亡 許 愼 日 夷 俗仁。 於徐 偃 王 一見之也前 漢 地 理 志 說 東 夷

性 柔順, 異 於三方之外故孔子悼道 不行。 設桴 於海。 欲居九夷」後漢 東夷 傳說 東 夷 率皆土著天

性柔順熹飲酒歌舞或冠弁衣錦器用俎 <u>.</u> 此其爲君子之國乎劉寶楠 論語 正義據地區 理志以

爲

漢 淮 人師 說浮海 屬之膠萊沿渤海 即居儿夷皇侃說九夷悉高麗樂浪漚東地故欲浮海 日本。 悉九夷地其民 族之同支也子思子稱: 者將之朝鮮從箕子之跡耳自

也。 徐 將 以 卽 此之東屠乎古都養或作扈養都 達於朝鮮 屠則皆從者聲也東夷傳「 則 泰 高駒驪 其國 東有穴號燧神以 東扈 氏之 熙 載

十月迎而祭之。」 將即**燧人之傳說乎。**

宣 Ŧ 中與之初 外 攘夷狄命秦仲 伐 西戎尹吉甫伐玁狁方叔伐荆蠻召穆公伐淮 夷王自帥行 師 伐 徐

找。 江 漢之詩義 召穆公平 淮 夷 也。 日 ___ 淮 夷來 求。 淮 夷來 鋪。 叉曰 江漢浮浮江漢之滸。 此

淮 淮 北之夷也吉甫方叔召虎既平三方之難而王又自帥太師皇父司馬程伯休父東征蓋宣王之注 南之 夷 也常武· 之詩 日 쬭 彼 淮 浦。 鋪 敦 淮 消。 亦 平 淮 夷 事 也。 叉日 「省此 徐 1:0 濯 征 徐 國。 則

全力以經略東方也崧高之詩曰 人 、 則以 南· 方託之申伯韓奕之詩曰「王錫韓侯其追其貊奄受北國因以其伯」 「王遣申伯路車乘馬往近王舅南土是保」 蓋方叔既平荆蠻周 蓋吉甫旣平 玁狁。

言「仲山 周 人郎以北方之任付之韓侯逈與周初分陝之治殊也烝民之詩曰「王命仲山甫城彼東方」又 ,甫徂齊式過其歸」淮徐旣平東方之任周人使王臣自理之不以屬諸侯魯世家言「宜

魯人尚 王伐魯殺其君伯御」自伐魯城齊則威勢東振由豐鎬以達徐淮皆天子自理之尚書大傳及鄭玄 幷以鮮誓在 專征伐及宣王東伐乃魯不與焉魯之不復主東諸侯蓋自此始也宣王親征徐 顧命後甫刑前。 則 鮮誓一篇非成王時事固徐偃王僭號而魯人南征之書耶穆王之時。 戏而 以召穆

公伐 溥 彼韓城燕師所完」 淮夷崧高之詩日 宣王以北國付韓侯而命燕師完之燕召康公之胤也是宣王中與多倚於 王命召伯定申伯之宅」 宣王以南土付申伯而使召伯定之韓奕之詩曰

召穆公已非周初周召分陝之局而側重於召公也召晏之詩則曰「昔光王受命有如召公日辟」 國

百里」黍苗之詩曰「悠悠南行召伯勞之烈烈征師召伯成之」,皆周人獨揚召公之證周語 魯武

公以括與戲 見王立戲獎仲山甫諫日不可立也不順必犯犯王命必誅王卒立之武公薨而戲立。

十一 周之典書

Ξ

史 甄

是為懿公兄括之子伯御攻弑懿公而自立宣王遂伐魯殺伯御」是魯之飢宜王飢之於是陝 以東

亦召公治之豈宜王以魯之大固召其亂因伐一 而弱之耶此見宜之中 典重 視東 **小土遠過南** 北二方其

輕 宣王之輕戎人也亦最甚 視 西戎則又更甚故西戎唯付之附庸之大夫秦仲秦仲遂以死於戎將穆王之創 耶宣王晚年西戎之禍益熾五敗王師則以中國久疲兵力耗竭故。 西戎也最深故 心固本

紀言 「三十九年戰於千畝敗績於姜氏之戎宣王旣亡南國之師乃料民於太**三** 原。 則王室卒徒以

喪於江漢 者既 衆而周以困也祈父之詩序「 謂刺宜王也」鄭箋云 「此勇力之士賣司馬之辭也。

爪牙之士當爲王閑守之衛女何移我於憂謂見使從軍與姜戎戰於千畝而; 敗之時也六軍之士出

太原。 自六鄉法不取於王爪牙之士」則千畝之戰宣王感戰士之不足起爪牙之士以戰不勝又料民於 而終不能克西戎趙世家云「造父以下六世至奄父周宣王時伐戎爲御及千畝戰奄父脫宣

則 軅 山之變之未現於千畝之役者亦僅 一也宜王之創東夷也獨深故東夷是後途不可復振。

征 則 屢 戰 面 屢挫故驪山烽炬而卒覆宗周者卽西戎中與之功虧之一簣蓋強弩之末不能穿魯稿。

固 勢理之恆然者也。

左 氏 昭 四年傳 「周幽爲太室之盟戎狄叛之」岐陽之蒐塗山之會太室之盟其事一同幽王 蓋亦

欲以武· 力服諸侯者於時承找人五敗王師之後命伯士伐六濟之戎軍敗伯士死焉周本 紀言 幽

也。 王爲烽燧大鼓有寇至則舉火諸侯悉至於時王室之迫危有待於征攘可見也詩序「采菽刺 侮 慢諸侯數徵會之而 無信義」 **箋云「幽王徵會諸侯爲合義兵征討有罪旣往而無之」見幽王** 幽王

之常 申約束以備 不虞與太室之盟、 其意一也史記采雜 說謂 「褒姒不好笑幽王爲數舉烽 火其後

不信諸侯益不至」此乃大遠於人情未可信: 也詩序「 苕之華閔幽王之時 西戎東· 夷交侵中 國。 師

旅幷起」「何草不黃下國刺幽王也四夷交侵中國背叛用兵不息」亦足見幽王之勤於武事「漸

之石。 下國刺幽王也戎狄叛之荆舒不至乃命將率東征」見於時內叛外侵師旅不息東征荆舒。

尤勤 **猾襲**宣之前 也小雅之詩曰「鼓鐘將將淮水湯湯」毛傳 **敞**汲汲於經營東 上十月之交詩 日 「幽王用樂不與德比。 皇甫 孔聖作都于向。

會諸侯於

淮

ŀ.。

皇甫

為濯

征徐

致

力為

E

國之帥 坳 臣則向當於東方求之春秋有四向襄 十四年一 會吳于向」 於今為鳳陽府 懐遠 縣東 北四

|里蓋此卽皇父作向處也皇父作向仲山甫城齊其事一同非作私邑朱右會以爲「周幽爲太|

+ 周之與替

古史甄微

室之盟。 戎狄 叛之潁水出於太室而入於淮意太室會後途浮潁 入淮。 因 有 作 向之舉也詩 日 皇

父孔聖公 卿 以上告上無留衛王叉擇民之富有車馬者以往居於向」正義曰「王官列職皇父欲矜 ,非畿內采邑之制詩曰「不熬汽」心옏守我王擇有車馬以車徂向」箋云「盡將舊在位之 作都于向擇三有事會除多藏」簽云一作都立三卿皆聚斂之臣禮畿四諸侯二卿二 形勢盡 則三

郑 往 问。 則又盡移王官於向也下篙雨 無 正之詩曰「謂爾 遷于王都日予未有室家」又日 JE.

公營洛其事间 大 夫離居。 莫知 也許曰「胡爲我作不卽我謀徹我牆屋田卒汙萊」箋云「女何爲役作我不先就 我助三事大夫莫肯夙夜」 諒皆都向之事王官三公至是胥東徂 也是皇父作 向。 周

浩六月红毛序「大東刺亂也東國困於役而傷於財」詩曰「小東大東杼柚其空糾糾葛履可以 與我態使文「變從乃反徹毀我牆屋令我不得趨農田此皇父所樂邑人之怨辭」則當時作役之

履 Π 東人之子職勞不來西人之子粲粲衣服周人之子熊羆是求私人之子百僚是試。

贵以 不處三事就緒」至皇父則「作都于向擇三有事」宜王未竟之志幽卒成之周人固大致力於東不處三事就緒」至皇父則「作都于向擇三有事」宜王未竟之志幽卒成之周人固大致力於東 作 都 <u>文</u> 卿皆聚斂之臣遂致東 土之困耗若斯而反 以奉西人之奢逸耶常武之詩曰 「不留

也。 土遂全付之申伯自申伯! 以 鄶 人西戎滅宗周 而向亦廢周衰而· 申亦 不能自保揚之水序以 爲

以戊之。 刺 平王遠屯戍於母家」箋云「平王母家申國在陳鄭之南迫近強楚王室微弱數見侵伐王是 申固周之府藩周以申之叛而衰。 申亦以周之弱而病於楚自是上無天子下無方伯夷狄

披貀。 而中國遂不可振也自西 周以 來周公兼戎狄於前穆王肆其心於後及宣王修政法文武。 成康

之遺 風周之能統一 此三百年者則三君之力亦猶殷之有武 八丁中興 也然周公穆王 先 西 攘 而 後 東

征則與宣王殷紂皆先東征 而後西 **擦則敗蓋東夷弱而西戎強先克強者** 而弱者自易制先致· 力於

弱者已损其精銳而後攻其強則勢成弩末其敗必也武丁先伐鬼方而後東剪彭韋故興桀爲仍之

會 ilii 起九夷之師則東征之成功可 知。 至 其伐峄山迫逐公劉是又西侵也然公劉徙邠從者十 有八

國。 則 西方周末 大挫而慶節佐湯終屋夏社亦先東後 西 而致敗者也東夷、 秦族之支也其 民引 弓決

矢焦僥僰人炎族之支也。 西戎儻亦 與黄 族同 血 統歟其民 **尙武被甲荷** 戈不同: 於獯 粥 羅狁之爲

た種 而得儕於人故孟子以文王爲西夷之人也黃族崛起而羲炎遂弱與戎人東侵及於周京者之

可 互證 其同爲強武悍鷙之民也。

+ 周之與替

築夷 共 秋 事。 周 有釋位以間王政者紀年「厲王十三年王在彘共伯和攝行天子事」魯連子曰「 之而建王嗣。 晉文侯殺攜王而外諸侯之勢強也左氏昭二十六年傳「王子朝曰幽王愆厥位攜王奸命諸侯替 是 王幷立二十一年攜王爲晉文侯所殺以本非適故稱攜王」呂氏春秋以「 左氏昭二十六年正義引汲冢書紀年又云「平王奔西申而立伯盤以爲太子與 共伯之國 號 申 賢請立爲天子共伯不聽弗獲免途卽王位」 共 (原作蔡公敦此從史記校改)見號公等內諸侯之黨於王而外諸侯若申若魯黨於太子及 終。 曰 侯魯侯及許文公立平王於 伯 共 和 和 此號之黨 元年十四年 也共伯名和好行仁義諸侯賢之周厲王無道國人作難王奔於彘諸侯奉。 修其行好仁 於属 賢周 自外諸侯替攜王而王人弱也呂氏春秋墨子幷說 厲王死於彘共伯使諸 王王子朝日 厲之難天子曠絕! 申以本太子故稱天王。 「厲王戾虐流王於彘諸侯釋位以間 侯 而 則牽共伯和者外諸侯也史說「召公周公二相 天下皆來謂 奉王子靖爲宣王而共復歸 幽王 旣死。 也。 而號公翰 司馬 彪日 王政。 幽王 「厲王染於號公長父、 又立王子 國 於衛 厲 染于號公鼓祭公 幽王俱死 王之難諸 衛州共城縣本。 是於時諸侯 也。 和 · 全 臣 以行天子 呂氏 於戲先 干攜。 侯 春 知 蓋

行 也其事蓋亦猶平王攜王之幷立共伯賢而能讓立宣王而復歸國於衛宣王遂中與周室也郊特性。 政號曰共和」章昭云「彘之亂公卿相與和而修政事號曰共和」此王人之自奉天子以行政。

弱不敢自尊於諸侯」穆王之後共王滅密懿王烹齊王室威靈尚足以翦諸侯自覲禮之廢見周之 日 **觐禮天子不下堂而見諸侯下堂而見諸侯天子之失禮也自夷王以下」鄭玄注曰「夷王時徼**

弱而 庸楊與至於鄂立其三子爲王皆在江上楚蠻之地及周厲王之時暴虐熊渠畏其伐楚亦去其王」 夷王之卑退也楚世家曰「夷王時王室微諸侯或不朝相伐熊渠甚得江漢間民和乃舉兵伐

見厲王之欲強王室削諸侯也周語曰「諸侯不享王流於彘」則厲王奔彘正以諸侯叛之勢之必然

世家 者也而遂奉共伯和立爲天子魯連子以共伯復歸國於衛則共之爲衛亦猶唐之爲晉爲翼耶(衛 「釐侯四十二年卒太子共伯餘立爲君共伯弟和賂士以襲攻共伯於墓上而立 和為衛侯是

為武 公」史記正義云「按此文共伯不得立而弟和爲武公武公之立在共伯卒後年歲。 。 叉不 相當。

蓋張 氏之意 「抑衛武公剌厲王亦以自儆也」則衛武公固上及厲王時也。 既疑 兩共伯相 涉而又疑其年歲不相當然共伯和之是否卽衛武公尙須考證而毛詩。

十一 周之與暋

三七

諸

俠 不 享 m 属 王流於歲諸侯則立共伯和爲天子而周召二公奉宜王行政以與之對峙此王人之

抗諸侯也而號公長父卽王人而黨於厲王者也諸侯不至而幽王死於戲申許則立平王而號公翰

退华 則 上定 攜士以與之對時此亦王人之抗諸侯也而號公石甫亦王人而黨於幽王者也宣王 一而攜 王誅則王人與諸侯強弱之判在是也此周之所以廢耶晉文侯鄭武公許文侯衛武 與而共伯

公、 夾輔平王徙居王城二十一年晉文侯殺王子佘臣於攜是平王之定外諸侯之力也隱六年 左傳

周 桓公曰我周之東遷晉鄭焉依」宣十二年傳「 随季曰昔平王命我先君文侯曰。 與鄭灰輔周

室毋廢王命」 王室之恃於晉鄭也左氏隱三年傳「鄭武公莊公爲平王卿士王貳於號鄭伯怨王王曰無 晉語「叔詹曰吾先君武公與晉文侯戮力一心股肱周室夾輔平王」 皆見東遷之 ^灬之。 故

周 鄭交質」王崩周 人將畀號公政周鄭交惡及王奪鄭伯政伐鄭祝聃射王中肩則 周於是乎 失鄭

隱 五 年傳 曲沃 莊伯伐翼王使尹氏武氏助之曲沃叛王王命號公伐曲沃」 是後王使號 伐 曲

沃 者 再三。 而曲沃卒幷晉則周又失晉也周之東遷依於晉鄭及畀號公政以 恢王人之權 而失晉鄭。

則 周之自敗其力也賈建曰「號仲封東號制是也號叔封西號號公是也」周人畀政於號東號據

虎牢之險西號守崎曬之塞爲洛邑之門戶而鄭滅一號晉滅一號而王室之屏蔽撤也 秦 本 紀 稱

侯出政由方伯而變爲春秋之局也帝王世紀言「號有三焉」其曰北號蓋卽此小號三號亡而周 「縣杜鄭滅小號」三號滅而王室自卑與諸侯無異詩不能復雅謂之王國之變風禮樂征伐自諸

亦廢也。

十二 三代文化

族稱漢唐以後別中國於異族稱唐也漢唐爲中國文化變遷之兩大限界文治武事均有特殊之成於 之都禹有天下號曰夏則以一國之號爲一代之號曰夷狄曰諸夏則又以一代之號爲一族之號故。 澳地 日「越人安越楚人安楚君子安雅」夏后以後歷三代稱中國人爲夏猶炎漢以後別中國 說文說夏中國之人也三代以還遂皆以中國爲夏荀卿子曰「居楚而楚居越而越居夏而夏」又 理 志言「潁川南陽本夏禹之國」戰國所謂爭夏進者即是地也潁川之崇高陽城周即鮌禹 人於異

箕子又以是傳之武王夏小正周月解則亦先後相因斯亦三才之道皆禹之化而衣被三代亦頒漢 也。 續諒夏亦義炎以來文化變遷之一限界則區別文化為夏前時期夏後時期漢後時期唐後時期可。 自禹平水土制定九州作禹貢殷周沿之大略不甚相遠禹抑下鴻而傳洪範彝倫攸敍歷商及周。

之化衣被六代唐之化被於宋明也。

夏臼連山殷曰歸藏周曰周易此之三易卽伏羲神農黃帝之易是三代雖自爲一期而於遠古文化。

ZI C

鬼 又各有崇尚故前文以夏尚忠殷尚敬周尚文三統循環之義亦即義農黃帝三族文化之殊殷人好 而 尙 刑。 即確宗苗黎之化而文化之新故代謝。 固又不必與國 祚之終始同時蓋文化每先動 搖而

鬼 政 **〈治紊亂** 神。 事汽 **亂夏后氏德衰諸侯畔之」則孔** 國 「勢遂亦· 由衰 而 即於亡般人好。 甲之世卽夏道衰而殷道之始。 鬼而好鬼之風開於夏之晚季夏本 般本 紀言 紀言 帝 帝武 孔 ;甲好方 Z 無道。

爲 人 《尙鬼之教已動搖也史遷亦言「紂慢於鬼神」收誓謂其「昏棄厥肆祀弗答」墨子引秦誓曰 偶 人謂之天神與之博令人爲行天神不勝乃僇辱之爲革囊盛血仰而射之命曰射天」 此實 般

不可 行謂祭無益謂 暴無 傷。 此皆見般末鬼教之不行微子篇稱「今般民乃攘竊 神 祇之犧 怪性。

夷居不肯事上帝鬼神禍厥先神祗不祀乃曰吾有民有命」又曰「在彼殷王謂人

八有命。

謂敬

紂

道之 用以 公容將食無! 2變始於孔 甲般道之變始於帝 災。 則其 風 已及於 民庶。 甲羲和生十日生子以日名固苗黎之舊俗爲然而商 周語 謂 孔 甲亂夏四世 m 殞命 甲亂 商。 七世 而 殞。 代帝王皆 則夏

以 不 H 名蓋亦襲於苗黎者然夏自孔 武傷 百姓。 是倘 刑 好 一神之化夏季已然馮景解春集亦證孔 甲已以日名後又有履癸史記言「自孔甲以來諸侯多 甲 為好武之君殷之先公以日 が畔夏桀

十二 三代文化

爲名亦始於上 可微。 而微又滅有易滅皮氏帝王世紀又言「微字上甲其母以甲日生故也商

子以日爲名蓋自微始」 亦正夏之末世 也。

帝王 一世紀 「謂孔甲以後諸侯相兼」則固 夏末一戰國也帝甲以後諒亦殷末一戰國非獨周末為

然。 孟 謂 周 子稱 末之事也孟子又稱 「世衰道微邪說暴行有作孔子懼作春秋」處士橫議所謂邪說諸侯放态所謂暴行此 「堯舜旣沒聖人之道衰邪說暴行又作紂之身天下大亂」此謂夏 般之

横議 末。 亦 也墨家有尹佚送家有辛甲有太公而小說家道家皆有鬻子此殷末之邪說橫議也禹會諸侯。 有處士橫議諸侯放态事也漢書藝文志雜家 有孔甲盤盂。 小說家道家有伊尹此夏末之邪說

於途 ili **犁口上了一点股禓受命存者三千則以孔甲以來諸侯相兼蓋夏末之暴行放恣可見也股**

17.1 諸侯三千及周 初唯有千八百國則以帝甲以來諸侯相兼而殷末之暴行放恋又可見也及於衰

周。 車 更 覹 白。 舊文 化之崩潰新文化之醞釀殆 皆於此三 代之戰國 時期 相 代謝漢之文化 心亦始於秦。

而 **夏而蓋始於顓頊服虔說「少昊之前天子之號象其德百官之號象其徵顓頊之後天子之號因** 成熟於中葉唐之文化亦: 始於隋殷周之化誠亦自夏商之末而始 也再推論之則三代文化雖成

其 刑所謂「絕地天通罔有降格」見上世之囿於神道至顓頊而絀之六府之制尤始於顓頊而被於 地百官之號因其事。 此正 郯子所謂「顓頊以來不能紀遠乃紀於近爲民師而命以民事」呂

三代者則顓頊虞夏之交叉中世文化與三代文化之代謝期也。

見也。 F 在 道 於澤桐棺三寸制喪三月」孔子稱「禹菲飲食而致孝乎鬼神卑宮室而盡力乎溝洫」則 九雜天之川腓無胈脛無毛沐甚雨櫛疾風」尸子又稱「禹之喪法死於陵者葬於陵死於澤渚葬 化各不同紀於近 唐虞以上三族文化各不同紀於遠 尹之書在道家別錄在兵權謀以伊尹之道觀殷之道亦不中不遠太公之書亦志在道家而別錄 兵權謀馬遷亦 卽 而周公宗仁義秉禮樂一守商之陳規一 示 淮 必出於夏而夏之道固大同 南子稱「墨子背周而川夏政」墨子書亦著墨子謂公孟子曰「子法周 說 而命以民事 「周之陰權皆宗太公爲本謀」則太公之法於伊尹在周初爲舊派宗道德擅 則大體不異則智識已進於實際之效也莊子稱 **而聽** 於墨道也殷之道 此於神或 開周之新局三統之實於是得略窺之伊尹太公古之 略同此亦初期文化之必然者也唐虞以下三代文 好好 鬼而 任 刑因乎苗黎之教近於道家之旨故 禹 丽 未法夏」墨之 親自操橐耜 禹之道可 而

十二 三代文化